

TIL – BOYLIK

Тил — тирик ҳодиса. Барча жонлилар каби у ҳам ўсади, ривожланади, ўзгаради, тургунлашади, бойийди, яхшидир-ёмондир одатларга «ўрганади». Ундаги бу жараёнлар ёндош, йўлдош, замонавий, янги нарса-ҳодисалар орқали ўзга тиллар билан биргаликда, миллатнинг куюнчак ойдинлари туфайли ўз илдизидан сув ичиб кечади.

Замон тараққиёти тин олмайди. Техника-технология тўхтовсиз ривожланмоқда. Яқингинанагача ҳам янгилик анча муддат янгиликлигича турган бўлса, ҳозир ниҳоятда тез эскирмоқда. Ҳаётимизга бу техник-технологик янгиликлар билан биргаликда улар билан боғлиқ номлар, яъни янги сўзлар ҳам кириб келмоқда. Уларнинг кўпи тилимизга шундайича, ўзгаришсиз ўзлашмоқда.

Бундай янгиликлардан фойдаланиш оммавий тус олиб бормоқда. Табиийки, улар билан боғлиқ сўз-атамалар ҳам шундай оммалашади. Бунинг ҳеч бир ёмон томони йўқ аслида. Шунчаки, бугун ўз номи билан кириб келган янгиликнинг моҳияти англаниб ултургандা, балки ўз тилимиздаги сўз билан аташ маъқулдир... Буни эса эътибор билан изланса, тилимиздан — қайси бир шевамиздан чиқади. Адабий тилимизни ўз сўзларимиз билан бойитиш имкони шеваларимизда ниҳоятда чексиз. Унда бугун тилимизда бошқа тиллардан олинган сўзлар билан аталувчи нарса-ҳодисалардан ташқари замонавий яратиқларни атовчи, шунга яроқли сўзлар жуда кўп. Фақат буни исташ ва излаш лозим.

Шевалар адабий тилнинг битмас-туганмас манбаи, ўз истеъмолчиларининг хосликларини ифодалаш, кўрсатиш воситаси. Шевалар ҳудудларимиз яшовчиларини бошқа ҳудудлардагилардан яққол фарқлаб турса, адабий тил миллат бирлигини тимсоллайди. Шеванинг кўплиги миллатнинг маънавий салоҳияти, ижодий иқтидори не қадар юқорилигини англатади. Адабий тил эса шу миллат вакилларининг барча ўзига хосликлари билан биргаликда ягона умумий томирга эга эканини кўрсатади. Бир миллатлиларнинг бир-бирларини тушунмасликларидан ортиқ фожеа бўлмаса керак.Faқат бир тилда — барча шевалар ва дунё тилларидан алмаштириб бўлмас сўзлар йигилиб, яратилган адабий тилда мулоқот қўлган миллаттинг ўзининг бир эканини билади, барчасига бирдек тегишли мақсад, гоя атрофида уюша олади. Тилларимиз (асосан талаффуз) фарқли бўлишига қарамай, дилларимиз бир-ку, аслида. Дил бирлиги эса тил бирлигига акс этади. Шу ҳолдагина, яъни дилию тили бирларгина миллий манфаат йўлида бирлашади.

Тасаввур қилинг, қонун ижодкорлари ҳужжатлари матнини шевасида берса, матбуот гапини ўз шевасида айтаверса, домла маърузасини тоза шевасида қўлса! Шу маънода, ҳар қандай расмий мулоқот расмий, яъни адабий тилда бўлиши керак. Бунга эса бизда асос бор, бунга бизнинг ҳаммамиз истисносиз тайёрмиз. Негаки, мактабларда дарсларимиз фақат адабий тилда ўтилади. Негаки, адабий тилда ишланиб, тасдиқланган дастур асосида, адабий тилда тайёрланган дарсликлар бўйича фақат адабий тилдагина иш юритиш мумкин. Мактаб, лицей-коллежларда, олий ўқув юртларида адабий тилда таълим олган шахслар, табиийки, шу тил асосидаги мулоқотга тайёр. Чунки улар умрининг ўн беш ийли шу тил билан ўтган.

Шу ўринда тил бирлиги, миллий тилимиз қадри, мақоми юзасидан яна бир мулоҳаза келиб чиқади. Бугун юртимизда ишбилармонликка, унинг ривожига барча шароит яратиб қўйилган. Кунда бўлмаса, кун ора бирор тадбиркорлик субъекти очилади. Бу яхши. Фақат бу яхшининг бир ёмони борки, ўйи борни ўйлантиrmай қўймайди. Негадир тадбиркорларимиз иш-

Jurnal 1925-yildan chiqsa boshlagan

**O'zbekiston Respublikasi
Madaniyat va sport
ishlari vazirligi**

Tahririyat:

**Bosh muharrir
vazifasini bajaruvchi:**

Jalolbek YO'L DOSHBEKOV

Bosh muharrir o'rinnbosari:

Manzura SHAMS

mas'ul kotib:

Komil JONTOYEV

fotomuxbirlar:

Mashrab NURINBOYEV,

Ahmad TO'RA

sahifalash va dizayn:

Temur SODIQOV,

Nigina QODIROVA

navbatchi muharrir:

Nilufar HAYITOVA

Jamoatchilik kengashi:

Muhammad ALI

O'zbekiston Yozuvchilar
uyushmasi raisi

Fotih JALOLOV

O'zbekiston Respublikasi
Madaniyat va sport ishlari
vazirining birinchi o'rinnbosari

Mahmud ISMOILOV

O'zbek Milliy akademik
drama teatri direktori

Suvon NAJBIDDINOV

«Matbuot tarqatuvchi»

AK Bosh direktori

Abduvahob NURMATOV

Andijon viloyati hokimligi
mas'ul xodimi

Baxtiyor SAYFULLAYEV

O'zbekiston davlat san'at va
madaniyat instituti rektori

Norbek TOYLOQOV

Pedagogika fanlari doktori,
professor

Jahongir QOSIMOV

«O'zbekkino» Milliy agentligi
Bosh direktori

Rustam QOSIMOV

«O'zbekiston pochtasi»
OAK Bosh direktori

E-mail:gulistonjurnali@inbox.uz
guliston_j@exat.uz

USHBU SONDA:

Nilufar HAYITOVA
Ustozlik — martaba

Abdug'afur MAMATOV
**Nigohingdan najot
izladim**

Manzar ABDULXAYROV
Nur sog'inchi

To'lqin JO'RAYERV
**Ma'naviyatga daxldor
dargoh**

Lola FATTOYEVA
**U nikoh marshini
yozagandi...**

Muhiddin TINIBEKOV
Ehtiyyot bo'ling, olov!

Nigina QODIROVA
Bayram liboslari

Asqarali SULAYMONOV
**Impressionizmning
«tug'ilgan kuni»**

Jurnal O'zbekiston Matbuot va axborot agentligi tomonidan 0517 raqamlı guvohnoma bilan 18.03.2008-yilda ro'yxatga olingan.

Jurnal ikki oyda bir marta (bir yilda oltita) chop etiladi.

Mualliflar va tahririyat fikrlari farqli bo'lishi mumkin.

«Guliston» jurnalidan olingan materiallarda manba ko'rsatilishi shart.

Tahririyat barcha ijodiy ishlarni tahrir etishga haqli.

Bichimi 60x841/8. Buyurtma №92. Adadi: 1020 nusxa. Hajmi 6 bosma taboq.
Bosmaxonaga 17.10.2014- yilda topshirildi. Bosishga 17.10.2014- yilda
ruxsat etildi. Tahririyat manzili: Toshkent — 100000, Buyuk Turon ko'chasi,
41-uy. Tel.: 233-25-66, 233-27-94.

Jurnal «Mezon Print» XK bosmaxonasida chop etildi.

Manzil: Toshkent shahri, Kichikbeshyog'och ko'chasi, 130-uy.

лари, ишхоналари, ишлаб чиармишларини ҳатто ўзлари ҳам асл маъносини билмайдиган ажнабий сўзлар билан аташмоқда. Бугун муҳташам бинолардан ташқари улардаги ёзувларни кўриб ҳам ўзини чет элда юргандек туяди киши. Қаёққа қарама, «Bellaza», «Verona», «Bonanza», «Sultan Said», «Aladin», «Rome» ва ҳоказо сингари номлар кўзни қамаштиради. Бунинг устига уларнинг кўпчилиги миллий таомларимизга ихтисослашган емакжойлар бўлса, айримлари чойхона. Наҳот дунёning бошқа тилларида учрамайдиган «божа», «бўла» каби қариндошларни аташга қодир ягона тилда бундай жойларни номлашга сўз топилмаса?! Қолаверса, «Ўзбекистон миллий қомуси»нинг 12- жилди, 7- бетидаги «Умумий маълумотлар» мақоласида келтирилишича, 2005 йил маълумотларига кўра: «Ўзбекистонда 125 дан ортиқ миллат ва элат вакиллари, шу жумладан, ўзбеклар (80,0%), қорақалпоқлар (2,2%), тожиклар (4,9%), руслар (3,8%), қозоқлар (3,6%), татарлар (1,0%), корейслар (0,6%), украинлар (0,3%) ва б. миллат вакиллари (2,7%) яшайди». Агар шу маълумотларга таяниб фикр юритилса, тадбиркорлик субъектларининг асосий истеъмолчилари она тили давлат тили бўлмиш ўзбеклар экани англашилади. «Мы открылись», «Салон красоты», «Мир ковров» ва бошқа кўплаб чақирувларга юқоридаги статистик маълумотга кўра, 10 тадан 8 та ўзбек, 2 та бошқа миллат вакили киради. Бунинг устига 20% бошқа миллат вакили бўлмиш аҳоли ҳам бугун бошқа юртдан келган эмас, уларнинг асосий қисми бир неча авлод давомида шу ерда туғилиб-ўсган. Қолаверса, рус тили уларнинг ҳаммаси учун ҳам ягона мулоқот тили дея олмаймиз. Демакки, «Мы открылись» ўрнига «Иш бошладик», «Хуш келибсиз» тарзида ёзилса, ҳаммага бирдек тушунарли бўлаверади.

Шу ўринда қариндош-уругни аниқ атовчи сўзларимиз бўлгани ҳолда, бу борада ҳам кўплаб камчиликлар юз кўрсатётгани айтиб ўтилмаса бўлмас. Оғзаки мулоқотлар ҳам майли, ҳатто матбуотда ҳам қариндошлар атоги жуда чалкаш берила бошлади. Тогалар, айрим ўринларда почча-жезда-язналар ака; укалар, ҳатто болдизлар ҳам жиян атала бошлади матбуотда. Борган сари аёлларимиз «тога»лашмоқда, яъни улар ака-укаларининг фарзандларини «жиян» атай бошлашган. Аёл чангороғи(оиласи)дан чиққач, яъни турмуш қургач, унга ўзи томондаги барча қариндош бирдай яқин бўлади. Шу сабабли ўзидан кичик барча йигитлар ука, барча қизлар сингил сифатида яқин аталади. Таъкидланётган айни камчиликнинг ҳеч ҳам фожеа жойи йўқдай аслида. Бироқ тилимизда айни атоқлар бўлатуриб, улардан фойдаланмаслигимизда нима мантиқ, қандай манфаат бор?!

Буларнинг барчаси охир-оқибат келаётган авлод тилининг гариблашувига олиб келади. Ёшларимиз тили аллақачон ўзлари «жаргон» атайдиган «олифта» сўзлар билан «бойиган». Улар гўзал, жуда кўркам, чиройли каби юксак эстетик ҳодисани «такой» дейишади. Алам қиласидан, «такой», «только», «точно», «срочно»чилар шу сўзлар олинган тилни умуман билмайдилар, табиийки, ўз тил «бойлик»лари аслида нима маъно англатишини тўла-тўкис тушунишмайди. Асл моҳиятни тушунмай туриб ҳам сўзларни ишлатавериш, охир-оқибат, уларда гапираётганига нисбатан масъулиятни йўқотади. Айтиётганига шунчалар эътиборсизлардан эса ўз ҳаракатлари учун жавоб кутиш ўринсиз бўлса керак.

Чет тилларни ўрганиш, уларни хурматлаш, мақомини муносиб даражада тутиш ўз тилимиз ҳисобига бўлмаслиги лозимлиги оддийгина мантиқ билан асосланади. «Алпомиши»ли, «Хамса»ли ўзбек тили кўрки, тараққиёти фақат ўзимизгагина боғлиқ. Фақат бу масалада ҳам соғлом мантиқ, меъёр шарт. Бойликни шунчаки совурмоқ номаъкул эканидай, уни қадрламаслик ҳам ўринли эмас. Зеро, тил — бойлик. Уни асраб авайлаш, кўпайтириш, ўрнида фойдаланиш, меросхўрларга камчиликсиз етказиш ўзини шу тил ташувчисиман деган барчанинг бурчидир.

Жалолбек Йўлдошбеков



Кексалар «Мартабанг улуг бўлсин», деб дуо қилаётганда катта-катта ишларга ишбоши бўлишни, бирор юксак натижаларга эришишни тилашади, деб ўйлардим. Бир куни онам қишлоқдошимизнинг шаҳарда ўқиб, мактабда ўқитувчи бўлиб ишлайдиганини эшитиб «мартабали одам бўлибди-да», деб қўйдилар. Оддий ўқитувчиликнинг нимаси мартаба эканини сўрасам, «Устозликнинг ўзи катта мартаба-да!» деб жавоб бердилар. Ўйлаб кўрсам, онам ҳамишадаги дек ҳақ экан...



Мамлакатимизда меҳнатда толмас, ҳар бир амали билан бошқаларга ўрнак бўлаётган, ёш авлодни баркамол этиб тарбиялашда жонбозлик кўрсатаётган фидойиларни юксак эътироф этишдек гўзал анъана бор. Айниқса, бунинг мустақиллик шодиёналари арафасида амалга оширилишида ҳикмат бордек. Бу йил ҳам Ўзбекистон Республикаси Президенти фармонига биноан, бир қанча ҳамюртларимизнинг фидокорона меҳнатлари эътиборга олиниб, тақдирландилар. Улар орасида Ўзбекистон Республикаси халқ ўқитувчиси Бахтиёр Каримов ҳам бор. Тошкент шаҳрининг Оқилон маҳалласида дунёга келган Бахтиёр aka бугун маҳалласи, меҳнат жамоаси, таниш-билишларининг фаҳрига айланди. Шу муносабат билан биз ҳам улар қувончиға шерик бўлдик.

— Бахтиёр aka, меҳнатларингизнинг самараси ўлароқ, халқ ўқитувчиси деган унвонга сазовор бўлдингиз. Юксак эътироф кутлуг бўлсин!

— Мен учун бу юксак эътироф, катта мукофот бўлди. Оддий ўқитувчи сифатида қилган меҳнатларимга берилган юксак баҳо мени жуда руҳлантириди. Бунинг учун Президентимиздан миннадорман. Албатта, бу зиммамга масъулият ҳам юклади. Бундан кейин ҳам билдирилган ишончга муносиб бўлишга интиламан. Оддий мактаб ўқитувчисига эътибор, астойдил меҳнат қилган одамларнинг меҳнатлари са-

USTOZLIK — MARTABA

мара бериши мустақиллик шарофатидан. Буни баландпарвозда гапга йўйманг, илгари ўқитувчиларнинг қаҳрамон бўлиши, хукуматнинг эътирофига сазовор бўлиши ҳеч кимнинг тушига ҳам кирмаган. Ўқитувчининг жамиятдаги аҳамияти бироз қўйироқ бўлган. Бугун эса ўқитувчининг, ўқитишнинг, ўқув даргоҳларининг мазмуни ҳам, аҳамияти ҳам, қўриниши ҳам тубдан ўзгарган. Биз ўқитувчилар бундан жудаям миннатдормиз!

— Бу янгиликни эшитгандаги ҳаяжонларингиз билан ўртоқлашсангиз.

— Бу хабарни биринчи бўлиб устозим, Ўзбекистон Қаҳрамони Турғун Азларовдан эшитдим. Ўшандаги ҳаяжон ҳамон мени тарқ этгани йўқ. Улар мендан ҳам кўпроқ суюндилар. Амин бўлдимки, оддий ўқитувчи сифатида ишласангиз ҳам, меҳнатингиз эътиборсиз қолмас экан. Мен билан бирга устозларим, шогирдларим, маҳалла-кўй баравар қувонишиди, байрамимиз қўшалоқ бўлди. Шукурки, танланган йўлим тўғри экан, умримни бекорга ўтказмаган эканман.

— Ўқитувчи деган шарафли касбни танлашингизга ким ёки нима сабаб бўлган?

— Ўқиши-ўрганишга қизиқиш ёшлигимдан бор эди. Мактабда ўқиб юрганимда устозларимдан кўпроқ ўрганишга ҳаракат қылганман. Касб танлашимга отам Рауф Каримов бош сабабчи бўлган. Улар ўқишини тамомлаб илмий иш бошлаганимда, информатика ўқитишини мактабдан бошлаш кераклигини менга уқтирганлар. Айнан уларнинг маслаҳатлари билан мактабда ишлашни давом эттирганман. Илмий ишларимни қизгин жойида ташлаб, мактабда иш бошлаш менга осон бўлмаган. Лекин болалар билан ишлаб, уларни қизиқтира олганимдан кейин қылган ишинга афсусланмаганман. Мактабнинг ўз оҳанрабоси бор. Буни касбини севгандар билади.

— Устозларингиз ҳақида ҳам сўзлаб берсангиз.

— Ҳаётда ҳам, меҳнат фаолиятимда ҳам биринчи устозим отам бўлганлар. Унинг меҳри, тўғри йўналиш бергани учун ҳам бутун шу натижаларга эришдим, деб ўйлайман. Бундан ташқари, устозим Дилбар Азимова билан ишлаш давомида касб сирларини ўргандим. Устозликнинг машаққатлари, қувончларини ҳис қилдим. Методика, таълим-тарбия, педагогикани баб-баравар олиб боришни ўргандим. Улар билан бирга ишлаб, ўқувчиларга бор меҳрим билан сабоқ бера бошладим. Дилбар Азимова билан бирга ишлаш жараёнида, таълим-тарбияда эришган ютуқларимиз учун 1998 йилда «Шуҳрат» медали соҳиби бўлдим. Бу янада иштиёқ билан ишлашимга бу туртки бўлган.

— Ўқувчилик йилларингизни қандай эслайсиз?

— Бизнинг синфимиз, умуман, мактабимиздан

ўтган йиллар мобайнида, кўп яхши инсонлар этишиб чиққанига хурсанд бўлиш мумкин. Кўплаб фан докторлари, ўзининг меҳнати билан эл корига яраган инсонлар мактабимизнинг фаҳри. Мен ўзи унчалик ўйинқароқ, шўх бўлмаганман, лекин спорт ўйинларини синфдошларим билан баравар ўйнаганман. Мактабимизнинг кириш жойида газал мулкининг султони Алишер Навоий бобомизнинг ҳайкаллари ҳамда уларнинг бизни доим руҳлантириб турган:

Одамий эрсанг, демагил одамий

Аниқим йўқ эл ғамидин ғами — деган сатрлари турарди. Биз ҳар ўтган-қайтганимизда ушбу сатрларни қайта-қайта ўқир ва магзини чақишига ҳарарат қиласардик.



— Ўқувчиларни фанга жалб қилиш, дарсни қизиқарли жараёнга айлантиришда қандай усуллардан фойдаланган маъқул?

— Болаларнинг ҳар бири ўзига хос характерга эга. Уларни дарсда ундей бўл, бундай бўл деб бўлмайди. Уларга дарс машгулотларини сингдиришда ўзининг характерига хос усуллардан фойдаланиш керак бўлади. Уларга жуда юмшоқ ёки жуда талабчан, қаттиққўл бўлишни маъқул кўрмайман. Дарсда ҳам дўстона мулоқотнинг бўлгани яхши, албатта. Ҳар бир синфнинг ўзига хослиги бўлади. Улардаги мана шу жиҳатдан фойдаланиш дарс самарасини оширади.

— Суҳбатимиз сўнгиди сизни яна бир бор Ўзбекистон Республикаси халқ ўқитувчиси узвони, қолаверса, касб байрамингиз билан муборакбод этиб, фаолиятингизга бардавомлик тилаймиз.

— Раҳмат, ўз ўрнида мен ҳам барча ҳамкасларимни байрам билан табриклайман! «Гулистон» журнали таҳририяти ҳамда муштаријларининг ишларига омад тилайман!

Нилуфар ҲАЙИТОВА суҳбатлаши



ILLIY IFTIXOR VA VORISLIK HISSI

Асрлар давомида халқ дилига жо бўлган, унинг истеъодли вакиллари томонидан яратилган, авлоддан-авлодга ўтиб сайқалланиб, бойиб келган номоддий маданий меросимиз ўзбек оиласи маънавияти, бадиий-эстетик дидини намоён қўйувчи ёрқин кўзгуни. Шунинг учун ҳам мустақиллик йилларида халқимиз маънавий меросини тўплаш, муҳофаза қилиш, илмий жиҳатдан чуқур ўрганиш ва жаҳон миқёсида кенг танишишга катта эътибор қаратилиб, қатор давлат, жамоат ва халқаро ташкилотлар, илмий тадқиқот муассасалари ҳамкорлигига турли лойиҳалар, илмий изланишлар олиб борилмоқда. Миллий меросимизнинг ажralmas қисми бўлган, ҳозирги кунда «номоддий маданий мерос» ибораси билан номланиб келаётган миллий урф-одат ва маросимлар, халқ ижодиёти дурдоналарини сақлаш, келгуси авлодга етказиш, ундан ёшлар тарбиясида унумли фойдаланиш масалалари давлат сиёсати даражасига кўтарилиди.

Бу борада Ўзбекистон Республикасининг 2001 йил 30 августдаги «Маданий мерос объектларини муҳофаза қилиш ва улардан фойдаланиш тўгрисида»ги қонуни, Вазирлар Маҳкамаси томонидан 2010 йил 7 октябрда тасдиқланган «2010-2020 йилларда номоддий маданий мерос объектларини муҳофаза қилиш, асрар, тарғиб қилиш ва улардан фойдаланиш давлат дастурини тасдиқлаш тўгрисида»ги 222-қарори хукуқий асос бўлиб хизмат қилмоқда. Давлат дастури ижроси бўйича Маданият ва спорт ишлари вазирлиги Республика халқ ижодиёти ва маданий-маърифий ишлар илмий-методик маркази, ЮНЕСКО ишлари бўйича Ўзбекистон Республикаси Миллий комиссияси, ЮНЕСКОнинг Ўзбекистондаги ваколатхонаси,

Ўзбекистон Фанлар академиясининг Алишер Навоий номидаги Тил ва арабиёт институти, Ўзбекистон Бадиий академияси, Халқ таълими вазирлиги, Олий ва ўрта маҳсус таълим вазирлиги, Фан ва технологияларни ривожлантиришни мувофиқлаштириш қўмитаси, Халқаро «Олтин мерос» хайрия жамғармаси, Ўзбекистон Миллий телерадиокомпанияси, Матбуот ва ахборот агентлиги, «Камолот» ЁИХ, Республика «Маҳалла» хайрия жамғармаси, Ўзбекистон Республикаси Халқ усталари, ҳунармандлари, мусаввирлари «Ҳунарманд» уюшмаси, «Ўзбеккино» миллий агентлиги, «Ўзбектеатр» ижодий ишлаб чиқариш бирлашмаси, «Ўзбектуризм» миллий компанияси ва маҳаллий ҳокимиятлар ўртасида яқин ҳамкорлик йўлга кўйилган.

Республика халқ ижодиёти ва маданий-маърифий ишлар илмий-методик марказида ташкил этилган Номоддий маданий меросни хужжатлаштириш бўлими томонидан номоддий мерос объектларини аниқлаш, муҳофаза қилиш, хужжатлаштириш мақсадида комплекс экспедициялар, кўплаб халқаро ва миллий даражадаги илмий-амалий анжуманлар, семинар-тренинглар ўтказиб келинмоқда. Унда номоддий маданий мероснинг, ўзликни намоён этишнинг оғзаки шакл ва анъаналари, ижрочилик санъати, жамиятнинг урф-одат, маросим, байрамлари, табиат ва коинотга оид билим ва урф-одатлар, анъанавий ҳунармандчиллик билан боғлиқ билим ва кўникмалар каби соҳалатирига оид объектларни хужжатлаштириш босқичлари, Ўзбекистоннинг Миллий ва Маҳаллий рўйхатларини шакллантириш мезонлари, дала тадқиқотларини ташкил этиш бўйича кўплаб маълумотлар берилиб, соҳа мутахассислари хабардорлиги оширилмоқда.

2007 йил декабрь ойида «Номоддий маданий меросни муҳофаза қилиш» бўйича ЮНЕСКО Конвенцияси ратификация қилинди ва 2008 йил арель ойидан бошлаб Ўзбекистон Республикаси ушбу Конвенциянинг иштирокчи давлатига айланди. Конвенция талаблари ижросини таъминлаш, номоддий маданий мерос объектларини инвентаризация қилиш бўйича ЮНЕСКОнинг Осиё ва Тинч океани минтақаси номоддий маданий мероси бўйича халқаро ахборот ва ҳамкорлик маркази (IHCNAP), ЮНЕСКОнинг Марказий Осиё тадқиқотлари халқаро институти (PICAS), ЮНЕСКО ишлари бўйича Ўзбекистон Республикаси Миллий комиссияси ҳамда Республика халқ ижодиёти ва маданий-маърифий ишлар илмий-методик маркази билан ҳамкорликда қатор лойиҳалар амалга оширилмоқда.

Бугунги кунгача Инсоният номоддий маданий меросининг Репрезентатив рўйхатига Ўзбекистондан «Бойсун маданий муҳити», «Шашмақом», «Катта ашула» ва «Наврўз» каби тўртта обьект киритилган. «Аския — сўзамолик санъати», «Дор ва дор ости томошалари санъати» кабилар халқаро Репрезентатив рўйхатга киритиш учун тавсия этилди.

Республика бўйлаб ўтказилган қатор илмий-фольклор экспедициялар натижаси асосида Ўзбекистоннинг номоддий маданий меросга оид миллий ва маҳаллий рўйхатлари шакллантирилиб, мунтазам равишда янгилаб борилмоқда. Рўйхатларга киритилган обьектлар ва улар тўғрисидаги ёзма маълумотлар, фото ва видео материаллар Вазирлар Маҳкамасининг 2011 йил 23 февралда қабул қилинган «Номоддий маданий мерос муҳофазасига оид норматив-хуқуқий хужжатларни тасдиқлаш тўғрисида»ги 47-қарорига асосан ташкил этилган «Номоддий маданий мерос обьектларини тарихий-маданий экспертизадан ўтказиш бўйича Илмий-методик кенгаш аъзолари томонидан ўрганилиб, илмий изланишлар олиб борилмоқда. Ҳозирда Ўзбекистон номоддий маданий меросининг Миллий рўйхатига 74 та обьект киритилган.

Халқ ижодини ўрганиш, ҳаваскорлик санъатини ривожлантириш масалалари мактабгача таълим муассасаларидан бошлаб таълимнинг барча босқичларига жорий этилди. ЮНЕСКОнинг Ўзбекистондаги ваколатхонаси, Ўзбекистон Республикаси Халқ таълими вазирлиги ҳамда Ўзбекистон Республикаси Маданият ва спорт ишлари вазирлиги ҳамкорлигида Номоддий маданий меросни таълим соҳасига сингдириш бўйича янги лойиҳа устида иш олиб борилмоқда. «Осиё ва Тинч океани минтақаларида барқарор тараққиёт учун педагог кадрлар орасида номоддий маданий меросни тарғиб этиш» лойиҳасини амалга оширишдан кўзланган асосий мақсад соҳа мутахассислари томонидан таълим жараёнига, хусусан, умумий ўрта таълим муассасалари ўкув дарсликларига номоддий маданий меросга оид мавзуларни киритиши, ўқитувчилар учун методик қўлланмалар тайёрлаш ва тажриба амалиётини ўтказишдан иборат. Лойиҳа доирасида 6- синф мусиқа фани дарслигига фольклор қўшиқларини ўрганиш-

га доир мавзулар киритиши, жисмоний тарбия дарсларида миллий халқ ўйинларини ўргатиб бориш бўйича тажриба амалиёти ўтказилди, тегишли ўқув-методик қўлланмалар тайёрланди.

Ўзбекистон давлат санъат ва маданият институтида 2012-2013 ўкув йилидан бошлаб «Номоддий маданий мерос» фанини ўқитиши йўлга кўйилган бўлиб, ҳозирги кунда мазкур фандан малакали мутахассислар талабаларга дарс бермоқдалар. Бундан ташқари, институт ҳузуридаги Педагог кадрларни қайта тайёрлаш ва уларнинг малакасини ошириш тармоқ марказида ҳудудлардаги Маданият ва аҳоли дам олиш марказлари директорлари учун «Номоддий маданий мерос муҳофазасида миллий салоҳиятни кучайтириш масалалари» мавзусида қисқа муддатли малака ошириш курслари ташкил этилди.

— Вазирлар Маҳкамасининг 2013 йил 25 июндағи «Замонавий маданият ва аҳоли дам олиш марказларини ташкил этиш тўғрисида»ги қарори шу соҳада амалга оширилаётган ишларнинг давоми, десак муболага бўлмайди. Замонавий марказларда халқимизнинг бой меросини ўргатиши бўйича тўғараклар ташкил этиш, аҳолининг хабардорлик даражасини ошириш ёш авлодни миллий қадриятларимизга содик, ватанпарварлик руҳида тарбиялашда катта самара беради. Мунтазам равишида ўтказиб келинаётган «Кўхна замин оҳанглари» республика телетанлови, «Ўлан айтгали келдик» анъанавий фольклор санъати байрами, «Майдон томошалари санъати» республика телефестивали, Мақом жамоалари ва катта ашула ижрочиларининг анъанавий Республика кўрик-танлови, Ёш кулолларнинг Республика кўргазмаларини ташкил этишдан мақсад ҳам ўзбек халқининг бой маданий, маънавий меросини асрабавайлаш, ривожлантириш, ёшларнинг миллий меросимизни ўрганишга бўлган қизиқишини ошириш, устоз-шоғирд анъаналарини давом эттириш, шунингдек, янги жамоалар ва иқтидорли ёшларни кашф этиш ҳамда улар ижодини кенг тарғиб қилишдан иборат, — дейди Республика халқ ижодиёти ва маданий-маърифий ишлар илмий-методик маркази директори Азамат Ҳайдаров.

Президентимиз таъкидлаганларидек, «Ўзбекистоннинг куч-кудрат манбаи халқимизнинг умумисоний қадриятларга содиқлиги, улуг аждодларимизнинг авлодларга ўтаётган маънавий меросининг туганмас меҳрида, миллий гуруримизда»дир. Чиндан ҳам ёш авлодни юксак маънавиятли, баркамол инсон қилиб тарбиялашда, уларнинг миллий қадриятларимизга бўлган эътиқодини шакллантиришда номоддий маданий меросимизнинг ўрни бекёс. Зоро, миллий ўзликни англаш, аждодларимиз тафаккурининг бебаҳо дурдоналарини асраш ва улардан самарали фойдаланиш барчамизнинг бурчимиздир.

**Назокат АҲМЕДОВА,
Республика халқ ижодиёти ва маданий-
маърифий ишлар илмий-методик маркази
мутахассиси**

Ўзбек мусиқа маданийати ўзининг бетакор тараққиёт йўли, мустаҳкам анъаналарига эга. Улардан бири — устоз-шогирдлик анъанаси. Ўзбек мусиқа санъати равнақи учун салмоқли ҳисса қўшган фидойи мусиқа усталарининг ижодий фаолияти, ёрқин хотираси доимо халқимиз эъзозида. Бутун меҳнат фаолиятини ўзбек мусиқа санъатининг ривожига, унинг гуллаб-яшнашига багишлаган истеъдодли гижжакчи, таниқли бастакор, Ўзбекистон халқ артисти устоз Фанижон Тошматов ана шундай санъаткорлардан эди. У шоирларимизнинг Ватанга садоқат, севги ва муҳаббат ҳақидаги ҳамда гўзал диёrimizни мадҳ этувчи шеърларини ўзининг ажойиб тароналарида куйлади. Бу қўшиқлар халқимиз орасида оммалашиб, мусиқий меросимизга айланди. Фанижон Тошматов ўзбек санъатининг ёрқин юлдузларидан Муҳиддин Қори Ёқубов, Тамарахоним, Мулла Тўйчи Тошмуҳаммедов, Уста Олим Комилов, Беркинбой Файзиев, Акбар Ҳайдаров, Мукаррамахоним Турғунбоева, Саодатхоним Қобулова ва бошқалар билан бир сафда туриб, турли мамлакатлар саҳнасида ўзбек халқ мусиқасини тараннум этди.

Фанижон ака чехрасидан табассум аримайдиган, табиатан хушчақчак, ажойиб инсон эди. У киши билан суҳбатлашган одамлар мусиқа соҳасига тегишли фикри бўладими ёки санъатдан ташқари мавзудаги мулоқотими ҳозиржавоблигига, билимдонлигига, зукколигига тасаннолар айтган. Айниқса, ёшлар устозга бирор савол билан мурожаат қилишганда, шошмасдан, атрофлича тушунириар, шу саволга алоқадор барча мавзулар мөҳиятига чуқур олиб кирад, ёшлар бундай суҳбатларнинг асири эди. Фанижон Тошматовда суҳбатдошини, умуман, тингловчиларини жалб қилиш маҳорати бор эди. Шогирд сифатида мен ҳам шундай суҳбатлардан кўп баҳраманд бўлганман.

Фанижон Тошматов 1913 йилда Андикон вилоятининг Асака туманида санъаткор оиласида дунёга келган. Унинг отаси дуторни яхши чертиб, қўшиқлар ҳиргойи қилас, туғишган акаси Каримшер машҳур гижжакчи эди. Фанижон Тошматов илк бор мусиқа сабогини акаси Каримшер ва Собиржон Сиддиқовлардан олди. Орадан йиллар ўтиб, у устоз Тўхтасин Жалилов билан танишиди. Ундаги иқтидорни, мусиқага бўлган интилишини сезган устоз уни ўзи раҳбарлик қилаётган халқ чолгулари ансамблига ишга таклиф қилди.



XX асрнинг ўттизинчи йилларига келиб, Фанижон Тошматов ўзининг бир қатор қўшиқлари билан бастакорлик истеъдодини намоён этди. Ўша даврда янграган «Достоним», «Ёр келур» каби қўшиқларида мумтоз қўшиқчилик санъатини замонавий сайқал ва усуllар билан уйгунлаштирид. Тинчлик, дўстлик, муҳаббат туйгуларини ўзига хос тарзда куйлади, ўзининг бетакор бастакорлик услубини, ўйлини яратди.

1939 йили «Катта Фаргона» каналининг қурилиши кетаётган вақтда кўп санъаткорлар қатори Фанижон Тошматов раҳбарлигидаги халқ чолгулари ансамбли ҳам меҳнаткашларга маданий хизмат кўрсатди. Халқимиз томонидан ижодий фаолиятининг эътироф этилиши уни янада кўпроқ ва самарали меҳнат килишга унади.

Фанижон Тошматов серқирра ижодининг каттагина даври Ўзбекистон радиоси бадиий жамоаларидаги фаолияти билан боғлиқ. У кўп йиллар Ўзбекистон радиосининг халқ чолғу оркестрида концертмейстер вазифасида хизмат қилди. Унинг ана шу даврларда яратган қўшиқларини Акбар Ҳайдаров, Бобохон ва Акмалхон Сўфиҳоновлар, Жўрахон Султонов, Маъмуржон Узоқов, Ортиқхўжа И момхўжаев, Ориф Алимахсумов, Асқар Убайдуллаев, Карим Мўминов, Берта Давидова каби санъаткорлар ижро этиб, халқимиз олқишига сазовор бўлишган. Фанижон ака яратган қўшиқларига ижрочи танлай билар эди. Миллийлик билан сугорилган, ижроидан катта маҳорат талаб қиласидан, авж пардалари баланд қўшиқларини муносиб ҳофизларга ишониб топширилар эди.

Устознинг «Сўз санъаткори» деган ном олиши ҳам бежиз эмас. Биламизки, куй давомида мусиқа товшулари ўз ҷўзими бўйича кетма-кет ўрин алмашади. Бунда сўзлар бўгинларга қандай ажратилиши, бошқача қилиб айтганда, ҳар бир бўгин-

нинг унли товушини нота чўзимига монанд усталик билан жойлаштира олар эди. Бу устознинг мусиқа усулига, ўлчовига шеър ёки газал мисрасининг қандай вазни мос, мутаносиб эканини яхши билганлигидандир.

Устоз ўзбек халқ санъатининг ноёб турларидан бўлмиш асқия соҳасида ҳам ҳозиржавоб эди. Жўрахон Султонов, Маъмуржон Узоқов, Юсуфжон қизиқ Шакаржоновлар билан бирга минглаб одамларни ҳушнуд этган. Мусиқа соҳасида Тўхтасин Жалиловни, асқия бобида эса Юсуфжон қизиқ Шакаржоновни устоз деб билар эди.

1979 йилда Фанижон Тошматов ташаббуси билан Ўзбекистон телерадиоси қошида Дуторчи қизлар ансамбли ташкил этилди. Ансамблнинг илк ижод погоналарини халқ лапарлари, яллалари, ёр-ёрларини ёшларга ўргатишдан бошлади. Шуниси дикқатга сазоворки, устоз биргина ёр-ёрнинг йигирма хилини билар эди. У лапар, ялла, ёр-ёрларнинг Фаргона, Марғилон, Қўқон, Андикон, Намангандаги қайси турлари машҳур ва қанча варианtlари мавжудлигини яхши билар, ушбу миллий меросимизни ёшлар доимо ўрганиб, эъзозлаб, авайлаб асрashi кераклигини ўқтиради.

Ўз ижодини ўзбек мусиқа санъатини ривожлантиришга, санъаткорлар тарбиясига багишлаган устознинг хизматлари давлатимиз томонидан муносиб тақдирланган. Фанижон Тошматовга «Ўзбекистон халқ артисти» унвони берилди, қатор орден ва медаллар, фахрий ёрликлар топширилган. Устознинг «Совға», «Кезарман», «Гулжамол», «Гулшан диёrim», «Истадим», «Тоғ бошида рўмолим қолди», «Севги дегани нима экан», «Мубталоман», «Тўй ўлани» каби дилрабо, умрбоқий қўшиқлари санъатсевар халқимизга ҳамон завқ багишлаб келмоқда.

Қаҳрамон НАЗИРОВ





Абдурафур МАМАТОВ

Nigohingdan najorz izladim

КЕЧАГИ КУНЛАР (туркум)

* * *

Тун.
Сукунатни парчалар хаёл.
Ойдин оқшом,
тўлғанади тун
огушида ухламай аёл.
Бузилади туннинг тинчлиги...
Тоқатлари тошқотган аёл.
Зулмат сари ташлайди нигоҳ,
Тун пардасин тортиб юзига.
Гумонлари бошини силаб,
Йўл кўрсатар ўнги сўлига.
Шубҳалари шодланиб шодон...
Истакларин тугар дилига.
...ўз ўзини санайди нодон,
Чўкар дилнинг тубсиз кўлига.
Қисматидан огринган аёл,
Илинжини йўқотмай сира,
Сарсон дилдай суради хаёл.
Кўз юмгунча қилмишларидан,
Соғинч билан сулҳ тузар аёл...

* * *

Майли, хабар берма,
хабардор қилма,
Хотири жам бўлмай,
...тополмай сени...
Соғинчим саргардон хаёл илкида,
Эҳтимол,
интизор кутарсан мени.
Ўжар ҳисларингта бандисан балки,
Балки ихтиёринг ўзингда эмас...
Қанча рашик қилмагин,
қуйиб-ёнмагин,
Ёдингдаман доим,
яноғингдаман...
Хайдасанг ёнингдан,
Кет, десант минг бор.
Кўнглингни тубида,
фигонингдаман...
Ҳайдама,
ҳолингни ёмон қиласман.
Соғинтириб сабринг
тамом қиласман...

* * *

Мен кўнишиб бўлдим...
Кўнглимнинг,
Кўнимаган қайгуларига.
Улар менга дўстдай қадрдон,
Сендай гўзал, ширин хотира.
Энди дилни эзмайди зинҳор,
зулмларинг бўлар пинҳона.
Ҳатто сенинг аразинг бекор,
Кулгуларинг бўлар мастрона,
Бекор сенинг таънаю нозинг...
Соғингандир ҳатто остона.
Сендан бошқа қайгу йўламас,
Дардлашгани дилимга яқин.
Қайгуларсиз кўнгил унамас...



Кириб келсанг кўнглимга тагин.
Мен кўнишиб бўлдим...
Кўнглимнинг
Кўникмаган қайгуларига...

* * *

Кимdir кутиб турганин билсанг,
Билсанг жуда соғинганини.
Туйгуларинг қушдай потирлаб,
Изҳор этса қувонганини.
Ҳаяжонин босолмай, интиқ,
Сенга жуда ташналигини
Билиб турсанг,
Билдириб юрсанг...
Кўриб турсанг шодланганини,
Ҳижронлардан додланганини ...
Шудир дилнинг иқорор лаҳзаси,
Ошкор этса талпинганини...

Кимdir кутиб турганин билсанг,
Билсанг, жуда соғинганини...

* * *

Нигоҳинг ёқимли,
Мехр йўргаклар,
Сўзларинг сехрли,
Мени ардоқлар.
Буларнинг бариси бирам тотимли,
Кўнгилнинг тубида ухлар қўйноқлар.
Кунлар узун...
қораймайди қош,
Үйқусирап,
тутқунликда тун...
шишилмайди
сира ҳам июн...
Кечаги кун бўлар хотира...
Бугунгиси чўзилар роса,
Йўлдай узун, адоқсиз гўё...
Тоқатсизлик топар ниҳоя,
Согинчлардан қорайганда қош...
кўзларингни эркалайди ёш.
Тун...
табассум қилинар эҳсон...
Энтиқади ҳислар жунунвор,
Бир тутам тун
Бўлар хижолат...
Сабрсиз тонг оқарар шошиб,
Истакларим топмасдан якун...
Кутганингда қораймайди қош,
Согинч сотган нигоҳларингдан
Уялтириб, думалайди ёш...



ИҚРОР

Қошингда итоат қилган қулингман,
Бир умр кутганинг,
ёлғиз йўлингман,
Бесабр, беқадр, бандиларингдан
Безор бўлиб боқсанг,
Бош олиб кетгувчи,
ўнгу сўлингман.
Тўқраган манзилинг,
таскин топганинг,
Ҳаловат истаган,
ёлғиз дилингман.
Сенга содик, сомеъ,
итоаткоринг,
Измингда,
ижозат истаб турибман.
Сен қулдор ва лекин,
Ҳалим ҳукмдор,
Энг гўзал хислатинг,
лутфикарамдир,
Мен ношуд ишқингда,
сенга қарамдир,
Исён истагида турган аламдор...
Эҳсонинг — тутқунлик,
унвоним — асир,
Бутун қилмишингга чидамай охир,
Қўзголон кўтариб, етишсам арзир...

КУЗ, ҚИШ, БАҲОР

Чангиган саҳролар,
Сарғайган хаслар,
Қовжираб, қуриган,
томчи томмайнин,
ёмғирни соғиниб,
кутган кенгликлар...
Булутлар
бостириб келар уюрай,
тўлғоги тутади,
осмоннинг аста.
Ўқиради,
шиддатли, шаштли,
чақмоғин чақади,
чақнатиб тунни...
Тупроқ ҳомиладор...
авайлайди қиши,
кўрпасин кўксига тортиб қўяди.
Уйқуда улгаяр
ҳамал туш қўриб,
амал алдамасдан
йўргак тайёрлар...
Эҳтирос эпкини,
тўлғоқ тўлқини
бошланар,
олам шодланар...
Найсон саболари эслатар сархуш,
Тул хотин орзузи ушалган тунни...

DUNYOGA YUZ TUTGAN MILLIY SPORT O'YINLARI

Ёнғоқ юмалатиб, кураш тушиб ёки чиллак ўйнаб бир-бирининг гапини эшитмай чуғурлашаётган болаларни кузата туриб, ўз болалигимиз хаёлимиз дарпардаларини йигиб, кириб кела бошлайди. Болаликнинг ўйинлари унинг ўзидай беғубор, унинг ўзидай ширин. Ҳатто ғирромликларида ҳам соддалик, беғуборлик мавжуд. Бола бўлиб уларга қўшилгинг, болаликка сингиб кетгинг келаверади. Ўйинларда ҳам ҳикмат бордай...

Яқинда пойтахтимиздаги Олимпия шон-шуҳрати музейида «Софлом ва баркамол авлодни тарбиялашда миллий спорт ўйинларининг аҳамияти» мавзусида матбуот анжумани ўтказилди. «Софлом бола йили» давлат дастурининг ижросини таъминлаш юзасидан Маданият ва спорт ишлари вазирлиги томонидан ўтказилган ушбу тадбир соғлом ва баркамол авлодни тарбиялашда халқ ўйинлари ҳамда миллий спорт турларининг аҳамиятини янада юксалтириш, оммалаштириш ва аҳолини, айниқса, ёшларни миллий спорт турларига янада кенгроқ жалб қилишни мақсад қилган.

Анжуманда вазирликнинг тегишли бошқарма бошлиқлари, Ўзбекистон давлат жисмоний тарбия институти профессор-ўқитувчилари, вазирлик хузуридаги «Миллий спорт маркази», миллий спорт ўйинлари федерациялари вакиллари, миллий спорт арбоблари, юқори натижаларга эришаётган ёш спортчилар иштирок этишди.

Спорт машғулотларига ёшларни оммавий равишда, узлуксиз жалб қилишни ташкил этиш мақсадида 2003 йилдан буён юртимиздаги барча умумтаълим мактаблари, академик лицей ва касб-хунар колледжлари ўкувчилари ҳамда олий таълим муассасалари талабаларининг уч босқичли «Умид ниҳоллари», «Баркамол авлод», «Универсиада» мусобақалари ўтказиб келинмоқда.

Юртимизда спорт ва жисмоний тарбияни янада ривожлантиришга қаратилган саъй-ҳаракатлар замирида фарзандларимизнинг аждодларига муносаб, жисмонан бақувват ва баркамол бўлиб етишишларидек улкан мақсад foяси мавжуд. Хусусан, бу борада Маданият ва спорт ишлари вазирлиги ва унинг тизим ташкилотларида, таълим муассасалари ҳамда миллий спорт турлари бўйича федерацияларда жисмоний тарбия ва спортнинг оммавийлашувини янада юқори погонага кўтариш, жисмоний маданият ҳаракатини ривожлантириш, халқ миллий ўйинларини қайта тикиш, соғлом турмуш тарзини шакллантириш, миллий спорт турлари бўйича иқтидорли спортчиларни тайёрлаш ва уларнинг спорт маҳоратларини ошириш мақсадида бир қатор ишлар амалга оширилмоқда. Ўзбекистондаги спортнинг миллий турлари ва миллий халқ ўйинларини ривожлантиришга кўмаклашиш, республика ҳамда хорижий мамлакатлардаги спортнинг миллий турлари бўйича мусобақалар, оммавий тадбирларнинг ташкил этили-

ши, халқаро спорт майдонларида спортнинг миллий турларини тарғиб қилиш ва унинг ривожланиш йўлларини белгиланган тартибда таъминлаш каби вазифаларнинг амалга оширилаётгани бунинг яқол далилидир.

Олиб борилаётган саъй-ҳаракатлар натижаси ўлароқ, ёш авлод вакилларида миллий спорт ўйинларига нисбатан қизиқиш ошди. Айниқса, маҳаллаларда миллий спорт ўйинлари билан шуғулланадиган ёшларимизнинг сони борган сари ортиб боромда. Бунга жавобан, тизимда «Кураш» миллий спорт турини жаҳон спорт ареналарига олиб чиқиши, унинг халқаро майдонда мустаҳкам ўрин эгаллаши учун зарур шарт-шароитлар яратилмоқда.

Бугунги кунда миллий спорт турлари билан мунтазам шуғулланувчилар сони 161220 нафарни ташкил этади. Жумладан, миллий кураш бўйича 91183 нафар, белғогли кураш бўйича 52474 нафар, Турон кураши бўйича 10559 нафар, Ўзбек жанг санъати бўйича 5324 нафар, Улоқ-кўпкари бўйича 1680 нафар спорччи шуғулланмоқда. Қуонарли жиҳати шундаки, улар республика ва халқаро мусобақаларда мувваффақиятли иштирок этиб, нуфузли ўринларни эгаллаб келишмоқда. 2013 йил 12-16 декабрь кунлари Туркияning Истамбул шаҳрида кураш бўйича беш-



та қитъанинг 38 мамлакатидан 450 нафар полвон иштирок этган жаҳон чемпионатида 18 та вазн тоифасида мамлакатимиз полвонлари кўлга киритган 2 та олтин, 3 та кумуш, 4 та бронза медали, жорий йил 22-24 август кунлари Россиянинг Ульяновск шаҳрида белбоғли кураш бўйича ўсмирлар ўртасида ўтказилган жаҳон чемпионати мусобақаларида спортчиларимиз эришган 1 олтин, 1 кумуш ва 6 бронза медаллари бунинг далилидир.

1998 йилда Ҳалқаро кураш ассоциацияси ташкил этилиб, 1999 йилда Тошкент шаҳрида кураш бўйича биринчи жаҳон чемпионати ўтказилди. Президентимиз Ислом Каримов мазкур биринчи жаҳон чемпионатининг тантанали очилиш маросимидағи табрик сўзида: «Мен ишонаман, дунёга машҳур полвонларнинг бебаҳо хизматлари туфайли ҳалқимиз маънавий турмуш тарзининг ажралмас қисмига айланган кураш бугундан эътиборан янги ҳаётини бошлайди,



янада юксалади, жаҳон узра кенг тарқалиб, турли миллатларга мансуб миллионлаб кишиларнинг севимли машғулотига айланади», — деб ҳақ гапни айтган эди.

Айни пайтда дунёning 121 давлатида ўзбек Кураши федерациялари фаолият олиб бормоқда.



«Ҳалол», «ёнбош», «чала», «дакки» сингари сўзлар ўзбек тилида янграмоқда.

Шунингдек, анжуманда соғлом ва баркамол авлодни тарбиялашда ҳалқ ўйинлари ҳамда миллий спорт турларининг аҳамияти юкори эканлиги сабабли уларни оммалаштириш ва аҳолини, айниқса, ёшларни миллий спорт турларига янада кенгроқ жалб қилиш борасида амалга оширилаётган ишлар, режалар ва тарғибот тадбирлари тўғрисида қатор фикрлар билдирилди. Тадбир якунида вазирлик ва тизим ташкилотлари, тегишли федерациялар вакиллари ва оммавий ахборот воситалари ходимлари ўз саволларига масъул ходимлардан атрофлича жавоб олдилар.

Бугун маҳаллаларда, қишлоқ ва овулларда кураш тушиб, бир-бирига ҳакамлик қилиб юрган болакайлар эртага йирик ареналарда байроқ кўтариб, юртимиз шарафини юксакларга кўтарса, ажабланмаймиз. Мустақилликнинг шонли тарихга айланган йиллари бизни шунга ўргатди. Бундай тадбирлар эса фаолиятларнинг ривожланишига омил бўлади.

Роза ҲАЙТОВА





Nur sog'inch'i

мати-ю, унинг турмуш тарзидаги уйғунлик, яъни унинг замон зайди ва макон мезонидаги эврилишлари сари қанот ёзади:

*Ўтар кимларгадир бўйсуниб замон,
Замонга бўйсуниб ўтар кимлардир.
Кимларнидир челтиб ташлагай замон,
Челтиб ташагай замонни кимлардир.*

Икром Отамурод асарда асрлар қаъридан то шу кунгача инсон, аниқроги, улуғларимиз руҳий имкониятлари само ичра чек-чегара билмаслигини, уларнинг маънавий ҳаракатлари эса, замон ва макон эврилишларига муштарак эканлигини образли тарзда тараннум этади:

*Компаслардан чиқиб кетган улугелар
Дилида Шарқу Farb муштарак макон.
Кундуз байзо ҳувуридай тўлуелар,
Шабда қамар сиймосидай нурафшон.*

Булардан сўнг шоир бадиий кайфиятни анъана-вий шеъриятимизга хос тарзда, яъни нозик хилқат учун шунчалар қайтурган, унга шунчалар беминнат

Яқинда «Ёшлик» журналида Икром Отамуроднинг «Руҳдан сизган нур» достони эълон қилинди. Асар номи кўнгилга яқинлиги билан шеърият муҳиблари кўнгил кўзига бир нур, нозик тахайюлига самовий парвоз бахш этган бўлса, ажаб эмас. Демак, бу номда катта умид ва рамзий маъно бор. Умид шуки, ҳар куни уст-бошини тозартираётган инсон худди шундай кўнгил поклигини ҳам канда қилмаслиги керак. Аммо кўнгилни тозартириш кишидан сермашаққат маънавий азобни талаб қиласди. Бунда киши мудом маънавий бедор бўлиши жоиз. Зеро, бу улуг тайёргарлик — улуг НУР соғинчи.

Достон «...Тонг аввали» сатрлари билан очилади:
...Тонг аввали.

*Ёйиб чодирин қуюқ
Кетгиси келмас туннинг...*

Қўринадики, шоир тонг аввали — эрта тонгдан қоронги тунгача, ҳатто, кечалари субҳи содиққа қадар бедор «фонус» ёқиб, ўз кўнгил каъбасини супуриб-сидиради. «Кўзда су, кўнгулда қайгу, тан заифу жон наҳиф» қабилида минг бир андиша, минг бир мулоҳаза билан қўлига қалам олиб, кўнгил кайфиятини баён этишга киришади: унинг тахайюли замонлар оша юксалади... кўнгли сокинлашади. Шоир ниманидир англаб етади... Бу бадиий кайфият кўнгилни чунон ўртайди. Шунда шоир хаёлоти беихтиёр улуг Тангри яратиги бўлган инсоният қис-

имкониятлар яратган парвардигори оламга қарата юқори пафосда талқин этади:

*Рұхни рұх айлаган ҳур,
Үзи — рұхдан сизған нур —
Ул зот.*

Асарда Ҳақ ва ҳақиқат ҳақидаги манзарапар ҳам худди шундай тус олади ва бу шоирона тимсоларда янада партавланади:

Ҳақиқатда юксалгайдыр мазҳарнинг раҳти, мазҳарнинг тус қаватида ҳақиқат қат-қат.

Нақл борким:

«Ҳақиқат ердан ҳам кенгрөқ»...

Ушбу мисраларда илгари сурилған бадий кайғият Ҳақ ва ҳақиқат, озодлик ва ҳурият зимнида шакллана боради: агар инсон Ҳақдан ўзгани тан олса, унинг руҳи бадан қағасида занжирбанд бўлади, яъни парфиёна рамзий ифодалар билан айтганда, худди эркисиз ҳақиқат ҳақиқат бўлмагани сингари инсон ҳам бунда ўз эркини бутунлай йўқотади.

Шоир Икром Отамурод кўнглида бу тушунчалар шу қадар кенг, шу қадар гўзал тус ва тароват оладики, уни шеър билан таърифлашга гўё шоирнинг забони ожиз, энди у «Ҳақиқат ердан ҳам кенгрөқ» қабилидаги қадим нақлларга мурожаат қила бошлайди. Бунда шоир ўқувчи кўнглида ҳақиқат нақадар кенг тушунча эканлигини шакллантиришга эришади. Зеро, бирор фикрни асослаш ҳали ҳақиқат эмас, аслида у инсон тийнатида азалдан мавжуддир. Фақат уни уйғотиш юмуши инсон ихтиёрида. Бўлмаса, у тутқулигича қолиб кетаверади. Илло, ҳар бир инсон арзу само ичра ана шу улуг неъматдан тотиб кўришга ҳақли. Эҳтимол, инсон уни ўз вақтида англаб етмаса, унинг ботинида кўпроқ ёвузлик ҳукм сурар. Албатта, бунга фақат дунёвий-фалсафий тушунчалар нуқтаи назаридан қаралса, катта иштибоҳ бўлади...

Шоир асарда инсон Ер шарида бир муддатгина меҳмон эканлигига, ҳаттоқи, бу фурсат ичиди инсонни инсонга қилган барча дунёвий савоб ишлари, аслида зигирча эмаслигига ҳам рамзий ишора қиласи. Илло, шоир инсонга жуда кўп нарса эмас, балки озгина меҳр, муруват, эътибор кераклигини рамз-тимсолларда акс эттиришга ҳаракат қиласи ва буни ғам мазҳарига жо этади:

*Бул қалбимда уммон-уммон
қалқиб-қалқиб ётар ғам.*

*Бул қалбимда тумон-тумон
халқиб-халқиб ётар ғам...*

Замондош шоиримиз Икром Отамуроднинг мазкур достони ўзига хос услугда ёзилган бўлиб, асар адабиётимиз равнақи учун беназир тортиқдир. Эҳтимолки, «Рұхдан сизған нур» замонавий достоннависликларимизда қарийб унтуилаёзган анъанавий издошлик тарзининг бардавомлигига замин ҳозирлар. Нима бўлганда ҳам бу шоирнинг ҳажр достони, зеро, унинг хотирлари шунчаки бир ўткинчи эмас, балки абадиятга дохилдир.

Манзар АБДУЛХАЙРОВ

ZAMONDOSH



**Дунёда бўлмаса муаллим агар,
Ҳаёт ҳам бўлмасди гўзал бу қадар.**

Жомий

Муборак Раҳимова. 1953 йил Самарқанд вилояти Жомбой туманидаги Назар қишлоғида туғилган. 1977 йилда Тошкент давлат педагогика институти (ҳозирги Низомий номидаги Тошкент давлат педагогика университети)нинг олмон тили факултетини немис ва инглиз тиллари ўқитувчisi ихтисоси бўйича тамомлаган. Жомбой туманидаги З-ўрта мактабда қирқ йил фаолият олиб борган.

Муаллиманинг республикамиздаги мактаб, коллеж, университетларда чет тиллардан дарс берадётган, таржимон бўлиб ишлаётган, журналистика соҳасида фаолият олиб бораётган шогирдлари кўп. Унинг педагогикага доир бир қатор мақолалари республика матбуотида нашр этилган. Умр йўлдоши билан беш нафар фарзандни вояга етказиб, ўқитиб, элга қўшган. Муборак Раҳимова чин маънода касбидан баҳт топган аёлдир.



Исажон СУЛТОН

Болам, кишининг изгиринли кечаларида кимсасиз далаарда гала-гала бўлиб увиллаган дайди итларни бўри деб ўйлаганингни гапириб бердинг-а? Ҳа, дала-тузнинг тупроғу кесакларигача музлаган совуқ кунларда кучулар ўшанака тўпланиб олишади.

Аммо сен кўрганинг оддий гала холос-да. Истасанг, сенга бўри ҳақида гапириб берақолай.

Мен умрим мобайнида бўрига бир неча марта дуч келганиман.

Дунёда ваҳший ҳайвонлар тўлиб-тошиб ётибди. Кучкудати, викори, одамни ҳайиқтирадиган ҳайбати билан қайлардадир арслонлар, сиртлонлар, айиклару тимсохлар умр кечирмоқда. Ваҳший дегандан кўз олдимизга ақлни кўркитадиган куч-кудрат или инсон вуужудини пийпалашиб мижиглаб, тишлари билан парчалаб-узиб ейдиган этхўр ҳайвонлар кўз олдингга келади. Бўриям шундай.

Уни ақлли дейдилар. Ҳайвонлар орасида шугина бир марта жуфт танлаб, умрининг охиригача ўша жуфти билан ҳаёт кечиради. Ўз маконининг чегараларини эринмай белгилаб чиқиб, биронта жонзотнинг киришига йўл кўймайди.

Унга илк дуч келганимда ёш бола эдим. Далада кетмон чопаётган отамга овқат олиб кетаётганимда, кишлоғимизнинг тепа томонидаги тўқай ёнида фалати кучук боласини кўриб қолдим. Қамишлар орасидан менга қизиқиш билан анграйиб қараб турарди. Бир маҳал бурнининг учига калалак кўниб олди. Кучукбola калалакни кувишига уринса ҳам кетмас, айлануб учаверар эди.

Кулгим қистаган, ҳатто завқланган бўлсан керак. Тугунимни ўтига кўйиб, яқин бордим. У тўлпок, оёқлари бақувват, бўйнидаги ёли типпатик, кулранг бўри боласи эди. Мени кўриб сира ҳайиқмасдан ёнимга югуриб келди, сакраб атрофимда айланди, кейин шимимнинг почасидан тишлаб-тортиб, ўйнай бошлади.

Ўзим ҳам ёш боламан-ку, унга кўшилиб тупроқлар, ўтлар оралаб роса чопдим. Кейин чарчаб, ўтига ётиб олдим, бўри боласи устимга чиқиб-тушар, янга ўйнамизми дегандай чопиб нари борар, ўша жойдан туриб менга бошини буриб қарап ҳам эди.

Кўп ўйнагани вактим йўқ, отамнинг олдига боришим керак. «Э, кўрмайсанми, иш кўп-да» деб ўрнимдан турганимда, сал нарида қоядай қотиб турган ота бўрини ҳам кўрдим.

У викорли, кўкраги кенг, панжалари пайдор, одам боласи билан ўйнаётган зурёдига индамай қараб турарди. Ҳа, ҳақиқатан ҳам ҳайбатли эди, аммо туришида таҳсид сезмадим. Шундай бўлса-да, кўрқаним эсимда. Салдан кейин паст овозда ириллаган эди, боласи талланглай-тальланглай қошига чопиб борди. Сўнг икковлон бамайлихотир ортга бурилишиб, ўз йўлларига кетишиди.

Яна эсимда қолгани шуки, қўёш нурида булутлар тарам-тарам, алвон-алвон, оралари очиқ-очиқ, бепоён кўкни шу тарз энлаб олган, яшил дараҳтларнинг баланд учлари ҳам алвон тусга бўялган эди.

Тугунчамни олдиму мен ҳам ўша йўлдан отам қошига ошиғич чопиб кетдим.

Чопонининг ўнгирини қайириб, кетмон чопаётган отамга бўлган воқеани ҳовлика-ҳовлиқа айтиб берганимда, қошлари чимирилиб «Қани, юр-чи» деб кетмонини кўтариб, мен келган йўлга қараб юрди. Узоқларда кишлоқ тераклари кўзга ташланар эди. «Чўл ичкарисидан келган бўлса керак», деди отам тусмоллаб. Икковлон бўри турган жойгача келдик. Отам теваракни бир айланиб чиқди, йўқ, ваҳший кўринмасди.

— Асли онанг аҳмоқ, — деди отам, жаҳли чиқиб. — Тўқайга ёш болани ҳам жўнатадими?

— Йўқ, ота, индамай қараб тураверди. Боласи мен билан роса ўйнади.

Кўй-кўзиларни бўғизлаб ўнгариб кетиши мумкин, — деди отам. — Хайриятки, қорни тўқ экан, сенга тегмабди.

Кейин уйга етгунимизча бўрилар ҳақида гапириб борди. Йўлда ҳам атрофига аланглар эди.

Эркак бўри боласини ўйнатгани олиб чиқмайди, балки овга ўргатади, — деди. — Бошқа болалари ҳам бордиру сен кўрмагандирсан. Ишқилиб, нима бўлганда ҳам даф қилмабди, худога шукр.

Уйга қайтгач, отам атрофдаги кишиларга хабар беришга кетди. Шу-шу, бир неча кун қишлоқ эркакларининг бири милтиқ, бири болта, бири калтак олиб, кўраларини кўриклиб ётишиди, аммо бўри қайтиб кўринмади.

* * *

Кейинчалик ҳам қишлоққа бўри даф қилгани ҳақида гап-сўзлар гоҳ-гоҳ оралаб қолса-да, уни бирор кўрмас эди. Табиийки, ҳар хил гаплар учирди. Ҳамманинг уйида мол-қўйи бор, чорва-ку ўз йўлига, аммо болачалар хавотир ўйғотади. Ўйнаб экинлару оғочлар орасига кириб кетса, оч ваҳший биронтасини бўғизлаб ташлаши мумкин. Ҳар холда кишилар орасидан бўри ваҳми аначага кетмаса-да, менинг дилимда у кўркув ўрнига ўша маҳалдаги хотиржам қиёфаси ва боласининг беозор ўйнаши қолаверди.

Йиллар ўтди, отам қартайди, мен эса эр етилдим. Ҳаёт шавқи қонимни қиздирап бўлди.

Ўша маҳаллар, вакт-соати келиб бир рўзгор қураман, бир-биридан шўх болаларим бўлади, эл-юрт қатори бирордан кам, бирордан кўп, аммо баҳтиёр ҳаёт кечираман деган ишончим дилимда мустаҳкам эди. Вакти келиб, ҳаётимда бир тартиб ўрнатаман, отам қилган хатоларни тақрорламайман деб ўйлардим-да. Балки отам ҳам мен сингари турли-туман ҳаёлий режалар тузгандиру ҳаёт машаққатлари у режаларнинг амалга ошишига йўл кўймандир? Кимdir озорлаганида ўйимизнинг айвонида ҳаммамизни чақириб бағрига босгандари, «шу болаларимдан бошқа чеч кимим йўқ» деб ўксинганлари эсимда. Эсимдаси нимаси, гоҳ-гоҳ тўсатдан шууримга қалқиб чиқади, бот-бот шуни ўйлаб ҳам кетаман. Теграда одам кўп, қавму қариндошлар ҳам ўз ҳолларича келиб хабар олиб туришибди, нимага отам «Болаларимдан бошқа сунчифим йўқ» деб озорланган экан, деб сабабини топишига уринаман.

Уйланиб, бола-чақали бўлдим, ҳаёт гирдoblари мени ҳам ўз домига аста-секин тортиб кетаверди.

У маҳаллар қиши қаттиқ келарди. Ҳар йили ўтин фамлайман, аммо барибирам етмай қолади. Сабаби, сандалга қалаймиз ёки тандирга ишлатамиз. Қолаверса, қиши

нинг узун кечаларида узоқ ёнадиган, чўғи тезда ўчиб қолмайдиган ўтин керак бўлади. Бу сафар эрта куздаёқ совуқлар бошланиб кетди. Маккапояларни бир кечадаёқ ушук урди, эртасига узун-узун япроқлари саргайиб, палахса-палахса бўлиб илвираб осилиб тушди. Фамлаб кўяқолай дея тўқайга ўтин кесгани бордим. Ичкари қисмида саксовуллар ер бағирлаб ўсган, ўшаларнинг қуриган шохларидан уйга олиб келиб босиб кўйсам, қишига яхши ўтин бўлади деб ўйладим. Шохларни тўплагунимча кеч кирди. Уйга қайтаётганимда чўл адогидан улкан ой самога кўтарилган, шабада эсар, ҳаммаёқ шитирлаган сасларга тўлиб кетган эди.

Уни иккинчи бор ана ўшандага кўриб қолдим. Тўқайдан ҷиқаверишда, йўлим устида кулранг соя каби, чўнқайиб ўтирап эди.

Кучли, пайдор панжалари шундок кўз ўнгимда. Ойга қараб увиллади, кейин нигоҳини менга тикиди.

Ундан ҳайикдим.

Айтмоқчи, ўтин кесгани чиққан, кўлимда ўткир ойболтам бор-ку?

Бўрилар тифида ой нури аксланган ойболтадан қўрқади деганлари ростмикин?

Йўқ, ёлғон бўлса керак, чунки мендан сира ҳайикмайтган эди.

Тавба, кеч шом маҳали, ой бўум-бўш кенгликларда танҳо сузган шу кечада мен ва бўри, бир-биримизга қараб турардик.

У ўша, болалигимда кўрганим бўрими, ё бошқасими, айттолмайман. У кўрганим бўрининг нигоҳи ўз кудратига ишонган, хотиржам нигоҳ эди. Қаршимдагининг нигоҳида эса таҳдид сезилмокда!

Яна, кўксига чуқур жароҳат изи ҳам бор. Кулранг ёлла-ри орасидан қорамтири ўйик бўлиб кўриниб турибди. Мажон ёки ўлжа талашиб уришганида қай бир ваҳшйининг тиши қолдирган бўлиши мумкин.

Олдинга қадам боссам, бир ҳамла билан бўғзимга ташланиши турган гап.

Аммо мен ҳам кучга тўлган, шаҳду шиддатим унивидан қолишмайдиган эр киши эмасманми, ойболтамни қисимлаб, олдинга бир оз эгилиб, бир-икки хушёронга қадам ташладим.

Бўри қимир этмади.

Шу тариқа сўқмоқдан жуда секинлик билан, кўзимни ундан узмасдан аста-секин илгарилай бошладим.

Ойболтам жуда ўткир эди-да. Ханжардан ҳам, қиличдан ҳам ўткир эди! Дараҳтнинг майдаги шохчасини ҳавога отиб, тушаётган маҳали бир урсам, иккига бўлиб ташлайдиган дараҷада кескир эди.

Шу тариқа, сўқмоқ четидан унга юзланиб, олдга хиёл энқайиб, сурила-сурила ўтиб олишни кўзлаганим аниқ.

У эса чўнқайганича, шиддат тўла нигоҳини мендан узмасди.

Милтиқ олмаганимни қара! Милтиғим бўлса, тўнғиз ўқи билан бир отишда жонини жаҳаннамга жўнатордим. Тўнғиз ўқи теккан жойини йиртиб-кўйдириб ўтади. Яқинроқдан отилса суякларни ҳам синдириб, баҳайбат бўлса-да, бир неча кулоч нарига улоқтириб юборади.

Бўрининг ёллари янада ҳурпайди, олд панжалари билан ерни тимдалаб, ириллади.

Хозир ташлансанча!

Шу маҳал анча наридан, тўқай ичкарисидан увиллаган бошқа бир товуш эшитилди.

Сўқмоқ четидаги рақибимнинг ёллари пасайди, кўзини мендан узиб, товуш келган томонга бир қараб кўйди. Шунда нигоҳидаги шиддатнинг ғойиб бўлганини пайқадим. Ортига тисарилди, аммо сира шошмасдан, викор или ўғирилди ўша томонга йўртиб кета бошлади.

Э, тушундим! Бўрилар оила бўлиб яшайдилар. Унинг ҳам оиласи бор-ку?

Ха, бўри оила қуради. Нарироқда, тўқай ичкарисида уяси бўлсаям ажабмас.

Бўри болалари қанақа бўлишини биламан, болалигимда кўрганман-ку? Кулранг тумшуқларининг учи қоп-кора, гоҳ ҳавони исқаб, гоҳ бир-бирига суйканиб лапанглаб чопа-

диган, тўлпоқлигидан гоҳо йиқилиб-аганаб ҳам тушадиган уч-туртта жўжиклари бўлса эҳтимол.

Хар ҳолда, у ерда бир оила яшар, эркак бўри эса менинг, яъни чўл бағрида ўзича қўймаланиб ўтин тўплаб юрган одамнинг қиёғасидаги хатарни сезиб, йўл ёқасига бола-чақасини ҳимоя қилгани чиққанга ўхшайди. Ким билсин, балки қишлоқ томон йўл олгандиру аммо мени кўриб, ниятидан қайтгандир?

Ажабо, мени ёв ҳаёл қилдимикин?

Мен ҳам уни ёв ҳаёл қилдим-ку?

Ортимга чекинсам, ҳамла қилмаслиги мумкинми?

Аммо, мендаям бола-чақа бор-ку?

Ортимга қайтсан ҳам бўларди, албатта. Лекин, олдинда — қишлоқда менинг ҳам болаларим бор. Ортимга чекинсам, шу бўри ёки тўдадагилари қишлоққа даф қилсалар нима бўлади? Мол-хол, қўйлар-ку майли, болала-римга чанг солса-чи?

* * *

Қишлоқда одам кўп, ҳаммамиз бир жамоа кабимиз.

Тўй-маросимларда баримиз тўпланамиз. Катта қозонларда ошлар пишади.

Бекорчилар қозонга ўтин ёқилмасиданоқ кўча базмини бошлаб юборишиади. Уст-боши анчайин тўзган кишилар шунақа маросимларда бирор ўйрашиади.

Ёмғирлару қорлар ёққанида ҳам шу манзара ўзгармайди. Бизнинг тарафлар факат баҳор ва ёз ойларида жонланади, холос. Кузда ҳаммаёқ лой-балчиққа айланади, қиши келиши билан ҳаракат дараҳтлар ўйқуга кетгани каби сусади. Мўрилардан кўк ва қора тутун ҳовур аралаш чиқа бошлайди. Ерларда гўзапоя ва макка поялари қорайиб, илвираб ётганини кўрасиз.

Үй ишлари билан машғул эдим. Кўча тарафдан бирор чақирди.

Қарасам, қўшним экан.

— Ха, киравермайсизми? — дедим саломлашиб.

— Гап бор, — деди у. — Айтуб қўяй дедим, кеча тунда қишлоққа бўри оралабди.

— Йўғ-э? Бирорга зарари тегмабдими ишқилиб?

— Тегмабди. Қишлоқ четидаги уйнинг томорқасигача кириб келибди. Уй эгаси ҳавотирланиб ташқарига чиқса, дўнгга чўнқайиб ўтириб, ойга қараб увиллаётган экан. Кучукларнинг овози ўчиб кетганимий. Қўйлар ҳам кўрқанидан қўранинг бир четига фуж бўлиб олишибди.

— Гузарда қишилар тўпланяпти, — деди кейин. — Бу йил ҳам қиши оғир келади шекилли. Маслаҳатлашиб олайлик, сиз ҳам чиқарсиз?

— Хозир бораман, — дедиму тўнимни кийиб, ортидан эргашдим.

Ҳақиқатан ҳам, гузарда ўн-ўн беш чоғли эркак тўпланган, яна бўри келиб қолса нима қилиш кераклигини гаплашиб туришарди.

Қишлоқнинг уч-турт хонадонида милтиқ бор экан. Колганлар болта, кетмон, болга каби анжомларини тайёрлаб қўядиган бўлишди. Кимдир дашт тарафга бориб тузоқ кўйиб келадиган бўлди. Яна, кимки бўри кўрса сас чиқарсига дейилди. Ҳамма хушёр ётсинг, тиқ ётган товуш эшитишса, чопиб чиқишин. Қўй-қўзи-ку майли, аммо одамга ташланиб қолса борми? Шу сабаб, хушёр турган тузук.

Қайтайдиганимда ҳаво очик, совуқ бўлса-да, осмон кўм-кўк, уйлар ортидан, икки-уч жойдан тутун ўрлар эди. Гўзапоя тутуни кўк бўлади. Тутунини эса яшилтоб аланга чиқарди. Тутунларга қараб, ким нима қилаётганини билиб олса бўлаверади. Қорамтири тутун тандирга нам гўзапоя ёқилганини билдиради. Кимдир нон ёпмоқчи. Очкулранг тутун ҳазон ёқилганинг аломати. Ҳа, қайдадир нон ёпиляпти. Ана, шабада исини ҳам олиб келди: ёнган ўтингин ва пишатган ноннинг иси.

Тумов-пучкоқ болакайлар кўчада ўйнаб юришибди.

Тунда қўшнилар билан қишлоқнинг шимол томонига чиқдик.

Кимдир кала тикиди. Кала ичиди ётибмиз.

Ҳаво совуқ, осмон тўла тўнғиган юлдуз. Гоҳо ёруғ из

O'ZBEK NASRI

қолдириб учади. Ҳар тарафдан чириган хас-хазон иси келади.

Дашт адогидан улкан ой самога кўтарилиди. Ҳаял ўтиб, ҳаволагани сайин кичрая борди.

Ёғдуси тунги даштни ёритди. Теваракни ўзгартириб кўрсатди.

Туриб, атрофни диққат билан кузатаман. Буталар орасида ҳаракат сезилгандай бўлади. Лип этиб бир нима ўтади. Йўқ, бўри эмас. Бўри бунака лип этиб келмайди. У хотиржам, акл билан иш тутади.

Уч-тўрт кун шу тарз кўриқлаб ётдик, аммо бўридан дарак бўлмади. Ёшроқ йигит-яланглар от суреб, атрофни кезиб чиқишиди. Ҳар ҳолда ўлжа излаб ёки ўзича айланиб бир келгану қишлоқда жонига зуғум қила оладиган кишилар болргини сезгач, болаларини олиб узоқроқка — эмин-эркин дашт қўйнига, емиши оз, аммо хавфсиз маконларга кетган бўлиши мумкин.

Қиши қаттиқ келса чўлда емиш қолмайди, дейишади. Ўшанда қишлоқча тушиб келиши мумкин. Йўқса, ҳатто шундай кучли ҳайвон ҳам инсоннинг кўзидан қўрқади, тик қарай олмайди, одамлардан нари юришига уринади.

* * *

Кунлар-ойлар ўтар, болалар улғаяр эдилар. Турмуш қийин, уриниб-тиришмасанг сира бўлмайди. Бола-чақа боқиши, катта қилиш осонми? Ота оламдан ўтган, она қасал, болалар улғайган, битта ўзим уриниб-тиришаман. Ташибшиш шу қадар кўпки, қайларгадир бош олиб кетгим келади. Ҳа, қайлардадир, узоқ-узоқларда бепоён даштлар бор. Ҳозир у ерлардаги буталарни ҳам оппок булдуруқлар қоплагандир?

Дашту далалар, буталар уйкуга кетган. Ҳавода тўлғин булутлар оғир суздади.

Ичимда ёввойи бир ҳаяжон бош кўтаради. Ой ёғдуси остида ястаниб ётган ўша кенгликларга боргим келади.

Аммо, болалар катта бўлишяпти-ку? Уларни ўқитишим, уйлаб-жойлашим керак...

Ҳа, ташибшиларим мўл. Уларни адо этиш менинг оталик бурчим, бажармасам бўлармиди? Аммо бир нафасга бўлса-да, тин олгим келади-да. Миямни чирсиллатар даражада оғир ташибшилар чарчатганида, бир нафас, атиги бир нафасгагина ўша ёқларга кетсан... бепоён кенгликларда кўксимни тўлдириб бир ҳайқирсан, озод-озод, сарбаст-сарбаст чопсан дейман... Ким билсин, буталар остида нигоҳини менга хотиржам тикиб турган ўша бўрини яна кўрсан ҳам ажабмас.

Нега уни ваҳший деб ўйламаслигим ўзимни ҳайратга солади. Балки, болалигимда беозор ўйнаганим учунми? Ёхуд қай бир жихатларимда ўзимни шу ваҳшийга тенглаштирганим учунми? Мен ҳам ҳудудимни белгилаб олганман, бегона бирор келишига сира йўл қўймайман. Мен ҳам гўё овга чиқаман, тер тўкиб емиш топиб келаман, у ризқимга бирор ҷанг солса бўридай ғажиб ташлар алфозим бор. Шуни деб гоҳ кимлар биландир уришганман ҳам, кимлардир мени ҳам жароҳатлаган, у жароҳатлардан анчагача ўзимга келомлай юрган маҳалларим ҳам бўлган.

Бута остидаги бўри нигоҳини мендан олади, бошини бошқа ёққа буради, бўйинни кўкка чўзиб, пастак ҳомидла булутларга ҳам қарайди.



Ўзимни абгор, абжаги чиқиб кетган, аммо иродаси букилмас қаҳрамондай ҳис қилганим ғалати.

Уясида болалари бўлса, эҳтимол.

Тўлпоқ, юнглари қорамтири, кучукблолаларга ўхшаб кетадиган болалари.

Бир-бирига суйканиб-ғингшиб, ташқарига чиқишига уринаётган бўлишлари ҳам мумкин.

Бу сафар ҳам у менга даф қиласлигини биламан.

Яна дуч келсак, у томон одимлайман, нигоҳларимиз яна тўқнашади. Бу сафар қўлимда ойболтам йўқ, аммо ўзимга ишончим кучли.

Бўри менга жим қараб туради.

Икки оила бошлиғи шу тариқа дуч келамиз.

...Бепоён дашту далаларда бўри тўдалари кезиб юрадилар. Ўзларига тўдабоши сайлаб оладилар. Қолган бўрилар у тўдабошига мутлақо бўйсунадилар. Ҳудуд ҳам бепоён, бу ҳудудга бошқа бирор ваҳший киришига йўл қўймайдилар.

Баъзиларининг кўқсида, елкаларида жароҳат излари бўлсаям ажабмас.

Ажабо, менинг ҳудудларим қайдада эди, қайдан бошланиб, қайдада тугаган эди?

Ҳаёт деб аталган дашту биёбоннинг қай ерида эди менинг маконим?

Бўри-ку ўз йўлига, аммо мен инсонман-ку? Теграмдагилар ҳам инсонлар-ку? Нима учун ҳудудимни белгилаб олишим, бегона кириб келишига йўл қўймаслигим, нима учун ризқимни талашиб-тортишиб топишим керак?

Уйим, дастурхоним доимо очик, бирор кириб келса ҳуҳорлик билан олдига топган-тутганимни кўяман, гоҳ мўл-кўл, гоҳ оз бўлади. Шу одам мени йўқлаб келганидан бошим кўкка етади. Ҳа, бир қарашда ғарибонман, бир қарашда кичиккўнгилман, эл қатори ризқини топиб тутиб, эл қатори бола-чақасини катта қилаётган бир мардуми мусулмонман.

Шу дард ила турли юмушларга уринганман, кимлардир ризқимга ҷанг солиб ҳам кўрган, ҷангалидан юлиб олган маҳалларим бўлган. Ҳаёт мени ҳам яралаган, у яраларни гоҳ мен ҳам ялаб-юлкайман, фақат бундан беозор ухлаб ётган болаларим бехабар, болаликнинг мусаффо тушлари аро гоҳ жилмайиб, гоҳ тамшаниб ухлайдилар.

Гоҳ тўнимни елкамга ташлаб ҳовлига тушаман.

Жуда юксакларда, бенихоя олисларда кичкина ой суздади.

Ой, мен орзу қилган ўша чексиз ҳудудларни эсимга солади.

Кичкина шу маконимда бир-бир одимлайман.

Бедорлик азоб беради.

Шу тоб, мана, умрнинг аллақанча қисми ўтиб, шиддатлар илғар-илғанмас сусайиб борар экан, унтулиб кетган ёввойи бир шавқ ҳам ичимда уйғонади.

У шавқ аро ҳудудимдан чиқолмай типирчилайман.

Бир силтаниб, занжирларимни узиб, бепоён дашту далаларга ошигич чопиб кетгим келади.

У ёқларда ҳозир ҳам совуқлар ўйнаётган бўлса, эҳтимол. Кузги буталарни қировлар қоплаган бўлиши ҳам мумкин.

Ўша ерда болалигимдаги виқорли ва мағрур ҳайвонни кўрсан ажабмас.

Унинг ҳам отаси аллақачон оламни тарк этгандир? Мен кўрган ўша тўлпоқ бўри боласи аллақачон улғайиб, бир оиланинг бошига келгандир? Унинг ҳам мен сингари зурёдлари бордир,

ҳозир, уясида бир-бирларига суйканиб, ғингшиб ухлаштандир?

Оила бошлигининг бедору ҳушёр эканига шубха йўқ.

Мени пайқаб, ўша хотиржам ва совук нигоҳи билан ҳаракатларимни чамаласа, бу ёлғиз одам боласи тунда, ой ҳаволаган маҳалда дашту тузга не учун келди деган ўй ила ҳушёр-ҳушёр боқса ҳам ажабмас.

Мен эса, йиллардир хаёлимда гавдалантириб юрганим шу манзаранинг рёёбга чиққанидан ўзимча суюнаман.

У мени ҳушёр кузатади. Мен эса истиқболига одим отаман.

* * *

Кишлогим жуда четда, электр ҳам тузук-қуруқ келмаган, шамолларда, ёмғирларда ўчиб қолади. Ёзда ҳамма ўз ташвиши билан овора, қишида эса юмушлар бир оз камаяди, шунда тўн кийган, белбог ўраган кишилар кўчаларда тўп-тўп тўпланишади.

Анча нарида, бир киши томда антенна тузатади, шабада овозини олиб келади:

— Бўлдими?

— Йўқ, ўнгга бура!

— Кўрсатдими?

— Кўрсатмай қолди, орқага бура!

Узун терак ёғочини учига маҳкамланган иккита катта мис лаппак лопиллади.

— Э, бугун кино бўлади! — деб илжайишади кишилар.

У кино урушда фашистлар кўлига тушиб қолган киши ҳақида. Ҳар йили икки-уч марта кўрсатилади, воқеа Польшада рўй беради, нимагадир, кишлогимнинг кишиларига ўша кинонинг воқеалари маъқул келиб қолган.

Фашист зобити асирга бир стакан тўлдириб ароқ кўйиб беради. Асири оч, аммо мағур. Ароқни бир симиришда ичади, устига-устак «Мен биринчисидан кейин газак қилмайман» дейди хўмрайиб.

Кишлодагиларга мана шу жойи маъқул.

— Куй!

— Куйилади.

— Мен биринчисидан кейин газак қилмайман, — деди илжайиб қўшним.

Бу ҳаммага ёқиб тушади.

Бу гал ҳам дўкон олдидағи тахта олдида эдик. Чирок аллақачон ўчиб қолган. Паст тарафдан шовур кела бошлади. Беш-олти киши ҳовлиқиб, бақириб-чакириб келар эдилар:

— Бўри! Бўри!

Зиёфат ҳисси шамол учиргандай бадар кетди. Ҳамма ўша томонга чопди.

— Яна бўри оралабдими?

— Қайдга экан?

— Ҳеч нима қилмабдими?

Келгувчилар қопда бир нимани орқалаб келмоқда эдилар.

Етиб келишгач, норғул, давангирдай йигит:

— Жаҳаннамга жўнатдик, энди қишлоқ тинч бўлади, — деди илжайиб.

Кейин қопни остидан кўтариб бир силтаган эди, ичидаги бўри танаси шалоп этиб лой устига тушди.

Унга қарадиму ичим бир қалқиб олди.

У кучли, бакувват бўри эмас эди. Суяги эндингина қотган, эндингина кучга тўлиб-етилиб келаётган бўри боласи эди у.

Юнглари тўқлашиб улгурмаган, тумшуғидаги ҳалқаси кетмаган, биқинида тўнғиз ўқининг жароҳати қорайиб турган, кўзи қотиб қолган... хуллас, ўлиб ётар эди.

* * *

— Куй! — деди қўшним, шодон. — Биз иккинчисидан кейин ҳам газак қилмаймиз!

— Менга қара, — деди кейин. — Бунинг терисини шилиб олинглар-да, тирноини кесиб, уйга осиб қўйинглар.

— Нимага?

— Эскилардан қолган бир гап бор, — деди ғолибона. Кейин кўрсаткич бармоғини нуқиб, уқтириди:

— Бўрининг тирнофи омад келтиради. Унутма!



* * *

Ўша тун ухлолмай чиққанимни болаларим айтиб беришди.

Самода ниҳоятда тўлин ой сузгани эсимда. Уйга келибман ҳовлида, сўрида ойга қараб ўтираверибман. Кўзимдан ёшим дув-дув оқар эмиш. Хотиним келсаям, болаларим келсаям қарамабман, «Нимага бунақ ўтирибизиз, уйга кирсангиз-чи» дейишса, тўнгиллаб шундай жавоб қилибман:

— Кирмайман уйингга!

— Кирақолинг, чарчабсиз, ахир.

— Кирмайман дедим-ку?

— Вой, нима қиласиз бу ерда?

— Ойга қараб увиллагим келяпти, хотин, — дебман.

Шундан кейин тўлиқиб-тўлиқиб роса гапирибман. Биласанми, ичимда бир бўри бор, дебман. Мени кўча-кўйда индамас, ювоши бир одам бўлиб юришимга қарама. Умрим бўйи ўша бўри ташқарига чиқиб кетмасин деб уриниб келдим. Энди эса, ҳеч бўлмаса шу кечка қоронғисида, ҳамма ухлаб донг қотиб ётган маҳалда ойга қараб бир мартагина бўлсин чўзиб-чўзиб увилласам бўлмайдими ахир, дермишман...

Эртасига хотиним, болаларим ўзларича илжайишиб «Яхши ётиб турдингизми», дея ҳар доимигидай ҳол сўрашганида кўзларига қарадиму бир нимани биладигандай кулимсираб туришганини кўрдим. Нонушта маҳали хотин ҳар доимиги одатини қилиб, ўсмоқчилаб «Кеча фалати-фалати гапларни гапирдиларми, хўжайн» деб сўради. Тунги воқеалар эсимда эди, албатта. Аммо ўзимни унгандай кўрсатиб:

— Бекорларни айтибсан! Тез-тез бўл, ишга кеч қоляпман, — дедим тўнгиллаб. — Бўримиш?! Бор-йўғи бир ваҳший-да. Иши одамларга нукул зарар келтиришдан иборат. Бизлар инсонлармиз-ку?

Бир хўмрайган эдим, хотиннинг дами ичига тушиб кетди. Аммо шундаям кўзининг бир четидаги кулимсираш ифодаси кетмаганини пайқадим. Ўзимни билмаганга олиб, тўнимни кийдим-да:

— Келишимда гўшт олиб келаман, кечкурун ўзим сизларга бир палов дамлаб берайд, — деб, чопонимни этагини қоқиб кўчага чиқиб кетаётсан, хотин ортимдан гапирди:

— Унда манавини нима қилайлик?

Ўгирилиб қарасам, қўлида узун оқиши бир нима. Бўрининг тирноғи!

— Ташлаб юбор, — дедим энсам қотиб. — Омад келтиради деб қайси аҳмоқ айтди сенга?

— Ўзингиз айтдингиз-ку?

— Ҳамма гапимгаям ишонаверасанми, ҳазиллашдим-ку? — дедим-да, ҳар кунги ишимга-ташвишинга йўл олдим. Шу тонг ҷоғида, кимдир даласига, кимдир хизматига, кимдир ўқишига, кимдир қариндошиникига кетаётган, ҳар кунги ташвишлари билан андармон юзлаб-минглаб кишилар каби.

Яъни, эл қатори...

«BO'RI» BILAN YUZLASHIB...

«Бўри» ҳикояси тўлигича муаллиф шахсининг нутқи сифатида юзага келган. Шу боис унда монологизм кучли, ўқирман воқеаларнинг муаллиф идроки, тасаввуринга мос талқини билан танишади: «Үйга қайтаётганимда чўл адогидан улкан ой самога кўтаришган, шабада эсар, ҳаммаёк шитирлаган сасларга тўлиб кетган эди».

Чиндан ҳам дунё аслидай эмас, кўринганидай, ҳис қилинганидай, тасаввур этилганидай қабул қилинади. Оламнинг аслида қандайлиги фақат Яратувчисига маълум. Шу боис ҳам мутлақ дунё ўзи ўткинчи бўлган инсон туйгуларидан келиб чиқсан ҳолда нисбий тарзда тасвиранади.

Асар сюжети бир қарашда алоҳида йўналишларда ривожланган сочмадай туюлса-да, муаллиф баёнидан бу қисмлар орасида алоқа мавжудлиги ойдинлашади. Ҳикоя қаҳрамони етти ёш бола пайтида илк бор табиат билан учрашади. Бўри боласи билан бемалол, беҳадик ўйнайди. Бу инсоннинг ўз моҳияти билан учрашувига ишора ҳам. Болалигидан инсон мөддий тараб, ижтимоий мослашув, таъкиду бахолашлардан бехабар бўлади. Улгайгач, атрофдагилар фикри унда қўркув, ўзгалар наздида обрўси тушишдан чўчиш ҳиссини пайдо қиласи. Шу маънода И. Султоннинг қаҳрамони ва бўри боласи ижтимоийлашмаган, тоза пайтда тенг, табиатан бир-бирiga яқин эди. Ҳикояда бутун эътибор воқеалар баёнидан кўра, кечинмалар тасвирининг изчилигига қаратилгани бу икки тимсол орасидаги муносабатни, шу орқали эса инсон атамлиши сирли ҳилқатни тушунишни осонлаштиради. Китобхон бўри боласини суйиб қолгани, унинг қишлоқ аҳли ва уларнинг чорвасига дахл қилмаслигига тўла амин бўлгани ҳолда қаҳрамон ўрнида ўзи ҳам унни иккиланмасдан отиб ташлашни истаган бўлишини билади. Асардаги баёнчилик оҳангি китобхонни воқеалардан таъсирантиришдан ҳам кўра уларнинг иштироқчисига айлантиради. Бу эса қаҳрамонни ижобий ёки салбий деб баҳоламай, ҳар қандай жонли одам сингари, ҳар икки жиҳатни ҳам ўзида жамлаган мураккаб тақдирли инсон тарзида тушуниш имконини беради.

Ҳикоя воқеалари бўри боласи билан илк учрашувдан сўнг бир неча йилга илгарилаб кетади, қаҳрамон бола улгайиб, етилади. Асар динамикаси воқеаларнинг шиддатли кетма-кетлигига эмас, қаҳрамон кўнглида рўй берадиган ўзгаришлар, руҳий кечинмаларда кўринади. Бу ўзгаришлар ҳикоячи томонидан монолог тарзида баён қилингани воқеалар орасидаги узоқ йиллик муддатни сезидрмайди. Айнан монологизм туғдирган тасаввур имконияти туфайли китобхон хронологик кетма-кетлини ўзи илғаб-тиклиб олади.

«У ўша, болалигимда кўрганим бўримиди, ё бошқасими, айтмолмайман. У кўрганим бўрининг нигоҳи ўз қудратига ишонган, хотиржасим нигоҳ эди. Қаршимдагининг нигоҳида эса таҳдид сезилмоқда!»

Муаллиф тасвирдан-тасвирга ўтаркан, китобхонни яшашдан мақсад нима, деган саволга яқинлаштириб бораверади. Аниқроғи, ўзи бир умр излаб, топа олмаган жавоби сарифетаклайди. Ҳикоя қаҳрамони умрининг турли босқичларида ҳётнинг майнисини турфа нарсаларда кўради ва излайди: бола пайтида ўйинда, ўсмирилигига муҳаббатда, эр йигит чогида эса оиласи, фарзандлари қувончида...

Зийрак китобхон бош қаҳрамоннинг бўри боласи билан учрашуви бежиз эмаслиги, бу билан муаллиф ҳаёт ҳар бир одам учун алоҳида ва атрофдагиларни билан бир илдизига эга эканлигига ишора қилаётганини илгайди. Чиндан ҳам инсон умри бир марта, яқинлари билан биргаликда кечирилади. Бўри тимсолида муаллиф инсон ва унинг ҳаётни орасидаги муносабатни кўрсатишга интилади. Ҳётнинг жилмайганга жилмайши, хўмрайганга эса мушт ўқталиши, адолосиз туюлган ҳодисаларнинг ҳикмати борлиги иккиси ҳам оила бошлигига айланган бўри боласи ва йигит учрашувида яққолроқ намоён бўлади.

«Ажабо, мени ёв хаёл қилдимикин?

Мен ҳам уни ёв хаёл қилдим-ку?

Ортимга чекинсам, ҳамла қилмаслиги мумкинмиди?»

Оила ришталари ҳаёт моҳиятини белгилайди. Болалигидан бемалол ўйнагани инсон олдига бўри оиласини асрар, дахлисизлигини таъминлаш мақсадида яқин келмайди. Худди шунингдек, бўрини ваҳший деб ўйламаган одам ҳам оиласи олдидаги масъулият туфайли ўзини асрайди, ҳимоя қиласи, куроли бўлганида қандай отиб ташлашини хаёл қиласи: «Милтиқ олмаганимни қара! Милтигум бўлса, тўнгиз ўқи билан бир отиша жонини жаҳаннамга жўнатарадим. Тўнгиз ўқи теккан жойини ўйртиб-куйдирб ўтади. Яқинроқдан отиша сяякларни ҳам синдириб, баҳайбат бўлса-да, бир неча қулоч нарига улоқтириб юборади».

Мазкур тасвир И. Султоннинг табиатни пухта билишидан далолатдир. Чунки бу қадар реалистик манзарани чизиш учун одам соҳа ҳақида яхшигина билимга эга бўлиши лозим. Умуман, ҳикоядаги тасвирлар шу қадар қуюқ, жонли ва табиийки, бироз киши гашига тегади ҳам: «Ғўзапоя тутуни кўк бўлади. Тут ўтини эса яшилтоб аланга чиқаради. Тутунларга қараб, ким нима қилаётганини билб олса бўлаверади. Қорамтип тутун тандирга нам гўзапоя ёқилганини билдиради. Кимдир нон ётмоқчи. Оч-куранг тутун хазон ёқилганининг аломати». Бундай ифода усули туфайли китобхон ёпилаётган нон ҳидидан иштаҳаси очилиб, ёнган ўтидан димоги ачишади.

Адабиётда бадиий сўз кўрсатмалилиги тамойили мавжуд. Муаллиф бунга ўз йўлида, тўла амал қилган. Хатбошиларнинг қисқа, бир ё иккигина жумладан иборат эканлиги ҳикояга шиддат бериш билан бирга ўқувчини мунтазам хавотирда ушлаб туришга хизмат ҳам қилган. «Хали тугамадику... қоқ ўргасидан бўлиннибдику... нимадир юз берса керак... энди аниқ нимадир бўлади» каби саволларга жавоб топишга уринади.

Чингиз Айтматов сұхбатларнинг бирида «Ҳар бир асар замира болалик ва табиат ҳамда уларга муаллифнинг муносабати ётади» деган эди. Чиндан ҳам шундай. Айнан болаликда инсон туйгулари чин бўлади. Инсон улгайганида ҳам табиат қучогида, бир муддатга бўлса-да, аслига қайтади, ўзини бошқача кўрсатишга уринмайди. Чинакам асар эса туйгулар чуқур бўлсагина, юзага келади. Болаликда ва табиат бағрида инсоний туйгулар ингичкалашади, жилваланади, жилваланмай, борича намоён бўлади.

Муаллиф монологидан китобхон инсон улгайгани сари туйгулар танқислашиб бориши, бу бўйши ўрнини тўлдириш имконсилигини яна бир карра англайди.

«Ташвишим шу қадар кўтқи, қайларгайдир бош олиб кетгим келади. ...Ичимда ёввойи бир ҳаяжон бош кўтаради».

И. Султон қаҳрамонини бир қолиплаш, унга охирги, қатъий таърифи бериш имконсиз юмуш. У ҳар онда ўзгариб, тусланиб яшайди. Шу каби дастлаб тоза, беғубор қиёфада чиқсан бола лавҳадан-лавҳага кескинлашиб, ҳатто шафқатсизлашиб бораверади. Бир маромдаги сокин баён қаҳрамондаги бу ўзгаришлар, унинг хатти-ҳаракатлари мантиқийлигини таъминлай олган.

Адабиёт инсоннинг ўзликни англашга бўлган уринишлари натижасидир. Ҳар бир бадиий асар, шу маънода, ўз мақсади, унга етиш учун бажарилиши лозим бўлган вазифалар тизимига эга тадқиқотдир. Муаллиф маҳорати ва асар муваффақиятини тадқиқотнинг китобхонни қийнаётган саволларга қанчалар яқин кела ҳамда бадиий ечимни китобхонга маъқуллата олгани белгилайди. Ҳикоя қаҳрамони билан ўйнаган, улгайгандан дуч келган, чорвага дориган ва отиб ўлдирилган бўрининг бошқа-бошқа экани китобхонга галати туюлмаслиги, бунда мантиқи кўриши муаллиф маҳоратидан дарак беради.

Бўри — қўлга ўргатиб бўлмайдиган ягона ҳайвон. Бўрида озодликни, эркни қадрлаш ҳисси мавжуд. Худди инсон каби.

Бўри сўзи бу ҳикояда ўзининг асл маъносидан узилган, ўзгача хусусият қасб этган. Бўрини тасвирлаш асносида И. Султон инсоннинг жиловланиши, йўқолишини истамаган тўйгуларни, асов тийнатини чизган. Муаллифнинг бўриси — ижодкорнинг ҳаёти ва ҳаётдаги ўрни «Ҳаёт деб аталаған дашту биёбоннинг қай ерида эди менинг маконим?»

Яна бир жиҳатта тўхталиш лозим. Адабиётда очиқ, кўзга ярқ этиб ташланиб турган маъно қўймати баланд бўлмайди. Адабиётда асл гўзаллик пинхонликда, уни ўйлаб, излаб топишда деб саналади. Ҳикояда баъзан монологизм ва тасвирларнинг батафсил, реалистик, ошкора экани асар

савиясига жиддий таъсир қиласи, жўнлаштиради, шунчаки воқеа даражасига туширади, китобхонни зериктиради.

Шу билан бирга воқелик ва унинг идрок этилиши ҳамиша баҳс-мунозараларга сабаб бўлишини унутмаслик лозим. Зотан, уни ҳар ким ўзидан келиб чиқсан ҳолда қабул этади ва тушунтиради. Ҳақиқатнинг ҳам мутлақ эмаслиги, умуман, бу дунёда ҳеч нарса мутлақ ва абадий эмаслиги сабаби ҳам одамларнинг турличалигидадир. И. Султоннинг «Бўри» ҳикояси ҳам буни тасдиқлади.

**Муҳайё ИСМОИЛОВА,
Филология фанлари номзоди**

TADBIR

Cанъат инсонни эзгуликка чорлайди. Биз эзгуликни борлиқнинг турли жабҳаларидан қидирамиз. Ўзимизга керакли бўлган маънавий озуқани санъатнинг турли йўналишларидан кўриш, эшлиши, ўқиш ва ҳиссий идрок орқали оламиз. Санъатнинг шундай йўналиши борки, биз у орқали дунёни асл ҳолича кўрамиз. Бизга аслиятни аслилигича кўрсатиб берадиган санъат бу фотография санъатидир. Инсон доим атрофдаги воқеликни асл ҳолича кўришга интилади. Фотография соҳаси ҳам бизни куршаб турган оламни айнан борича кўришга имконият яратиб беригина қолмай, ундан завқланиш, таъсирланиш ва чукур мушоҳада юритишига ундейди. Фоторассомликнинг яна бир сирли жиҳати лаҳзани мангаликка муҳрлай билишида. Ўтаётган вақт, чиқаётган қуёш, қанот қоқаётган капалак... Буларни табиий шароитда томоша қилгандан суратга инган ҳолда кузатиш айни жараёнларга фалсафий қарашга, оламни кенгроқ мушоҳада қилишга ёрдам беради.

Ўзбекистон Бадиий академияси Марказий кўргазмалар залида VII Тошкент халқаро фотобиенналеси ҳафталиги бўлиб ўтди. Фотобиеннале-2014 ҳафталигига дунёнинг 32 давлатидан 200 дан ортиқ етук фоторассомлар ўз асрлари билан иштирок этишиди. Биз ушбу кўргазма экспозициясида Англия, Франция, Испания, Италия, Бразилия, АҚШ, Эрон, Россия, Украина, Канада, Ўзбекистон, Озарбойжон, Арманистон, Қирғизистон, Қозоғистон, Молдова, Беларусь, Саудия Арабистони, Япония, Хитой, Германия, Латвия, Туркманистон, Нидерландия, Швеция ва Британия кенгашининг «Инстаграмм» композицияси иштирок этган фотоасарлар намойиши тақдим этилди. Ҳафталиктининг асосий мавзуси «Ўхшашлик. Тасаввур ва Борлиқ» деб номланиб, фото усталарига атроф-муҳитнинг жадал суръатда ўзгаришини фотосанъат орқали акс этириш имконини беради.

XXI аср цивилизацияси оламни ижтимоий тезкор ўзгаришлар, турли хил кутилмаган қаршиликларга кўнитириди. Марказий кўргазмалар залида ишлари намойиши этилаётган иштирокчиларнинг аксарияти ўз фотоасарларини компьютерда қайта ишлашдан атай воз кечиб, хужжатли фотографияда бадиийлик ва ғоявийликни ўзаро боғлаб, маҳоратларини кўрсата олганига гувоҳ бўлмази.

Шунингдек, хорижлик фоторассомлар Ўзбекистоннинг табиати, бинолари, самимий инсонларини ҳам ўзлари учун суратга тушириб, келгусидаги ишлари учун манба сифатида ҳозирлаб қўйдилар. Улар ўз ҳайратларини асрлари орқали намойиши этиш истагида бўлишиди.

Шунингдек, ҳафталик доирасида «Соғлом бола йили»га бағишлиланган «Болалик майдони» кўргазма-танлови ҳам ўтказилди. Ушбу ҳафталик санъат соҳаси мутахассисларининг эмас, кўргазмага ташриф буюрган кўпсонли томошабинларнинг ҳам эътирофларига сазовор бўлди.

Аҳмад ТЎРА



Suratga ingan lahzalar

VII Toshkent xalqaro fotobiennalesi



Муҳтарам «Гулистан» журнали муҳарририяти. Сизга тақдим этилаётган мақола Афғонистон ўзбекларидан. Сизнинг журналингиз саҳифаларида Афғонистондаги ўзбеклар орасидаги ўзбек тили ва адабиёти ва уларнинг муаммолари ҳақида масалалар ёритилишини жуда истаб турган бир қанча афғонистонлик ўзбек олимлари, ёзувчилари, шоирлари билан бир кўпчилик ўқувчилар ҳам бор. Чунки «Гулистан» журнали Афғонистондаги ўзбек тили ва адабиёти шинавандалари орасида эскидан жуда машҳур журналардан бири бўлиб ҳисобланади.

*Хурмат ва эҳтиром ила,
Шуҳрат БАРЛОС*

AFG'ONISTONDA O'ZBEK ADABIY TILI MUAMMOLARI

Тил ижтимоий ҳодиса бўлгани учун замон билан ёнма-ён ўсиб, ривожланиб боради. Бу ўсиш ва ривожланиш асосан тилнинг лугат таркибида ўз ифодасини топади. Демак, фан ва технология тараққиёти тилларга янги-янги сўзлар ва янги тушунчаларни олиб киради. Чунки технология тараққиёти натижасида яратилган янги нарсалар қайси мамлакатга кириб бормасин, ўзи билан бирга ўз номини ҳам олиб боради. Тил соғлиги учун курашга бел боғлаб турган олимлар бу янги нарсаларга ўз тиллари имкониятидан келиб чиқиб янги сўзлар ахтариб топман дегунларича, меҳмон сўзлар мезбон миясида чиқариб бўлмайдиган даражада ўрнашиб қолади.

Бундан кўринадики, инсонлар ўзларининг ижтимоий ҳаётларида теварак-атрофларида инсонлар билан одди-берди, борди-келди қилмасдан яшашлари мумкин бўлмаганидек, уларнинг тиллари ҳам фақат ўз имкониятлари доирасида қолиши мумкин эмас. Ўзларида йўқ сўзларни бошқа тиллардан оладилар, бошқа тилларга керак бўлган сўзларни ўз тилларидан ўтказадилар. Шундай экан, ўзбек тили ҳам бу одди-берди муносабатларидан четда қолмаган. Лекин шуни ҳам эслатиб ўтиш керакки, бу муносабатларни ўрнатишда, тил намояндalarinинг ўзлари яшаб турган жамиятдаги ижтимоий-сиёсий ўрин ва мавқелари муҳим рол ўйнайди.

Сиёсий жиҳатдан бошқа миллатга қарам бўлган халқнинг тили ҳам, қанчалик бой ва ифода қудрати қанча юксак бўлмасин, бари-бир ўз эгаси сингари қаддини тиклаш ва жамиятда ўз ўрнини топиш имкониятига эга бўлмайди. Бу нарса ҳар бир мамлакат давлатининг тутган сиёсий йўлига бевосита боғлиқdir. Чунончи, ўтган асрда Афғонистонда ўзбек тилини расмий тил сифатида асосий қонунда қайд этилиши ў ёқда турсин, ҳатто бу юртда ўзбек халқнинг мавжудиятини тан олиш шовинист ҳукмронлар миясига сифмайдиган тушунча эди. Бахтимизга бизнинг юртимизга ҳам демократиянинг қадамлари етиб қелиши билан тилемизнинг расмияти асосий қонунда ўз тасжилини топди ва унинг тараққиёти учун йўл очилди.

Хўш, энди нима қилиш керак? Афғонистонда ўзбек тили адабий ва меъорий тил сифатида ўз ўрни-

ни топа олганми? Афсуски, бу саволга ижобий жавобимиз ўйқ. Бу тилда ёзиш-ўқиши қатагони уч даҳа (ўн йиллик)дан бери ўртадан кўтарилиган бўлса-да, негадир, бу тил ҳозиргача меъёrlаштирилган адабий тил сифатида ўз қаддини тиклай олмаган.

Афғонистон билим юртларида, муаллим тарбиялаш муассаларида ўзбек тили ва адабиёти бўлимлари «хўжа кўрсинг» сифатида яшашга маҳкум этилмоқда. Бундан ташқари, худога шукр, энди ўзбек тили ўзбеклар кўпчиликни ташкил этадиган вилоятлар мактабларида дарс сифатида ўқитиладиган бўлган. Лекин бу ҳамма нарса кўнгилдагидек ўз изига тушиб кетган дегани эмас, албатта. Навоий таъбири билан айтганда, ҳали биз ўзбек тилини юртимизда «як қалам» қила олмаганмиз. Бу ўзбошимчалик ва ҳархилликларни ҳам билим юртларида, ҳам мактаблarda, ҳам матбуот ва нашариётда, ҳам оммавий ахборот воситаларида кўрамиз.

Афғонистон ўзбеклари Ўзбекистон ўзбек адабий тилини кўтара қабул қилишлари мумкинми?

Тил кишилар орасида алоқа воситаси бўлиб хизмат қиласди. Бу тилнинг энг асосий ва биринчи вазифаси ҳисобланади. Лекин бундан ташқари тил ҳар бир киши учун тафаккур воситаси ҳамдир. Инсон учун ўз тили азизлиги ҳам унинг иккинчи вазифасидан келиб чиқади. Агар тилнинг бирдан-бир вазифаси кишилар орасидаги алоқа воситаси эканлиги бўлса эди, инсон она тилини кўйиб, жамиятда ўрни ва роли каттароқ бўлган бошқа бир тилни касб этиб, ўша тилни алоқа воситаси сифатида бемалол қўллаб юриши мумкин эди. Тилнинг асосини тафаккур ташкил қилиши сабабли ҳам биз учун она тилимиз азиздир. Чунки биз она тилимизда ўйлаймиз.

Тил икки кўринишига эга: Адабий тил ва сўзлашув тили.

Ҳар бир тилнинг асосини ташкил этувчи товуш, сўз ҳамда грамматика сатҳлари маълум меъёрга тобе қилинган ва ўша тилнинг намояндalarи учун умумий бўлган тил адабий тил дейилади. Адабий тил тараққиёти учун матбуот, нашриёт, радио, телевидение, билим юртлари ҳамда мактаблар асосий рол ўйнайди.

Сўзлашув тили эса маълум ҳудудларда яшовчи халқ намояндalariga хос бўлган тил ҳисобланади.

Баҳсимиз мавзуси Афғонистон ўзбек адабий тили ҳақида. Барчага маълумки, Афғонистонда ўзбеклар Бодғисдан Бадаҳшонгача бўлган кенг ҳудудда азалдан яшаб келмоқда. Аммо бу ҳудуддаги ўзбеклар тили турли ижтимоий-сиёсий сабабларга кўра сўзлашув тили даражасида қолиб кетган.

Афғонистон ўзбек адабий тилини шакллантиришнинг икки йўли бор:

1. Афғонистон ўзбек лаҳжа ва шеваларини ўрганиб, улар асосида ўзбек адабий тилини вужудга келтириш;

2. Тўғридан-тўғри Ўзбекистон ўзбек адабий тилини қабул қилиш.

Мавжуд шароитда, Афғонистон ўзбек ҳалқининг ижтимоий-сиёсий ўрнини назарда тутган ҳолда биринчи йўлнинг амалга ошиши мумкин эмаслиги ойдек равшан. Шундай экан, иккинчи йўлнинг илмий, амалий ва мантиқий жиҳатларини ўрганишга тўғри келади.

Ўзбек адабий тили тарихига назар ташлайдиган бўлсак, олимлар уни уч даврга бўладилар:

1. Қадимги туркий адабий тил;
2. Эски ўзбек адабий тили;
3. Ҳозирги ўзбек адабий тили.

Қадимги туркий адабий тил даври V-XIII милюдий асрларни ўз ичига олади. Бу даврга V-XIII асрларда яратилган Ўрхун-Энасой ёзма ёдгорликлари, Маҳмуд Кошгариининг «Девони луготит-турк», Юсуф Хос Хожибининг «Кутадгу Билиг», Аҳмад Юғнакийнинг «Хиббат-ул ҳақоиқ» каби асрлари ва бошқалар киради. Шуни таъкидлаш зарурки, бу даврда яратилган илмий ва адабий ёдгорликлар барча туркий ҳалқлар учун умумий ҳисобланади.

Эски ўзбек адабий тили даври XIII асрнинг иккинчи ярмидан бошланиб XIX асрнинг охиригача давом этган замонни ўз ичига олади. Бу даврга шу асрлар ичida яратилган Ҳофиз Хоразмий, «Муҳабатнома» муаллифи Хоразмий, Амирий, Ҳайдар Хоразмий, Лутфий, Атоий, Саккокий, Алишер Навоий, Заҳиридин Муҳаммад Бобур, Машраб, Мунис, Муқимий, Огаҳий, Аваз Ўтар каби шоир ва ёзувчиларнинг асрлари киради.

Ҳозирги ўзбек адабий тили даври эса XX аср бошидан бошланиб, ҳозирги кунгача давом этаётган даврни ўз ичига олади.

Демак, ҳозирги ўзбек адабий тили бир асрдан кўпроқ вақт ичida ҳар жиҳатдан такомиллашган адабий тил сифатида ўз мавжутида давом этиб келмоқда. Бу юз йилдан кўпроқ замон давомида ўнлаб шоир ва ёзувчilar ўзларининг қийматли асрлари билан ўзбек адабиётини жаҳон адабиёти карвони билан, ҳақиқий маънода, ҳамнаво қилиб келмоқдалар. Шунингдек, ҳозирги кунда ўзбек адабий тили Ўзбекистон мамлакатининг давлат тили сифатида тик қомат билан барча соҳаларда хизмат қилиб келмоқда.

Хўш, шундай экан, Афғонистон ўзбеклари учун Ўзбекистон ўзбек адабий тилини кўтара шаклда қабул қилиш мумкини?

Ҳозирги ўзбек адабий тили ўзининг юз йиллик умри давомида ҳеч қандай хатога йўл кўймаганми?

Унинг ҳам ўзига яраша камчиликлари йўқми?


Йигирманчি аср бошларигача бўлган давр ичida икки ҳудуддаги ўзбеклар тилида кўзга кўринарли

фарқлар мавжуд бўлмаган. Бу даъвонинг исботи сифатида Бобурнинг Навоий ҳақида ёзганларини эслаш кифоя. Бобур Андижон шаҳри аҳолиси ва уларнинг тили ҳақида маълумот бериб, Андижон аҳли тилининг Навоий асрлари тилига жуда яқин эканлигини қайд қиласди: «Эли туркдур, шаҳар ва бозорисида туркий билмас киши йўқтур. Элининг лафзи қалам била росттур. Анинг учунким, Мир Алишер Навоийнинг мусаннафоти бовужудиким Ҳирийда нашъю наво топибтур, бу тил биладур».

Бобурнинг бу фикри маълум тарихий асосга эга. Чунки икки маданий марказ: шарқий қарлуқ-чиғил-яғма ҳамда гарбий ўғуз-қипчоқ лаҳжа бирликлари негизида шаклланган эски туркий тил асосида ривожланиб, XII-XIV асрларда тўла шаклланган ўзбек адабий тили жуда катта ҳудудда — Моварууннахр ва Хурсонда кенг кўлланган. Бу адабий тилининг лугат таркиби, фонетик ва морфологик қурилиш мөъёrlари таркиб топган эди. Мана шу адабий тил ва унинг маълум шеваларида сўзлашган ҳалқ, яъни ўзбеклар XIV-XV асрларда Фарғона водийсида, Тошкент воҳаси, Самарқанд вилояти ва ҳозирги Афғонистоннинг турли вилоятларида яшаганлар. Демак, Навоий асрлари ҳам ҳудди мана шу тилда — ўзбек тилида ёзилган. Бобурнинг фикрига қаранганд, Ҳирот ўзбеклари билан Фарғона ўзбеклари тили орасида деярли ҳеч қандай фарқ бўлмаган. Демак, барча фарқлар Кобул ва Москвада олиб борилган сиёсатлар натижасида ўртага келган.

Масаланинг тилшунослик жиҳатига келсак: тил — ижтимоий ҳодиса, яъни жамиятдаги сиёсий жараён тилга ҳам ўз таъсирини ўтказмай қўймайди. Бу таъсир кўпроқ тилнинг сўз таркибида ўзини намоён қиласди. Ўтган асрлар давомида подшоси Самарқандда, валиаҳди Балҳда турадиган миллат орасига Темир девор чизилиб, бирига «Русий Туркистон», бирига «Ағоний Туркистон» номлари берилиб, тили, дини, урфи, одати, тўйи, азаси бир бўлган бир бутунни икки яримга ажратиб ташладилар. Натижада Амударёнинг икки қирғогидаги ягона миллатнинг тили бири рус тили, иккинчиси форс тили таъсири остида қолиб кетди. Оқибатда икки ҳудуддаги ўзбеклар тилида бир-бираига мутлақ бегона бўлган янги-янги сўзлар пайдо бўлди. Бу нарса Ўзбекистон ўзбек тилида икки жараён натижасида юзага келгани айтилади. Биринчisi, Советлар ҳокимиётининг бошларида ҳақиқий ўзбек ёзувчиларига «халқ душмани» тамғаси урилиб, Сибирга сургун қилиниб, ўша ерларда ўтиб кетганлар. Бунга Абдулла Қодирий, Абдулҳамид Чўлпон, Усмон Носир, Боту каби буюк шоир ва ёзувчиларни мисол қилиб кўрсатиш мумкин. Бу ҳол ундан кейин ҳам давом этди. Ойбек, Абдулла Қаҳҳор каби ҳақиқий истеъоддод эгалари бўлган ёзувчиларга меҳр билан қаралмади. Аксинча, тил нуқтаи назаридан ўзбек бўлмаган, лекин буйруқ билан ўзбекча асрлар ёзган айрим шоир ва ёзувчilar ўша вақт давлатидан муҳаббат кўрдилар ва сунъий равишда чоғдош ўзбек адабиётининг асосчилари деб танитирилдилар. Бу қасдий ҳаракатлар ўзбек тилига айрим бўлмагур сўз ва иборалар кириб қолишига сабаб бўлди, булардан айримларини кўрсатиб ўтсак:

(давоми 26-бетда)



O'zbegim

Biz o'z oldimizga qo'ygan buyuk marralarni egallash yo'lida kundalik hayotimizda amalga oshirayotgan, butun dunyo tan olayotgan reja va dasturlarimiz, o'sish sur'atlarimiz, kundan-kunga qiyofasi o'zgarib, kuch-qudratga to'lib borayotgan go'zal va betakror ona yurtimiz, eng muhimi, rivojlangan mamlakatlardagi tengdoshlari bilan tillashuv va bellashuvga tayyor bo'lib, tobora hal qiluvchi kuch darajasiga ko'tarilayotgan siz, aziz yoshlarimiz, farzandlarimiz bilan biz ko'zlagan maqsadlarimizga, albatta, erishamiz. Bunga hech qanday shubha bo'imasligi kerak.

Islom KARIMOV

Janubiy Koreyaning Incheon shahrida XVII yozgi Osiyo o'yinlarida O'zbekiston terma jamoasi a'zolari ushu musobaqalarda sportning 31 turida ishtirok etib, jami qirq to'rtta: 9 oltin, 14 kumush va 21 bronza medalni qo'liga kiritdi. Jamoaviy bahslar hisobga olinganda mamlakatimiz sportchilari jami 61 medal — 12 oltin, 14 kumush va 35 bronza medalga sazovor bo'ldi.

Osiyo o'yinlarida qit'amizning 45 mamlakatidan 13 mingdan ziyod sportchi 36 sport turi bo'yicha 437 medallar jamlanmasi uchun o'zaro bahslashdi. Ular orasida Olimpiya o'yinlari, jahon va qit'a championatlarining g'olib va sovrindorlari ko'pchilik ekani musobaqlarning keskin va murosasiz kechishini ta'minladi.

Osiyo o'yinlarida O'zbekistondan 228 sportchi boks, badiiy gimnastika, baydarka va kanoeda eshkak eshish, dzyudo, og'ir va yengil atletika, erkin va yunon-rum kurashi, suzish, velosport va boshqa sport turlari bo'yicha mamlakatimiz sharafini himoya qildi. Ular o'zlarining yorqin chiqishlari va erishgan yuksak natijalari bilan O'zbekistonda sportni rivojlantirishga davlat siyosati darajasida alohida e'tibor qaratilayotganini yana bir bor namoyish etdi va Vatanimiz sha'nining butun dunyoda yanada ulug'lanishiga hissa qo'shdi. Eng muhimi, O'zbekiston sportchilari hech kimdan hech qachon kam bo'Imagini va kam bo'imasligini yana bir bor isbotladi.

Osiyo o'yinlarida qo'liga kiritilgan medallarning katta qismi olimpiya sport turlari bilan shug'ullanadigan yoshlarimiz hissasiga to'g'ri keldi. Erkin va yunon-rum kurashi bo'yicha Rustam Assakalov, Dilshodjon Turdiyev, Bekzod Abdurahmonov, Rashid Qurbonov va boshqa polvonlarimiz o'zbek kurash maktabining yuksak salohiyatini namoyish etib, terma jamoamizga 3 oltin, 1 kumush va 3 bronza medalini keltirdi.

Taekvondo (WTF) bo'yicha sportchilarimiz qo'liga kiritgan 4 medal ularning Osiyo o'yinlariga tayyorgarligi to'g'ri tashkil etilganidan dalolat beradi. Jasur Boyqo'ziyev birinchi oltin medalga sazovor bo'ldi. Aka-uka Nikita va Maksim Rafalovichlar, Dmitriy Shokin kumush medallar bilan taqdirlandi.

Gimnastikachi qizlarimiz Anastasiya Serdyukova, Jamila Rahmatova, Valeriya Davidova va Ravila Farxutdinova yuqori tayyorgarlik va g'alabaga bo'lgan katta ishtiyoqni namoyish etdi. Ularning xalqa, to'p, bulava, lenta bilan murakkab mashqlarni bajarishi mamlakatimizga navbatdagi oltin medallarni keltirdi.

sporti


Ushbu musobaqalarda yengil atletikachilarimiz ham salmoqli yutuqlarni qo'liga kiritdi. Svetlana Radzivil balandlikka sakrash musobaqasida 1 metru 94 santimetrit natija ko'rsatib, oltin medalni qo'iga kiritdi. Kumush medal sohibi yengil atletikachi Leonid Andreyev ham muxlisu mutaxassislarning e'tirofiga sazovor bo'ldi. Yengil atletikachilarimiz Nadejda Do'sanova va Ivan Zaytsev ham mamlakatimiz terma jamoasiga ikkita bronza medali keltirdi.

Bokschilarimiz ham ko'plab medallarni qo'iga kiritdi. Shahobiddin Zoirov va Isroil Madraimov kumush, Oybek Mamazulunov va Mirzohidjon Abdullayev bronza medallariga sazovor bo'ldi.

Eshkak eshuvchi sportchilarimiz o'zlariga bildirilgan ishonchni oqlab, 5 medalni qo'iga kiritdi.

Sportchilarimizning XVII yozgi Osiyo o'yinlarida erishgan yutuqlari mamlakatimizda Prezidentimiz Islom Karimov rahnamoligida sportni rivojlantirishga nechog'li ulkan e'tibor qaratilayotganini yana bir karra namoyish etdi. Istiqqloldan avval sportchilarimizning xalqaro musobaqalarda ishtirok etishini tasavvur qilib bo'limasdi. Bunday nufuzli musobaqalardagi g'alabalar haqida gap ham bo'lishi mumkin emas edi.

Manba: UzA.uz sayti



GULXAT

Астойдил: бу сўз уч жуздан иборат бўлиб, аз — дан, та — ич, дил — юрак. Модомики, мазкур сўзниг ўз тилимизда юракдан, чин юракдан каби чиройли ифода шакллари бор экан, бундай оғир шаклни тилимизга қабул қилишнинг не ҳожати бор? Бундан кўра бундай бир маънони ифода қилиш учун арабча «қалбан» сўзини олса, ҳам тушунарли, ҳам содда: **Астойдил сизга ишондим — юракдан сизга ишондим. Чин юракдан сизга ишондим. Қалбан сизга ишондим.**

Азбаройи: бу сўз икки — аз ва барои жузларидан иборат бўлиб, учун маъносини ифода қиласди: **Бу гапларни айниқса, сиз билан менга келишмаса ҳам, азбаройи мени ёлғиз ташлаб қўйганингиздан айтдим.** (Ўзбек тилининг изоҳли лугати. 5 томлик, 1-том, 25-бет): **Бу гапларни айниқса, сиз билан менга келишмаса ҳам, мени ёлғиз ташлаб қўйганингиз учун айтдим,** деса ҳам ёзувчи кўзлаган маъно чиқадику. Шундай экан, бу мутлақ форсий таркибни кўллаш тилнинг услубини бузади.

Ўзбекистон ўзбек адабий тилига ўйламасдан-нет масдан, масъулиятсизлик билан киритилган бундай йўниқиз форсий таркиблар тўлиб-тошиб ётибди. Ҳар бири устида алоҳида тўхтадиган бўлсак, қанчаканча варакъларни қоралашга тўгри келади. Мақоланинг охирида тилимизнинг гўзаллигига футур етказган бундай варваризмлар (тилнинг ҳуснини бузадиган келгинди сўз ва сўз бирикмалари)нинг мундарижасини берамиз.

Бундан ташқари, сўз ясашда ҳам ўзбек тилининг грамматик ҳусусиятларини назарда тутмаган ҳолда баъзи бир форсча олд қўшимчаларнинг керагидан ортиқ даражада қўлланиши тилимизнинг ҳуснини бузган: «бе» олд қўшимчаси: бу қўшимча турли отларга қўшилиб негиздан англашилган нарсанинг йўқлигини ифода қиласдиган сифат ясайди: *бемаза* — мазасиз, *бетуз* — тузсиз, *бешарм* — шармсиз, *бехаё* — ҳаёсиз, *бетоқат* — тоқатсиз каби. Бу қўшимчанинг синоними бўлган — сиз қўшимчаси айни маънодаги сифат ясайди. Шундай экан, — бе олд қўшимчасини керагидан ортиқ истеъмолининг нима ҳожати бор? Ҳусусан, мазкур қўшимча билан ўзбекча сўзлардан сифат ясаш ундан ҳам қулгилироқ чиқади: *бетўхтов* — тўхтовсиз, *беажин* — ажинсиз, *беаёв* — аёвсиз, *беунум* — унумсиз, *беўхшов* — ўхшовсиз каби. Шунингдек, «но», «ба», «бо» олдқўшимчалари ҳақида ҳам шундай фикрларни айтиш мумкин.

Ҳозирги ўзбек адабий тилига фонетик ўзгаришларга юз тутган айрим сўзлар кириб қолган. *Масалан, зим-зиё* — сим-сиёҳ, *пойабзal* — пояфзор ёки пояброр, *зимдан* — зимнан, *муроса* — мурозот, *малҳам* — марҳам, *тилсим* — тилисм, *бачканa* — бачагона — тифлона, *баралла* — бармalo, *маҳтал* — маътал, *барақалла* — борикаллоҳ, *кафт* — каф каби сўзларни биз ҳам айнан бузилган шаклда қўллашга мажбур эмасмиз. Керак бўлса тўғри шаклини қўллаш мақсадга мувофиқдир. Тилимизнинг турли лаҳжаларида бор сўзлар ўрнида форсча ёки арабча сўзларнинг ишлатилиши ҳам унчалик мантиқли кўринмайди: *тухум* — юмурта, *гул* — чечак, *лаб* — дудоқ каби.

Ўзбек тили узоқ ва бой ёзма тарихга эга тил ҳисобланади. Тўғри, тил қотиб қолган, ўзгармас ҳодиса эмас. Ундаги сўзлар замон оқимида турли ўзгариш-

ларга юз тутади. Баъзи сўзлар истеъмолдан чиқиб архаик ва тарихий сўзларга айланиб қолади. Баъзи бир сўзлар муайян тарихий шароитда турли нарса ва ҳодисаларнинг номини ифода қилиб ўша нарса истеъмолдан чиқиб ёки тарихга айланиб қолиши натижасида уларнинг номи ҳам истеъмолдан чиқиб кетиши мумкин. Аммо ўша нарса ёки тушунча ҳозирги кунда ҳам яшаб туриб фақат номини бегона тилдан олиш инсофдан эмас: *Тамуғ* — дўзах, *учмоқ* — жаннат, *осиғ* — фойда, *янглиғ* — сингари, *ёзиқ* — гуноҳ, *ойва* — беҳи, *сунмоқ* — тақдим қилмоқ, *очун* — дунё, *чогир* — май, *ёзгурмоқ* — гуноҳкор ҳисобламоқ, *айбламоқ*, *ёргу* — маҳкама, ҳукм чиқариш, *жазолаш*, *ёргуламоқ* — маҳкама қилмоқ, ҳукм чиқармоқ, *жазоламоқ* каби.

Ўзбекистон ўзбек адабий тилида бу иш мустабит Совет тузуми даврида атайнин йўлга қўйилган эди. Ҳозирги ўзбек адабий тилининг изоҳли лугатини тузишида ҳам факат йигирманчи асрда яратилган адабиётларга асосланиб классик матнлар бир четга сурриб қўйилган. Ҳолбуки, ҳар бир тил ўзининг ёзма ёдгорликлари билан тирик. Муайян бир тилдаги сўзлар ўша тилнинг бойлиги бўлиб, бу бойликлардан воз кечиш тилга жафо ҳисобланади.

Тилимизга арабча кўплек шакли билан кирган сўзларга яна грамматик кўплек ифодаловчи — **лар** қўшимчасини қўшиш мантиқий жиҳатдан тўгри эмасдек. Агар биз бундай сўзларнинг ўзи кўплек шаклда эканлигини тушуниб туриб, яна кўплек ифодаловчи — **лар** қўшимчасини қўшсак, охирги кўплекнинг ортиқлигини шундайгина сезишимиз мумкин. Чунки мумтоз адабиётимизда бундай бир ҳолатни учратмаслик иddaомизга ёрқин далил бўла олади: *хабар* — ахбор — ахборот — ахборотлар (уч карра кўплек), *ташвиқ* — ташвиқот — ташвиқотлар (икки карра кўплек), *тарғиб* — тарғибот — тарғиботлар, *узв* — аъзо — аъзолар, *жад* — аждод — аждодлар, *мушкил* — мушкилот — мушкилотлар каби.

Ўзбек тилида грамматик жинс категорияси йўқлигини назарда тутиб, араб тилига хос бўлган бундай бир қоиданинг тилимизга киргани хатолардан яна биридир: азиза, котиба, муаллима, шоира, муслима каби.

Ўзбек тилининг изоҳли лугатига кирмаган, аммо бизда фаол қўлланадиган айрим арабча сўзларни тилимиздан чиқариб ташлаш мазкур сўзларга нисбатан адолатсизлик ва тилимизга нисбатан инсофлизик бўлади. Чунки бундай сўзлар тилимиз учун бойлик ҳисобланади. Модомки, бу сўзлар ҳаётимиз учун зарур бўлган тушунча ва маъноларни ифода қиласди экан, улардан қочишнинг заардан бошқа фойдаси йўқ. Чунки муайян бир тилга кириб келган янги сўзларни янги оиласга тушган келинчакка ўхшатиш мумкин. Бегона бир оиласга келин бўлиб келгандан кейин, замон ўтиши билан ўша оиласнинг тенг ҳукуқли аъзоси бўлиб қолади. Фақат янги муҳитнинг бутун шартшароитига бўйин эгган ва кўниккан суратда.

Нисбий сифат ясовчи — **вий** қўшимчаси асосан арабча сўзларга қўшилиб негизга нисбат бериш маъносидаги сифат ясайди: *оиласий*, *кимёвий*, *маънавий*, *қабилавий* каби. Бироқ бу қўшимчани Европа тилларидан кирган кўшиш табиий чиқмайди.

Бу ҳолатни Ўзбекистон ўзбек адабий тилида кўп учратиш мумкин: *системавий, техникавий, темавий, партиявий* каби.

Ҳар бир тил синтактик бирикма ҳосил қилишда ўзига хос грамматик қонун-қоидага эга. Масалан, форс тилидаги музоф-музоф илайҳ (бирикмадаги биринчи сўз изофа, яъни касра олади) шаклидаги бирикма ўзбек тилида қаратувчи-қаралмиш ёки сифатловчи-сифатланмиш шаклда ифодаланади: *кони фойда* — фойда кони (қаратувчи-қаралмиш), *амри-маҳол* — маҳол амр ёки иш (сифатловчи-сифатланмиш), *бандизиндон* — зиндан банди (қаратувчи-қаралмиш), *безорижон, бақадриҳол, бамайлихотир, бамисоли...* каби. Ўзбек тилининг форс тили билан ҳеч қандай қон-қариндошлиги бўлмаганлиги сабабли бундай синтактик бирикмаларга ҳаддан ташқари эрк бериш тилимизнинг гўзаллигини бузади.

«Нома», «хона» каби сўзларга ўзбек адабий тилида қўшимча деб қаралади ва бу сўзлар билан ясалган сўзлар морфологик усул билан ясалган сўзлар дейилади. Аслида нома ва хона сўзлари қўшимча бўлмай, балки мустақил сўзлар ҳисобланади. Шундай экан, бу сўзлар иштироки билан ясалган сўзларга синтактик усул деб қараш маъқул: ошхона, ишхона, музхона, шифохона; тасдиқнома, таҳсиннома каби.

Бу жафолар ёнида руслар мустамлакаси даврида ўзбек тилининг эшиги русча сўзлар учун ланг очиб қўйилган эди. Биз уларни ўз тилимизга тўгридан-тўгри бутун фонетик хусусиятлари билан қабул қилишга мажбур эмасмиз: нол — цифр, цех — дастгоҳ, ток — барқ, кроват — тахт, паравоз — рел, доска — тахта, ручка — қалам каби.

Ўзбекистон ўзбек адабий тилига Еropa тилларидан кирган сўзлар рус тили орқали бўлгани сабабли уларда рус тилининг фонетик хусусиятлари сақланган, яъни русча талаффуз билан айтилади. Биз учун рус тили мутлоқа бегона тил ҳисоблангани учун бу сўзларни айнан русча фонетик хусусиятлари билан қабул қилишга мажбур эмасмиз: *биология — биология, технология — технологи, химия — химё, география — жуғрофия, астрономия — астрономи, академия — академи, система — систем, реклама — реклама* каби.

Рус тилининг ўзбек адабий тилига фақат сўз сатҳида чекланиб қолмай, унинг грамматик курилишига ҳам ўз таъсирини қўйган. Натижада рус тилидан ўзбек тили табиатига мутлақ бегона бўлган таркиблар вужудга келган: *янги йилингиз билан — янги йилингиз қутлуг бўлсин, туғилган кунингиз билан — туғилган кунингиз муборак бўлсин. Айёмингиз билан?! Расмга тушмоқ — акс олмоқ, рақсга тушмоқ — рақс қилмоқ, мактабга ёздирилмоқ — мактабга қўймоқ* каби. Бу таркиб ва иборалар биз учун ёт ва сунъий ҳисобланади.

Шунингдек, турли жуғрофий номлар ҳам Ўзбекистон ўзбек адабий тилида рус тили таъсирида русча оҳангидаги билан талаффуз этилади. Бизнинг ўзбек тилимизда эса айни оҳангда талаффуз қилиш нотабиий эшитилади: Америка — Амрико, Африка — Африқо, Австрия — Остарлиё, Венгрия — Ҳангариј ёки Мажористон, Швеция — Свидан, Норвегия — Норвий, Полша — Поланд, Белгия — Билжим каби.

Турли илмий атамалар Ўзбекистон ўзбек адабий

тилига тўгридан-тўгри рус тилидан олинган бўлиб, унда русча талаффуз сақланган. Биз эса ўз тилимизга бундай илмий атамаларни юртимизда маъмул шакл ва талаффузда олишимиз мақсадга мувофиқдир: кальций — калцийум, водород — оксижан, кислород — ҳойдрўжан, углерод — корбундой уксайд каби.

Тил ижтимоий ҳодиса сифатида уни ўраб турган ижтимоий-сиёсий муҳитдан тўгридан-тўгри таъсириланади. Тил намояндадарининг жамиятдаги ўрни ва мавқеий қайси ҳолатда бўлса, тилининг аҳволи ҳам ўша йўсингда бўлади. Чунончи, қарийб юз йил давомида ўзбек халқи мустамлака остида эзилиб келгани сингари, унинг тили ҳам турли шиддат ва меҳризилкларни бошдан кечирди. Натижада юқорида ҳисоблаб чиқилган жафоларни ҳаётida тажриба қилди ва қилиб келмоқда.

Юқорида таъкидлаганимиздек, тилда энг ўзгарувчан қатлам лугат сатҳи ҳисобланади. Тилнинг товуш ва грамматика сатҳидаги ўзгаришлар ниҳоят секин ва тадрижий кечади. Шундай экан, Ўзбекистон ўзбек адабий тили билан Афғонистон ўзбек адабий тиллари орасида товуш ва грамматика сатҳида жиддий фарқлар кўзга ташланмайди. Икки жуғрофий худудда яшаб келаётган ягона халқнинг тилидаги айрим фарқларни фақат уларнинг лугат сатҳида кузатиш мумкин. Бу фарқларни бартараф қилиш йўлларини кўрсатиш эса алоҳида бир тадқиқий ишни талаб қиласи.

Афғонистон ўзбеклари ўз тилларини меъёрлашиб тирилган адабий тил даражасига кўтаришда Афғонистон ўзбек лаъжа ва шеваларини ўрганиб, кейин мазкур лаъжа ва шевалар асосида адабий тилни вужудга келтириш учун ҳеч қандай моддий асос ва сиёсий маъданга эга эмас. Шундай экан, Афғонистондаги барча ўзбеклар учун тушунарли бўлган адабий тилни вужудга келтиришда Ўзбекистон ўзбек адабий тилига асосланишга мажбурмиз. Фақат юқорида тилга олинган хато ва камчиликларни таҳорлашга йўл қўймаслик шарти билан.

Агар ўзбек тилининг изоҳи лугатларини варақлаб кўрсак, сўз бойлиги сифатида қабул қилишга арзимайдиган йўниқсиз ёт сўзлар кўплигини кўрамиз. Тилга бунчалик эътиборсизлик миллатнинг маънавиятига эътиборсизликдир. Шунча узоқ тарихга, шунча бой адабиётга, шунча юксак маданиятга эга бўлган халқнинг тилига бундай эътиборсизлик кеширилмайдиган ҳолдир.

Мақоламизнинг кириш қисмida дунёда ҳеч бир тил фақат ўз ички имкониятлари билан яшай олмаслигини айтиб ўтгандик. Бизнинг бу борада ақидалариз шуки, бир тил ўзида ўйқ сўзларни бошқа тиллардан олиши нормал ва табиий ҳол ҳисобланади. Лекин бошқа тиллардан сўз олишда жуда эҳтиёт бўлишимиз зарур. Чунки тил кишилар орасида фақат алоқа воситаси бўлиб қолмай, инсонлар учун тафаккур ҳамда ички кечинмаларини ифодалаш воситаси бўлиб ҳам хизмат қиласи. Шунни таъкидлаш зарурки, ҳар бир тилнинг бойлиги ва гўзаллигини ўзида акс эттирувчи кўзгудир. Шундай экан, адабий тилни деҳқон, чўпон тили савиясига қуий индириш ҳам, малакотий мақомга чиқариб қўйиб, ёзувчисидан бошқа ҳеч ким тушунмайдиган марта-

GULXAT

бага кўтариш ҳам ярамайди. Ўзбек тилининг табиати ўзбек халқининг табиати сингари содда ва самимийдир. Ортиқча дабдаба ва қўполликни ёқтиргманган ўзбек халқининг тили ҳам ортиқча дабдаба ва қўполликдан тоза бўлмоғи зарур.

Ўзбекистон ўзбек адабий тилидаги айрим қўпол сўзларнинг фиҳристи:

Абадиян — (адабий суратда, ўзбек тилининг изоҳли лугати, 1-том, 2-бет) бу сўз абад сўзидан хато шаклда ясалган. Аслида «Абадан» шаклида бўлиши керак.

Абзал — (от-уловни миниш ёки аравага кўшиш учун зарур бўладиган асбоблар мажмуи. Ўзбек тилининг изоҳли лугати, 1-том, 4-бет). Бу сўз аслида форсча абзор ёки афзор сўзининг бузуб олинган шакли.

Арзанда — (1. Орзу қилиб етишган ёлғиз ўғил ёки қиз. 2. Энг севикли, эрка ўғил ёки қиз, ўзбек тилининг изоҳли лугати, 5 томлик, 1-том, 73-бет). «Фарҳанг-и Бузург-и сухан»да эса бу сўз қуидаги маънога эга: 1. Баарзиш, муҳим: ин китоб баро-и ман бисёр арзинда аст. (Бу китоб мен учун жуда муҳим). 2. Муҳтарам, бошахсият, мавриди эҳтиром. Кўриниб турибдики, бу сўзининг ўзбек тилидаги маъноси манба тилидагидан катта фарқи бор. Биз учун эса бундай бир сўзни ўз тилимизга киритишига эҳтиёжимиз йўқ. Чунки араб тилидан кирган муҳтарам, ҳурматли; муҳим каби сўзларимиз бор. Бундан ташқари, бу сўзининг ўзбек тилининг изоҳли лугатидаги маъноси ҳам ўз тилимизда эрка, эркатой каби сўзлар билан ифода бўлади. Шундай экан, бундай бир сўзни қарз олишга қандай эҳтиёж бор?

Арзанда-кароманда — (жуда ҳам арзанда, ўзбек тилининг изоҳли лугати, 5 томлик, 1-том, 73-бет). Бу сўз ундан ҳам кулгилироқdir.

Азбаройи — (учун, сабабли. Таъкид, кучайтириш билдирадиган кўмакчи). Модомики бундай бир маънонинг ифодаси учун ўз тилимизда «учун, сабабли» каби сўзларимиз бор экан, мутлақ форсча таркиби олишга қандай мажбуриятимиз бор?

Астойидил (аз+таҳ+и+дил) — бу сўз учта форсча сўз ва битта форсча изофатдан таркиб топган бирикмадир. Модомики, бу сўз ифода қиласиган маънони ўз тилимиздаги «юракдан», «чин юракдан» ёки араб тилидан кирган «қалбан» сўзлари бор бўла туриб бундай қўпол ва дагал таркибни олишга қандай эҳтиёж бор?

Овқат — (бу сўз арабча «ақвот» сўзининг бузилган шакли бўлиб, бирлиги «күт» сўзидир). Бу бузилган шаклни биз қўллашга мужбур эмасмиз. Ўрнида «таом», «ғизо», «емак» сўзларини қўллаш мумкин-ку...

Авваламбор — (аввал ҳам бор). Ҳаммадан аввал, ҳаммадан олдин, биринчидан, биринчи бўлиб.

Аҳил — (ар. Ўзаро жуда тотув муносабатли, инокиттифоқ, ўзбек тилининг изоҳли лугати, 5 томлик, 1-том, 29-бет). Бу сўз балки «аҳл» сўзининг бузилган шаклидир. Чунки форс тили изоҳли лугатларда бундай бир сўзни топа олмадик.

Айём — явм сўзининг кўплиги. (1. Кун; кунлар: бугун ҳар биримиз учун қутлуғ айём. 2. Байрам куни; байрам кунлари: айёлари (айёмингиз) муборак! Ўзбек тилининг изоҳли лугати, 5 томлик, 1-том, 29-бет). Бу сўзни айниқса иккинчи маъносida қўллаш кулгили эмасми?

Изза — (ўзбек тилининг изоҳли лугати бу сўзни уялиш, хижолат ҳисси деб, изоҳлаган). Аслида бу сўз «Фарҳанг бузурги сухан»да изо шаклида берилиб, азоб, азият деб маъно қилинган.

Оромгоҳ — бу сўз форс тилида «қабр», «гўр» маъносида ишлатилади. Ўзбек тилининг изоҳли лугатида эса бу сўз дам олиш жойи, деб изоҳланган. Бу сўзининг ўрнида ундан кўра «истироҳатгоҳ» сўзини ишлатиш маъқулроқ.

— **омуз** (омухтан — ўрганмоқ феълидан) — бу кўшимча ўзбек адабий тилида — оmez (омехтан — кўшмоқ феълидан) кўшимчаси билан хато шаклда қабул бўлган. Мўжизомуз — Мўжизаомиз. Ҳайратомуз — ҳайратомез.

Боз устига — (бунинг устига, устига устак. Боз устига қурувчилар дарёни тўсишга киришдилар. Ўзбек тилининг изоҳли лугати, 5 томлик, 1-том, 168-бет). Боз сўзи форсча бўлиб «яна», «тагин» маъносини билдиради. Шундай экан, «боз» сўзини олишнинг нима ҳожати бор? Бунинг устига «уст» сўзини у билан таркиб қилиб «боз устига»ни ясашга ҳожат бормикин? Ўзимизда устига устак, бунинг устига, тагин каби чиройли таркиб ва сўзларимиз бўла туриб, бундай қўпол ва дагал таркибни ясаш тилга жафо эмасмикин?

Бачкан — бу форсча бачагона сўзининг бузилган шакли, болаларга хос, болаларга мўлжалланган, болалар учун маъносини билдиради. Бу сўзга юкланган маънони «болалар учун», «тифлона» сўзлари билан ифодалаш мумкин. Бу сўздан ясалган «бачканбоз», «бачканбозлик», «бачканадўз», «бачкангарчилик» каби сўзлар ундан ҳам кулгилироқ.

Бахузур, баҳшида, бадкарда, бадкир, бадавлат, барор, барадла, баравж, бардор, бардор-бардор қилмақ, баъдаз, барвақт, баққолхона, бадариҳол, бақувват, бинокор, баҳақ, бафуржа, бамайли хотир, баногоҳ, бамисоли, баҳархол, баҳарнав, баҳиммат, баҳам, баҳамжиҳатлик, бебарор, бебурд, бекамуқуст, бехос, бехосдан, безорижон, бесаранжом, бийрон, пазанда, пасткаш, тамадди, ҳатдари, ҳожатбаро, халақит, хўранда, хўра, рўпара, зўравонлик, ҳасса, ногирон, муроса, маҳтал, зимдан, сартарош, тилсим, қушхона, гиёҳванд, мижоз каби ўйламай-нетмай адабий тилга қабул қилинган сўзлар ўзбек адабий тили сўз бойлигининг 20 фоизидан кўпроғини ташкил этади.

Холбуки, ўзбек тили у қадар ҳам бечора тил эмаски, тўғри келган сўзни қабул қила берса. Чунки ўзбек тили форс тилига ўхшаб қисир тил эмас, ўзбек тилида сўз ясаш жуда унумлидир. Ўзбек халқи келин олишда қанчалик эҳтиёт ва дикқат сарф қилганидек, сўз қабул қилишда ҳам шунчалик мўҳтот (эҳтиёткор) ва дақиқ (дикқатли) бўлиши шарт. Ўзбек хонадони қизнинг токи етти пуштини суриштирмай келин қилмаганидек, сўзининг ҳам етти пуштини суриштирмай тилига қабул қилмаслиги керак. Чунки тил ҳам инсон учун номус саналади. Бизнинг фикримизча, бу хато йўлдан қайтиш кеч ва фойдасиз эмас. Балки бу билан дарёning икки қирғогидаги ягона халқнинг тили ҳазрат Навоий таъбири билан айтганда, «яққалам» бўлар.

**Нуруллоҳ ОЛТОЙ
Ағонистон.**

«Гулистан» журнали кўпсонли муштарилидан кўплаб мактублар олиб туради. Айниқса, журналнинг электрон почтасига турли ҳудудлардан келаётган мактублар салмоқли. Яқинда журналиминг электрон манзилига қўши Афғонистондан хат келди. Хат муаллифи азалдан қадрли бўлган «Гулистан» журнали учун мақола юбора-ётгани, унда Афғонистондаги ўзбек адабий тили муаммолари баён этилганини ёзган. Мақола билан танишиб, уни аслича журнахонларга ҳавола этишини маъқул топдик. Зеро, ўзбек адабий тилимининг қўши давлатда ҳам нуфузи, ўрни, муаммолари борлигидан фахрландик. Қолаверса, қўши давлатдаги миллатдошларимиз ҳам бизнинг тилимини ўзларига расмий мулоқот тили сифатида қабул қилишса, бу фақат қувонарли, ҳамма томонга ҳам бирдай манфаатли бўлиши табиий. Мақоладаги кўплаб мулоҳазалар ниҳоятда ўринли, билгичлик ва куюнчаклик билан ўрганилгани сезилиб туради. Бироқ айни мақоладаги барча фикрларга ҳам истисносиз қўшилиб бўлмайди, назаримизда. Бу ёғи энди мутахассисларга ҳавола. Айни мақолага муносабат билдиришни истаганлар учун журналини саҳифаларидан жой ажратамиз. Барчамиз учун муҳим бўлган ушбу муаммо юзасидан доимиј равишда фикрашиб турилса, фойдадан холи бўлмаса керак.

Таҳририят.

MUNOSABAT

YAQINLASHISH VOSITASI

Афғонистонлик миллатдошимиз Нуриллоҳ Олтойнинг Афғонистонда ўзбек адабий тилини тайин этишга багишлиланган юқоридаги мақоласи мени жуда қувонтириди. Қувонмай бўладими, минглаб чақирим олисдаги Афғонистон ўзбеклари бизнинг адабий тилимини ўзларига улгу қилиб олишмоқчи. Бунда ўзбек адабий тилининг кўлланиш майдони яна бешолти миллион одам ва бутун бошли бир мамлакат миқёсида кенгаяди. Афғондаги миллатдошларимиз биз билан бир адабий тилга эга бўлишади. Айни вақтда бу мақола адабий тилимиз тараққиётидаги бир қатор муаммолар устида жиддий ўйга ҳам толдирди. Негаки, касбдошимиз ўз юртида ўзбек адабий тилини қарор топдириш хусусида ўйлаш асосида Ўзбекистондаги ўзбек адабий тилининг ҳолатига ҳам ўта билгичлик билан ҳаққоний муносабат билдириб, адабий тилимиз ривожидаги бир қатор камчиликларни тўғри кўрсата олган.

Куюнчаклик билан ёзган мақоладаги: «Сиёсий жиҳатдан бошқа миллатга қарам бўлган ҳалқнинг тили ҳам... эгаси сингари қаддини тиклаш ва жамиятда ўз ўрнини топиш имкониятига эга бўлмайди», — тарзида қараш гоят тўғри экани билан дикқатга лойиқдир. Икки мамлакатдаги ўзбек миллати ва тили ҳам бу жараённинг аччиқ меваларини татиб кўрган. Ҳар қандай адабий тилнинг ўзида мавжудлаҷжа ва шевалардаги асосий жиҳатларни меъёrlаштириш асосида юзага келишини яхши билган Нуруллоҳ домла Афғонистонда ўзбек тилида: «...ёзиш-үқии қатагони уч даҳа (ўн ишлек)дан бери ўртадан кўтарилган бўлса-да, негадир, бу тил меъёrlаштирилган адабий тил сифатида ўз қаддини тиклай олмаган»идан ҳақли равишда ёзғиради. Афғонистонда бу юмушни амалга оширишнинг имкони йўқлиги

ҳамда Ўзбекистондаги ўзбек миллатдошларнинг адабий тили салкам юз йиллик тажрибага эгалигидан келиб чиқсан ҳолда: «Афғонистондаги барча ўзбеклар учун тушунарли бўлган адабий тилни вужудга келтиришда Ўзбекистон ўзбек адабий тилига асослашига мажбурмиз», — дейди олим. Айни вақтда у: «Ўзбекистон ўзбек адабий тилини кўтара қабул қилиш мумкини?» — дея кўндаланг савол қўяди ҳамда Ўзбекистондаги ўзбек адабий тилини тайин этишда йўл қўйилган хато ва камчиликлар Афғонистондаги ўзбек адабий тилини шакллантиришда қайтарилимаглиги кераклигини таъкидлайди.

Таҳчиқали афғон ерларида азалдан ўзгача турмуш тарзига мувофиқ яшаб келаётган ўзбек оидининг биз билан битта адабий тилга эга бўлиш борасидаги фикри гоят оқилона ва фараҳлидир. Бу ҳол миллий тилимининг қурдатини ошириши, унинг имкониятларини кучайтириши, шубҳасиз. Чиндан ҳам бир тилда сўзлашгандагина этноснинг битта миллатга мансуб экани билинади. Ҳар қандай миллатнинг бирдамлик даражаси, ўзаро бирлаша олиш иқтидори айнан ёлғиз адабий тилга эгаликда маълум бўлади. Бундай иқтидорсиз у қанчалик кўп сонли бўлмасин, шунчаки турли қавмлардан иборат этник қурамалигича қолиб кетаверади. Чунки муайян этник бирлик ҳудуди билан ҳам, салатанатга эгалиги билан ҳам, сонининг қўплиги билан ҳам эмас, айнан битта тилда сўзлаша олишига кўра миллат саналади. Акс ҳолда Афғонистондаги ўзбеклар найманлар, саройлар, қўнгиротлар, орлотлар, қавчинлар ва ҳоказо тарзида уруглардан иборат қурама этник мавжудлик даражасида қолавериши мумкин. Айримлар ўйлаганидек, адабий тил шунчаки матбуотнинг тушунарли бўлишини таъминлайдиган

MUNOSABAT

лингвистик бирлик эмас, балки улкан ижтимоий-сиёсий миссияни бажарадиган, яъни этноснинг бирлигини таъминлайдиган миллий тил экани яққол намоён бўлади.

Н. Олтой тилга фақат алоқа воситаси тарзида прагматик ёндашишдай бир ёқламаликдан баланд туриб, ҳар қандай тилнинг азизлигини унинг «тафаккур воситаси» ҳам эканида кўради ва бу ҳолатни: «*Агар тилнинг бирдан-бир вазифаси кишилар орасидаги алоқа воситаси эканлиги бўлса эди, инсон она тилини кўйиб жасамиятда ўрни ...киттароқ бўлган бошқа бир тилни касб этиб, ўша тилни алоқа воситаси сифатида бемалол қўйлаб юриши мумкин эди*» тарзида гоят чиройли ифодалайди. Менимча, тилнинг бу муҳим хусусиятини «тафаккур воситаси»-дан кўра «миллий руҳ ифодаси» дея аташ маъқулроқ бўларди. Чунки миллий мансублик тилдагина намоён бўлади. Чиндан ҳам тил — миллий руҳнинг ифодаси. Муайян шахснинг, бинобарин, муайян миллатнинг ҳам тили қандай бўлса, унинг руҳи ҳам шундай бўлади. Ҳар қандай одам ўзи ўйлайдиган ва қийналмай сўйлайдиган тил ортидаги миллатга мансубдир. Шу янглиг миллатнинг тилидаги бегона сўз унинг қонида моддийлашган бегона руҳият унсуридир. Миллий руҳнинг бутунлиги миллий тилнинг тозалигига боғлиқ. Ҳазрат Навоийнинг: «*Тилга ихтиёrsиз — элга эътиборсиз*» ҳикматида ҳам айни шу ҳақиқат акс этган. Яъни тилини севмай туриб, элига эътиборли бўлиш мумкин эмас.

Олтой муаллим Ўзбекистон ва Афғонистон ўзбекларининг бир адабий тилда эга бўлишлари табиий эканини узоқ ва яқин тарихга таянган ҳолда шундай далиллайди: «*Бобурнинг фикрига қараганда, Ҳирот ўзбеклари билан Фарғона ўзбеклари тили орасида ...ҳеч қандай фарқ бўлмаган. Демак, барча фарқлар Кобул ва Москвада олиб борилган сиёсатлар натижасида ўртага келган. Ўтган асрлар давомида подиоси Самарқандда, валиаҳди Балхда турадиган миллат орасига темир девор чизилиб, бирига «Русий Туркистон», бирига «Афғоний Туркистон» номлари берилиб, тили, дини, урфи, одати ...бир бўлган бир бутунни икки яримга ажратиб ташладилар*». Бу фикрларда миллаттимизнинг яқин ўтмишдаги аччиқ қисмати мухтасар йўсинда яққол акс этган. Олимнинг Амударёнинг икки қирғогидаги иккига бўлиб ташланган бир миллат тилидаги ўзгачаликларнинг юзага келишига доир фикрлари ҳам ҳаққонийлиги билан диккатта лойикдир: «*Йигирманчи аср бошларигача бўлган давр ичida икки ҳудуддаги ўзбеклар тилида кўзга кўринарли фарқлар мавжуд бўлмаган*». Нуруллоҳ Олтойнинг ягона ўзбек адабий тилини кўллаш борасидаги бу қарашларининг амалга ошуви умумёзбек адабий тили ва бадиий ижоди равнақида алоҳида аҳамият касб этади. Ўзбек адабий тили моҳиятан жаҳоний миқёсга чиқади. Икки юртдаги ижодкорлар бир тилда ижод қиладилар, икки юртдаги олимлар бир тилда фикр ифодалайдилар, икки юртдаги сиёсатчилар бир тилда эл бошқарадилар. Бу ҳол икки юртдаги ўзбекнинг руҳан ўзаро яқинлашувида муҳим ўрин тутиши, уларнинг бир-бирларини тушунишлари осонроқ кечиши, шубҳасиздир.

Тан олиш керакки, афғонистонлик касбдошимиз икки юртдаги бир миллат тилининг бир-биридан

узоқлашувига сабаб бўлган омилни ҳам тўғри кўрсата билган: «*Ҳозирги ўзбек адабий тилининг изоҳи лугатини тузишида ҳам фақат йигирманчи асрда яратилган адабиётларга асосланиб классик матнлар бир четга сурib қўйилган. Ҳолбуки, ҳар бир тил ўзининг ёзма ёдгорликлари билан тирик*». Ўзбекистонлик ўзбек адабий тили мутахассисларига қаратилган бу иддао жуда асосли. Адабий тилни белгилашда фақат XX аср адабий манбаларига таяниш, билиб-бilmай, уни ўз илдизидан узоқлаштирган. Демак, ўзбек тили изоҳи лугатининг кейинги нашрларида мумтоз адабиёт тилига алоҳида эътибор қаратилиши лозим бўлади. Н. Олтойнинг Ўзбекистондаги ўзбек адабий тилида: «*Тамуғ — дўзах, ужмоқ — жаннат, осиг — фойда, кўклам — баҳор, янглиғ — сингари, ёзиқ — гуноҳ, ойва — беҳи, сунмоқ — тақдим қилмоқ, бермоқ, очун — дунё, чоғир — май, ёзғирмоқ — гуноҳкор ҳисобламоқ, айбламоқ, ёргу — маҳкама, ҳукм чиқариш, жазолаш, ёргуламоқ — маҳкама қилмоқ, ҳукм чиқармоқ*» янглиғ қадимдан ишлатиб келинган ўз сўзларимиз ўрнига бегона сўзларни кўллашга асоссиз йўсинда ружу қўйилгани борасидаги эътирози ҳам ўринлидир.

Нуруллоҳ домла Ўзбекистондаги изоҳи лугатлар ҳолати тўғрисида куюнчаклик билан: «*Агар ўзбек тилининг изоҳи лугатларини варақлаб кўрсак, сўз бойиги сифатида қабул қилишига арзимайдиган ўйниксиз ёт сўзлар тўлиб-тошиб ётганини кўрамиз. Тилга бунчалик эътиборсизлик миллатнинг маънавиятига эътиборсизликдир. Шунча узоқ тарихга, шунча бой адабиётга, шунча юксак маданиятга эга бўлган ҳалқнинг тилига бундай эътиборсизлик кечирилмайдиган ҳолдир*», — деб ёзди. Бу ҳақ гап эътиrozсиз қабул этилиши ва кейинги ишларда ҳисобга олиниши лозим бўлади. Бу фикрга хоҳ Ўзбекистонда, хоҳ Афғонистонда бўлсин, ўзбек тилининг изоҳи лугатларига лаҗжа ва шевалардаги барча сўзларни истисносиз киритиш кераклигини ҳам қўшимча қилиш мумкин, холос.

Афғонистон ўзбеклари адабий тилининг лугат таркибини шакллантиришда ҳам ўша минтақада мавжуд лаҗжа ва шева сўзларига кенг ўрин берилишини, улардаги бирор оригинал сўзни адабий тилдан ташқарида қолдириш мумкин эмаслигига эътибор қаратишни таъкидлашни истардик. Шунингдек, бу адабий тилида камида тўққиз унли товуш мавжудлиги ҳамда унга сингармонизм ҳодисаси хослиги ҳам ҳисобга олинишини тилаган бўлардик. Тўғри, афғон ўзбеклари кўллайдиган араб ёзувида бу ҳолатлар ифодасини бериш қийин, лекин айни шу сиғатлар адабий нутққа умумтуркий хусусиятлар баҳш этиб, миллий тил жилодор бўлишини таъминлайди. Қардosh олимнинг ўзбек адабий тилида тутатилиши керак бўлган бошқа бир қатор ўхшовсизликлар борасидаги фикрлари ҳам диққатга лойик эканини тан олиш лозим бўлади.

Хуллас, Нуруллоҳ Олтой сиймосида Афғонистон ўзбекларининг ўз адабий тилларини шакллантиришда Ўзбекистон ўзбеклари адабий тилига таянишдай эзгу интилишларини қутлаймиз, бу ниятларига эришиш йўлида ютуқлар тилаш билан бирга ҳар қандай амалий кўмак беришгода тайёр эканимизни билдирамиз.

Қозоқбой ҚАШҚИРЛИ

INSON HUQUQI BOLA HUQUQIDAN BOSHLANADI



Бола ҳуқуқларини ҳимоя қилиш масалалари мамлакатимиз томонидан ратификация қилинган «Бола ҳуқуқлари тўғрисида»ги Конвенция Ўзбекистон Республикаси Конституцияси, Оила кодекси ва бошқа кўплаб норматив ҳуқуқий ҳужжатларда баён этилган. Ота-оналик ҳуқуқи бола манфаатларига зид тарзда амалга оширилиши мумкин эмас. Бола манфаатларини таъминлашда ота-она ғамхўрлиги биринчи ўринда туради.

Бола ҳуқуқини амалга оширишга ота-она қонунда белгиланган тартибда масъулдир. Боланинг таълим-тарбиясига тааллуқли масалалар бола манфаатларидан келиб чиқсан ва унинг фикрини ҳисобга олган ҳолда, ота-она томонидан келишув асосида ҳал қилинади. Болаларнинг ҳуқуқ ва қонуний манфаатлари бузилганда, шу жумладан, ота-она боланинг тарбиялаш ва унга таълим бериш бўйича ўз мажбуриятларини бажармаган, ота-оналик ҳуқуқларини сустеъмол қилган тақдирда бола ўз ҳуқуқ ва манфаатларини ҳимоя қилишни сўраб васийлик ва ҳомийлик органига, 14 ёшга тўлгандан кейин эса мустақил равишда судга мурожаат этиш ҳуқуқига эга. Боланинг ҳаёти ва соглигига хавф туғилгани-



дан, ҳуқуқ ва қонуний манфаатлари бузилганидан хабардор бўлган шахслар бу ҳақда бола айни пайтда яшаб турган жойдаги васийлик ва ҳомийлик организига 7 кун ичida маълум қилиши шарт.

«Бола ҳуқуқлари тўғрисида»ги Конвенциянинг 12-моддасига кўра, оиласда боланинг манфаатларига тааллуқли ҳар қандай масалани ҳал қилишда бола ўз фикрини ифода қилишга ҳақлидир. Боланинг яшаши, камол топиши учун оила бирдан-бир мақон ва табиий муҳит ҳисобланади. Шунинг учун Оила Кодексининг 2-моддаси билан ота-она зиммасига фарзандининг оиласда фаровон ҳаёт кечириши ва камолга етиши ҳақида ғамхўрлик қилиш, унинг ҳуқуқ ва манфаатларини ҳимоялаш вазифаси юклатилган.

Қонун оиласининг ички ҳаёти ва болалар тарбиясига бошқаларнинг ўзбошимчалик билан аралашшига, бола тарбиясига таъсир ўтказишига йўл қўймайди. Шунингдек, оила ва боланинг ҳуқуқларини муҳофаза қилишга қаратилган ўз функциясини бажаради. Аммо бола ҳуқуқи оиласда камситилса, бундай оиласа нисбатан қонун йўли билан таъсир ўтказишининг норматив, механизмлари батафсил ишлаб чиқилган. Асосийси, ушбу ҳуқуқий нормативлар асрлар оша аждодларимиздан бизларгача етиб келган асл миллий қадриятларимизга уйун. Уларни қабул қилишда бола парвариши ва тарбияси борасидаги шу каби миллий ҳусусиятларимизнинг ҳисобга олингани қонун ва бошқа норматив ҳужжатлар ҳаётийлигини таъминлайди.

Президентимиз томонидан 2014 йилнинг «Соғлом бола йили» деб аталишида катта ҳикмат бор. Жорий йилда болаларнинг ҳуқуқларини ҳимоя қилиш борасида талайтина ишлар амалга оширилди ва оширилмоқда. Инсон ҳуқуқи болалар ҳуқуқидан бошланади. Болалар ҳуқуқини ҳимоя қилиш келажакни ҳимоя қилишдир.

Машхура ҲОШИМОВА

Vatam

Пирлар түйин ўтказди қүшлар,
Рұхлар билан ўйнади офтоб.
Бу заминда қүшиқ түқимай
Яшаганлар ичмайды шароб.

Күзмунчоқлар ҳикмат уруги,
Ойбалдоқлар ойдан томган сут.
Туркон Хотун зар камаридан
Бухордевор тиккани — ёкүт.

Занданадан учар от олдим,
Гулчорбоққа чиздирдим сурат.
Оқ ўриклар гарқ гуллаган пайт
Хазорбоққа қылдим ибодат.

Ширбудундан чорлади шамол,
Учкулоҳдан гул отди зафар.
Тохир ётган сандиқни топиб,
Бахт тўлдириб менга берди зар.

Ўйга ботдим, кўкка дил отдим.
Карвон тузиб гуллатдим бозор.
Искандарнинг муҳрин топсам ҳам
Симоб кўнглим топмади қарор.

Қишлоқ бордим, гулчангда ётдим.
Сўраб келди мени жуфт хумо.
Минг жаннатга заримни бериб
Танлаганим бўлди БУХОРО!!!



Ибодат РАЖАБОВА

Она

Ҳассанғизни шамол артади,
Ковушингиз мойланган, тоза.
Сиз кун бўйи йўлим пойлайсиз,
Гоҳ зерикиб кетар дарвоза.

Кўп тешилар сузмахалталар,
Ошиб тушар, лагандан хамир.
«Шаҳарга...» деб термай кўйилган,
Новдаларда қуриди анжир.

Суви қочар сутли кулчанинг,
Гўшт қоқини ўғирлар мушук.
«Келса, ер...» деб асралган беҳи
Жаҳл қилиб чиқаради тук.

Ҳинояпроқ ҳалтacha кияр,
Исинади сандалда қовун...
«Уйи совуқ, қишида кияр» деб
Пайпоқларга айланади жун.

Нафақадан тежаб йифасиз...
«Пули борми...» сурасиз хаёл.
Тўрт-бешта шеър ортидан чопиб
Киз шаҳарда юрар бемалол...

Мансаблар-ку қиё боқмади.
Зўр шоир ҳам бўлгани қани.?
Сиз кетгандан кейин соғинар,
Енгларингиз олмаларини...

Тийрамоҳ

Она қишлоқ гужумлари ҳўл,
Ўт поялар энди хотиржам.
Кадиларнинг томдан тушгани,
Қарғаларга қиласи алам.

Боғчумчоқлар охур титкилар,
Узилмасдан ётар от арқон.
Кўзи сузук мушукни кўриб,
Қалдиғочлар қиласи галаён...

Сокин оқар ариқлар суви,
Боғлар худди қотган мумиё.
Кирпиюрар сўқмоқчалар ҳам
Ёбонларда қолтандек танҳо.

Печакгуллар ғарамга келин,
Кировгўстин эгнида борлик,
Онам изин излаб толгандай,
Шожӯроблар дийдори сарик.

Яширинди ҳавога тутун,
Сарпушқалпоқ бошида ўчоқ.
Икки қўлин осмонга қилиб,
Аравалар чиқарап чарчоқ.

ADABIY KO'PRIK

оҳиста одимлаб бораверарди. Не-не таҳлика-ю ваҳима ичидаги қушча эшикдан ташқарига бошини чиқарди-ю, бирданнига тепасидаги осмон чойшабининг чунонам кенгайиб, теграсидаги оламнинг эса нақадар каттариб кетганини кўрди.

Яна кўнглига фулгула тушиб, бурчакдаги жойига қисилиб олди. Лекин қандайдир нотаниш куч уни такрор ва такрор очиқ эшик тарафга судрайверди. Ташқаридаги беадог, бепоён нурни кўриб, қушнинг кўзлари қамашди.

Кейин қўққисдан шу чексиз фазо чойшаби узра қанот қоқиб, мўл-кўл тўкилаётган нурлардан баҳра олиш истагида кичкина қушча қафасдан дадил чиқди-да, ташқаридаги беҳад кенглик бўйлаб эркин учиб кетди.

Майин эпкинлар билан ўйнашганча шодумон қанот ёзиб учаркан, қушча ўзининг бу тентакона парвозидан бениҳоя лаззат топарди, чиройли қанотлари ва силлиқ биқинлари ҳориб-толикиб кетган бўлсаям, у ҳамон учар, йўлида учраган ҳар бир гиёҳ, ҳар бир гул, борингки, ҳамма-ҳамма нарсаларга чукур ҳайрат билан боқар, ҳидлар ва тегинар эди, у ҳатточи заҳарли битта ҳовуз бўйига қўниб ширина бўлса керак, деган хаёлда сувидан озгина тоғиниб кўрмоқчи бўлди.

Бироқ бу ерларда қафасдаги каби оч қолсанг тайёр овқат, ҳамиша ҳозир ша-

ир замонлар шу ёргу оламда қандайдир қушча тугилибди. Тугилибди-ю кўзларини очар-очмас ўзини қуршаб турган темир деворлару ора-орасидан нур ва ҳаво ҳовувлангандаи оқиб кираётган қаттиқ панжараларга нигоҳи ту-

шибди, қушча темир қафас ичидаги дунёга келганди.

Норасида худди шу ерда, қафас қўйнида улгая бошлабди, кўринмас қўллар ҳомийлитига вояга етибди. Ҳолбуки, у бу тортанқис жойнинг қафас эканлигини англай ҳам олмас, унинг учун — бор ҳаёт мазкур темир панжаралар билан қуршалган, чекланган ҳудуддангина иборатдай эди. Гўёки, ахир оч қолса оши, сувласа чанқоги босиладиган, майин похол уюмидан ҳозирланган ётоги устида мириқиб роҳат оладиган бундай завқни бошқа қаердан ҳам топсин эди? Чиройли қанотларини суюб ялаганча, иссиқ қуёш тафтига биқинларини тутганча ястаниб ётаркан, қушчага ўзининг ҳаёти шоён лаззатли, шоён гаштли туюларди.

Кунларнинг бирида бу жажжи қанот ширин оромидан уйғонди-ю, ниҳоятда лол бўлиб қолди: О! Қафас эшиги очилиб қолганди! Ҳа, ҳа, нимадир бўлиб, шу мустаҳкам қафас очиқ қолиб кетганди. Бурчакдаги жойида қунишиб турганча, қушча ҳадеб ажабланар, дам ҳадиссираб, саросимага тушиб ўтиради.

Шу пайт нечуқдир бир ҳоҳиш билан қафасдаги митти жонзот очиқ турган эшик томонга секин-аста яқинлаша бошлади, кўркув ва ҳадик ҳамон уни тарқ этмаган, нима учун эшикнинг очиқ турганидан унинг таажжуби ошар, аммо шунга қарамай оёқлари беихтиёр ёруғлик баралла оқиб кираётган ўша очиқлик тарафга

Кейт ШОПЕН
Америка ёзувчиси

HURLIK ZAVQI

роит йўқ эди. Бунинг учун қушчанинг ўзи меҳнат қилиши, елиши, қидириши, курашиши лозим эди. Охири, шунча уринишлари эвазига келган егуликлардан тўйиниб, ана ундан кейингина чарчаган, ҳолсиз қанотларига ором бера олиши мумкин бўларди. Аммо барибир қушча баҳтиёр эди. Чунки у озод эди!

Унга мана шу ҳаёт қўпроқ ёқиб қолганди: қидириши, топиши, хурсанд бўлиши, қайғуриши, курашиши ва енгиши мумкин бўлган шу ҳаёт аъло эди қушча учун. Тасодифан очилиб қолган хув ўша қафас эшиги эса ҳалиям очиқ турар, бироқ унда энди ҳеч ким яшамас эди!

Инглиз тилидан
Қандилат ЮСУПОВА таржимаси

Миллий маданиятимизнинг узвий қисми бўлган театр санъати хусусида сўз борар экан, театрлар учун кадрлар етказиб берадиган Ўзбекистон давлат санъат ва маданият институти, «Ўзбектеатр» ижодий ишлаб чиқариш бирлашмаси бу йўлда тинимсиз изланишлар олиб бораётганини эътироф этиш зарур. Институтда бир нечта йўналишларда режиссёр кадрлар таёрганмоқда. Айниқса, драма режиссёrligi йўналиши бўйича ҳар иши ўнлаб ёш мутахассислар етишиб чиқмоқда. Шуҳрат Аббосов, Олимжон Салимов, Маҳкам Мухаммедов, Мунаввара Абдуллаева, Нодира Маҳмудова, Валижон Умаров каби тажрибали мутахассислар қўй остида тарбиялангаётган бўлажак режиссёrlар шу соҳанинг сир-асрорларини, ютуқ ва камчиликларини ўрганиб келмоқдалар. Бу изланишларнинг самараси ўлароқ, айрим ёш ижодкорлар профессионал саҳналарда ҳам ўз маҳоратларини намоён этмоқдалар. Уларнинг саҳна асарлари томошабинлар ва санъатшунослар томонидан ижобий баҳоланмоқда.



MA'NAVIVATGA *daxldor dargoh*

Шу ўринда професионал ижодга кириб келаётган Асқар Холмўминов ижодига тўхталадиган бўлсак, унинг илк иши Алишер Навоийнинг «Садди Искандарий» достони асосида саҳналаштирилган «Искандар» моноспектаклидир. Асқар талабалик чогларида, яъни институтнинг учинчи босқичида таълим олаётган даврида ушбу асарни диплом спектакли сифатида саҳналаштирган эди. Ижодкорнинг бу диплом иши соҳа мутахассисларининг ҳам эътиборини торти. Шундан сўнг «Искандар» спектакли Қозогистоннинг Олмаота шахрида ўtkazilgan «IV Марказий Осиё Xalқaro театр фестивали»да қатнашиб, «Энг яхши Дебют иши» номинацияси бўйича тақдирланди. Кейинчалик, «Лайли ва Мажнун» достони асосида шу номдаги спектакли, Ўзбекистон халқ шоири Усмон Азим асари асосида «Тонг отган тарафларда» номли спектакллари саҳна юзини кўрди. Айтиш мумкинки, «Тонг отган тарафларда» спектакли Асқарнинг профессионал саҳнадаги илк ижодий ишидир. Бу спектакл тарихий мавзуда бўлиб, мардлик ва орият қўшиғидир. Унда олис ўтмиш ривояти асосида фарзандларни ватанни севиш ва уни улуғлашга даъват этилади. Унинг ижодий ишларида рамзийлик бирламчи ҳисобланади. Асқар Холмўми-

новда ўзига хос ижод йўли мавжуд бўлиб, актёрлар билан ишлаш маҳорати, спектакл учун ишланган гоя, сўзга муносабат, фалсафий ва мантиқий қарашлари шулар жумласидандир. Ёш режиссёرنинг мумтоз ва тарихий асарларни саҳналаштиришга ва тарихий шахсларни саҳнада жонлантиришга иштиёқи баланд. У эътиборини кўпроқ асарларнинг фалсафий моҳиятини очишига қаратади. Унинг қаҳрамонлари оддийгина шахс эмас, балки ҳаммага маълум ва машхур, билаги куч-кудратга тўла, гайрат ва шижаатли, гурури тогдек баланд, қарашлари ўткир сиймолардир. Масалан, илк асарида деярли бутун дунёни эгаллаган Искандарга мурожаат этган бўлса, кейинги саҳна ишида барча севишган қалблар учун идеал образлар бўлган Лайли ва Мажнун тимсолларига мурожаат қилган.

«Тонг отган тарафларда» асарида эса, гурури тогдай баланд, сабр-тоқатли Тонгёруғ сингари барчага ибрат бўла оладиган метин бардошли шахсларни ифодалайди. Иқтидорли режиссёр кўпинча тарихий сиймолар ва халқ қаҳрамонлари тасвирланган асарларга мурожаат этар экан, ватанни севиш ва ардоқлаш, юртга содик бўлиш каби гояларни илгари суради.

Аслида тарихий мавзудаги саҳна асарларини яратиш ва намойиш этиш анча машққатли. Шундай бўлса-да, ижодкор бу борада ўзининг касбий маҳорати қай даражада эканлигини англаш мақсадида тарихий мавзудаги бир неча спектаклларни томошабинлар эътиборига ҳавола этди. Саҳна асарларидаги декорация ва деталлар ҳаракатда намоён бўлади ва бу жиҳатлар қандайдир чуқур рамзий маънани ифодалайди. У спектакларини доим жумбоқли равишда якунлайди. Бундан кўзланган мақсад, томошабинни мушоҳадага чорлаш, спектакл хусусида фикр юритишга ундашдир. У режиссёрик қилган спектакллар бир кўришда тушунарсиз тувилиши мумкин. Боиси, асар воқеалари психологик жараёнлардан иборат, гояси ниҳоятда кент қамровли. Бу унинг яна бир ўзига хос хусусиятларидандир.

Асқар Холмўминов тарихий спектакллар яратар экан, аввало, образларни самимий ва ишонарли тарзда талқин этувчи актёрлар маҳоратига эътиборини қаратади ва бу билан спектаклнинг мувафаққиятли чиқишига эришади. Унинг спектаклларида рамзий, фалсафий, психологик жиҳатлар доим ўзига хос. Шу ўринда айтиб ўтиш лозимки, тарихий мавзудаги спектаклларни саҳналаштиришда либос, тил, декорация масалаларига жиҳдий эътибор бериш лозим. Томошабин фиқрини чалғитмай, дикқат-эътиборини воқеа-ҳодисанинг моҳиятига қаратиш мақсадида бу санъаткорнинг саҳнавий асарларидаги либослар фақат бир рангда танланади.

Режиссёр асар танлашда ишни унинг гояси, жанр ва бадиий хусусиятлари, тасвирланаётган давр, муаллифнинг ижодий услубини ўрганишдан бошлайди. Режиссёр асар талқини учун саҳна воситаларини излайди, спектакл талабига монанд актёрлар танлайди, саҳнавий ритм ва суръатни белгилайди, мезон-саҳналар яратади, рассом ва композитор билан ҳамкорликда асарни бадиий безаш гояларини ишлаб чиқади.

Асар мақсад ва гоясини очишида мусиқа алоҳида аҳамиятга эга. Агарда спектаклнинг трагик ҳолати ёки романтик кўринишларини очиб беришда тўғри мусикадан ўринли фойдаланилмас экан, у ишонарсиз, шунчаки лавҳа бўлиб қолаверади. Ҳар бир воқеа ҳолатини ифодоловчи мусиқа асарнинг гояси ва мақсадига хизмат қилиши лозим. Асқар Холмўминов спектаклга мусиқа танлаш борасида тарихийликни акс эттирувчи сирли оҳанглар, воқеанинг мақсад ва вазифасини англатувчи ритмлардан моҳирона тарзда фойдаланади.

Бу каби ёш ижодкорларнинг соҳада фаолият бошлиши театр санъатининг катта ютуғи ҳисобланади. Саҳналарда мувафаққиятли асарларнинг пайдо бўлиши томошабинлар, айниқса, ўшлар маънавиятининг юксалишида муҳим аҳамият касб этади.

Тўлқин ЖЎРАЕВ



Aziza OCHILOVA

O'zbekiston

Jahonda yuksalgan go'zal bo'stonim,
Kelajagi buyuk gul-gulistonim.
Hurliling manguga daxldor bo'lsin,
Madhingni kuylayman, O'zbekistonim!

Mardlaring maydonda, tinchlik har yonda,
Noming aytsam, g'urur uyg'onar jonda.
Yayramay bo'lurmi shunday makonda,
Baxtim ham, iqbolim O'zbekistonim.

Bayramlar bag'rida o'tadi har dam,
Shoningni kuylayman sharaqli o'lkam.
Qancha faxr etsam, bo'lar shuncha kam,
Bayram qutlug' bo'lsin O'zbekistonim!

Yoshlarning qudrati senda namoyon,
Boshlagan ishimga har tomon imkon,
Baxtidan xurram, hur yashar har inson,
Toleyim, iqbolim, O'zbekistonim!

* * *

Bahorning eng go'zal shabadasidan,
Tog'larning qip-qizil guldstasidan,
Bulbulning makoni — gulbog'chasidan,
Men seni izladim, seni izladim.

Go'yoki shamollar sen sari chorlar,
Go'yoki izlaring nur bo'lib porlar,
Tilimga chiqmayin, dilimda zorlar,
Sen mening sog'inchim, mening sog'inchim.

Zaminning narigi tomonicha to,
Sening isming mening yuragimga jo,
Seni deb, o'zimni unutib go'yo,
Men seni sog'indim, seni sog'indim.

Чинок marshini уозганди...

Таниқли композитор Феликс Мендельсон 1809 йил 3 феврал куни Германиянинг Гамбург шаҳрида катта банк эгаси Авраам Мендельсон хонадонида иккинчи фарзанд бўлиб дунёга келди. Онаси Лея Соломон ўқимишли аёл бўлиб, француз, италян ва инглиз тилларни билар, ҳатто Гомер асарларини аслиятдан бемалол ўқий оларди. 1811 йилдаги Пруссия ва Франция уруши даврида уларнинг оиласи Берлинга кўчиб ўтади.

Болаларнинг ilk устози оналари эди. Ушбу хона-донда ўз даврининг таниқли олим ва санъаткорлари меҳмон бўлишарди. Улар орасида машҳур файласуф Фридрих Гегел ҳамда ёш Феликснинг мусиқага бўлган қобилиятини эрта пайқаб, уни ўз тарбияси-га олган композитор Карл Целтер ҳам бўларди. Ўз навбатида ёш Мендельсон Людвиг Бергер, Карл Хенинг, Эдуард Риц каби уста санъаткорлардан фор-тепиано ва скрипка чалиш сирларини ўрганади. Мусиқага бўлган истеъоди ва устозлардан олган таълим натижаси ўлароқ, Феликс 9 ёшида ilk кон-цертини намойиш этади. Орадан икки йил ўтгач, у нафақат ижрочилик маҳоратини, балки мусиқа бас-талаш қобилиятини намоён этиб, кўпчиликнинг ҳайрат ва олқишига сазовор бўлади. Унинг ноёб ис-теъоди ҳақидаги хабар қисқа фурсатда бутун Гер-мания мусиқа аҳлига етиб боради.

1821 йилда устози Цельтер Феликсни немис хал-қининг даҳоси Гёте билан таништиради. Ёш санъат-корнинг ижро маҳоратига гувоҳ бўлган шоир: «Мен



бу ёшда бунчалик юксак маҳоратга эришиб бўлади деб ўйламаган эдим», — деда олқишлиайди.

1825 йилнинг март ойида Авраам Мендельсон ўғли билан бирга Франция сафарига отланади. Франция-да бу даврда Жаоккино Россини ва Жакомо Мейер-бер сингари донгдор композиторлар фаолият юритмоқда эди. Авраам Мендельсон Париж консерваторияси ректори Луиджи Керубини билан учрашиб, ўғлининг қизиқишилари ва келажаги ҳақида масла-ҳат сўрайди. Париж консерваторияси ректори ёш Феликснинг ижро маҳорати ва эгаллаган мусиқий билимини синааб кўриб: «Шу кичик ёшида кўп нар-саларга эришган боладан келажакда юксак натижа-ларни кутиш мумкин», — деб баҳо беради.

Бу эътирофларни эшитган ота қувончи ичига сиф-май, Париждан қайтиши биланоқ Берлин шаҳри атрофидан каттагина дала ҳовли сотиб олади. Бу ерда Лея Мендельсон раҳбарлигида якшанба кунлари мусиқий кечча уюштириларди. Мазкур кечаларда таниқли композитор ва санъаткорлар қатнашарди. Аниқки, бунда таниқли санъаткорларнинг билдири-ган ижобий ва танқидий фикрлари ёш Мендель-соннинг дидини ўстиради. Галдаги вазифа — узоқ йиллардан бери номи ва асарлари тилга олинмай келган немис композитори Бах асарларини ижро этиш деб билади. Кўп вақт ўтмай, Феликс компо-зитор дўсти Эдуард Девриент билан ҳамкорликда Бахнинг «Матвейнинг ноласи» асари ижроси устида ишлай бошлайди. Устози Цельтер асар ижроси му-ваффақиятли чиқишига шубҳа билан қараб, бу та-шаббусга эътиroz билдиради. Хуллас, узоқ машақ-қатли меҳнатдан сўнг асар 1823 йилнинг 21 марта-да, яъни Бах туғилган кунда муҳлислар эътиборига ҳавола этилади.

1827 йилда у Берлин университетига ўқишига қабул қилинади. Талабалигига Феликсга машҳур олмон рассоми Дюрернинг вафот этганига 100 йил тўли-ши муносабати билан уюштирилган концертга ilk бор дирижёрлик қилиш таклиф этилади. Бадиий академиянинг барча аъзолари ҳамда Берлин илм ва санъат аҳли ташриф буюрган ушбу концертда Мен-дельсон қатор композиторларнинг асарлари ҳамда ўзининг ушбу байрам концерти учун яратган аса-рини ижро этиб, олқишиларга сазовор бўлади.

Мендельсон Берлин университетини битириб, отасининг ҳомийлиги остида Европа давлатлари бўйлаб сафарга отланади. Ушбу сафар таассуротлари натижасида «Шотландия симфонияси», «Гебрид», «Италия симфонияси» каби кўплаб мусиқий асарлари дунёга келади. Икки йил давом этган Европа сафаридан қайтгач, Мендельсон аввал Англиянинг Дюсельдорф шаҳар мусиқа маркази раҳбарлиги, сўнгра Лейпциг шаҳар Гевандхауз мусиқа ташкилоти раҳбарлиги лавозимига таклиф этилади. Ана шундай кунларнинг бирида Мендельсон дўстларидан бирининг касал бўлиб қолгани хабарини эшигиб, Дюсельдорфдан Франкфуртга отланади. У ерда дўстининг ўрнига вақтинча Муқаддас Цецилия жамиятида дирижёрлик қилишига тўгри келади. Шу ерда Мендельсон Жанreno хонимнинг уйига боради ва Сесил исмли қизи билан танишади. Хуллас, бу танишиш ниҳоят, 1837 йил 28 марта куни икки ёшнинг тўйи билан якуп топади. Тўйдан сўнг улар Рейне ва Швабин шаҳарларига саёҳатга чиқишади. Сафардан қайтгач, Лейпциг шаҳрида яшашади. 1838 йилда Мендельсонлар ханадонида ўғил туғилади ва унга Карл Вольфганг Павел деб исм қўйишади.

1840 йилнинг 7 июлида таҳтга Фридрих Вильгельм IV ўтиради. Қирол саройга дабдабали тус бериш мақсадида таниқли рассом ва санъаткорлар қаторида Мендельсонни ҳам ишга таклиф этади. Унга 3000 тейлор маош тайинланиб, академиянинг мусиқа бўлими раҳбарлиги лавозими буюрилади. Шу тариқа, у 1841 йилнинг июлида меҳнат таътилига чиқиб, Лейпцигдан Берлинга қайтади. Энди у ҳам Берлин, ҳам Лейпцигдаги концертларни бошқара бошлади.

1842 йилнинг август ойида Мендельсон оиласи билан бирга учинчи бор Швейцария сафарига отланади. Хушманзара тоғлар қўйнида дам олиб ҳордиқ чиқаради, ажойиб расмлар чизади. Бир неча ой давом этган сафардан қайтиши биланоқ, Лист, Россиини ва Мейерберлар қаторида ўзининг ҳам «Хизматлари учун» ордени билан мукофотлангани хабарини эшигади.

1843 йилда композиторнинг саъи-ҳаракатлари билан Германияда биринчи олий мусиқа таълим муассаси — Лейпциг консерваторияси ташкил этилади. Ушбу даргоҳга Мендельсон Германиянинг таниқли санъаткорларини ишга таклиф этади. Шуман, Мориц Гауптман, Фердинанд Давид, Беккерлар қаторида ўзи ҳам дарс бера бошлади.

1843 йилнинг кузида қирол Фридрих Вильгельмнинг буюртмасига биноан Мендельсон узоқ йиллар олдин бошлаб қўйган Шекспирнинг «Ёз туни рўёси» комедиясига басталанган увертюрасининг тўлиқ вариантини яратади. Ушбу нодир асар композицияси илк бор Потсдамдаги қироллик театрида ижро этилади. Мазкур асарнинг муваффақиятли ижросидан сўнг қирол Мендельсонни шаҳар черков мусиқа бошлиғи ҳамда қироллик копелласи раҳбари вазифасига тайинлайди.

1844 йилнинг ёзида Лондондан концерт таклифи келади ва Мендельсон икки ой давом этган ушбу концерт сафари таассуротларини сўнгра шундай хотирлайди: «Ҳали ҳеч қаерда ва ҳеч қачон мени бунчалик хурсандчилик билан кутиб олишмаганди».



Юксак олқишишарга сазовор бўлган ҳамда тобора шуҳрат погоналари сари одимлаган композитор Лондондан қайтгач, эркин ижод билан шуғулланиш мақсадида қирол Фридрих Вильгельмдан вазифасидан озод қилишни сўрайди. Қирол бунга рози бўлади. Орадан бир йил ўтиб, уни илгариги иш жойи — Лейпциг шаҳар мусиқа маркази бошлиғи қилиб тайинлайди.

Бу ердаги кўп сонли концерт намойишлари, иш фаолияти ва уйдаги тинимсиз ижодий меҳнат санъаткорни анча толиктириб қўяди. Бунинг устига консерваториядаги дарслар ҳам алоҳида эътибор ва тайёргарликни талаб қиласиди. Шифокорларнинг эътирозига қарамай, Мендельсон 1846 йилнинг ёз ойида Рейне шаҳрига концерт сафарига чиқади. Бельгия, Аахен, Дюссельдорф ва Лютих каби шаҳар концертларидаги иштирок этади.

1847 йил 18 марта куни композитор Гевандхаузда сўнги бор концерт намойишида иштирок этади. Концерт сўнгидаги барчанинг кўз ўнгидаги дирижёрлик таёқчасини бир четга суруб қўяди. Бу унинг дирижёрлик фаолиятига якуп ясаганидан дарак берарди.

1847 йилнинг 4 ноябр оқшоми хотини Сесил унга «Ўзингизни қандай ҳис қиласапиз?» деса, санъаткор: «Толиқдим, жуда толиқдим», деб жавоб беради ва жон таслим қиласиди.

Европа мусиқа оламининг машҳур композитори Феликс Мендельсондан қатор нодир мусиқий асарлар қолди. Айниқса, санъаткорнинг «Ёз туни рўёси» увертюрасидан жой олган «Тўй марши» номли шоҳ асари бугунги кунда ҳам Европа давлатларида никоҳ маросими чогида ижро этиладиган асосий расмий мусиқий асар сифатида юксак қадрланади. Бу мусиқани «Мендельсон марши» деб қадрлашади.

Лола ФАТТОЕВА тайёрлади



«Халқимизнинг маънавиятини янада юқсалтириш учун амалга ошираётган ишларимиз ўз ҳосилини бермоқда ва шу фурсатдан фойдаланиб, айтмоқчиман — бу соҳада эришган марраларимиз билан биз ҳеч кимдан кам бўлмасдан кўпгина мана-ман деган давлатлардан ўзид кетганимизни энг муҳим ютуғимиз, деб ҳисоблайман».

Президент Ислом Каримовнинг
Ўзбекистон Республикаси
мустақиллигининг йигирма уч
йиллигига бағишиланган тантинали
маросимдаги табрик сўзидан.

ларни ўз истакларича бошқариш билан боғлиқ. Тасаввур қиляпсанми, улар дунёга ҳукмрон бўлмоқчи эдилар! Бир миллатни иккинчисидан юқори қўйиш, бир ирқни иккинчисидан ажратиш, биз олий динмиз, олий одамлармиз, деб ҳисоблаш, қисқача айтганда, шовинистик фикрловчиларнинг қули бўлиши керак эди одамзот. Урушларда қирилиб кетган одамларнинг, урушлар туфайли халқ бошига тушган оғир қунларнинг доғини отамдан, онамдан кўп эшитганман. Булар ҳақида тасаввуринг йўқлиги учун ёзиш қийиндир. Кел, сен тасаввур қила оладиган гаплардан сўзлайман. Мана, яқинда мустақиллигимизнинг 23 йиллигини байрам қилдик. Унинг мо-

Tinchlikka nima yetsin

(Тинчлик ҳақида нима деб иншо ёзай, деб сўраган ўғлимга жавобим)

Сенга тинчлик ҳақида ёзиш осон ва ўз ўрнида қийин. Сен — ўн тўрт ёшли ўспирин ҳали болаликнинг пошишолигидан кечолмай турган бир палладасан. Ортиқча тўкин бўлмаса ҳам кам-кўстсиз улгаймоқдасан, билим олиб, спорт билан шугуулланмоқдасан. Бунинг ҳаммаси ҳукмрон тинчлик сабабли. Шунинг учун сенга тинчликнинг, барқарорликнинг исталган қўринишида иншо ёзиш осон. Қийин томони шундаки, сен кўрмаган ўтган аср инсоният учун тараққиёт асли бўлибина қолмай, иккита жаҳон урушини бошидан кечирган аср бўлиб ҳам тарихда қолди. Булар ҳақида тарих дарсларида ўрганиб борасан. Бироқ урушларнинг саналари, жойла-ри давлатларини ўрганишдан ташқари, сен билишинг лозим бўлган катта бир гап бор. Аслида урушлар нима сабабдан келиб чиқсан? Инсонларнинг ҳаммаси ҳам тўғри, холис, яхши фикрли бўлавермайди. Сен эртакларда эшитганинг, ўқиганинг каби ёвуз кучлар ҳаётда ҳам бор. Эртакларда уларнинг истаклари кичик қўринишларда бўлса, ҳаётда ёвуз кучларнинг мақсадлари дунёга эгалик қилиш, одам-

ҳиятини устозинг кўп айтган. Сен бу гапларни тинглашдан зерикма. Биз сен тенги пайтимиз бўйнимизга қизил галстук тақиб, «доим тайёр» деган шиор билан улгайганмиз. Доим тайёрлигимиз колхоз фермасига дагал ҳашак тўплашга ҳам, ариқ қазиб, пахтага сув келтиришга ҳам, қишлоқ хўжалигига нима иш бўлса қилишга тайёрлигимизда эди. Йўқ деб кўрчи, отам коммунистик партиячи, ўзим пионер. Биз буйруқ бажаришга маҳкум миллат эдик. Туман пионер саройидаги спорт тўғрагига қатнаш учун укам икки йил танга пул йиққан экан. Буни кейинчалик айтиб берганида роса хўрлигим келган. Чайир ва бақувват тоганг спортчи бўлиши мумкин эди. У билан шугулланишга даладан бери келмаган ота-онамнинг вақти бўлмаган... Биласанми, тинч замонга ўхшаган уруш ичida яшаганмиз. Бир куни мактабимизга шляпали, галстукли одамлар келишди. Анчагина рўйхатларни кўрсатишиб, ҳар бир ўқувчини алоҳида сўроқ қилди. Навбат менга келди. Сен қузда пахтага чиқсанмисан, дейишиди. «Ҳа», дедим. Йигирма икки сўму саксон тийин пул ишлаганмисан,

деди. Очиги, паҳтада икки сум ишлаганманми, йўқми, билмайман, нимагадир довдираб «Ҳа», дедим. Кейинчалик билсам, бригадир отамга ва колхоз раиси бўлган қариндошимга қарши кўрсатма берган эканман. Раис идорада терговлар чогида инфарктдан қазо қилди. Бу эса, мен ва менга ўҳшаганларнинг билиб-бilmай берган терговларининг меваси эди! Раис қазо қilmaganда ҳам қамалиб кетарди. Бунинг қанақа тинч замон эканини фаҳмлаб кўр! Ўша даврда биз катта бир империя мустамласидаги давлат эдик. Шунинг учун сенга бизнинг авлод мустақиллик ҳақида тўлқинланиб, ардоқлаб гапирамиз. Бизку мустамлака жабрини кам тортганимиз, ота-оналаримизнинг ёш умри шу гуломликда ўтди. Бу кунларнинг қадрини улар биздан кўра тे-ранроқ ҳис қиласидар. Шунинг учун тинчлик ҳақида гап кетса, ўша кунларнинг оғриғи ҳам ёдга тушади. Президентимизнинг Ўзбекистон Республикаси мустақиллигининг йигирма икки йиллигига бағишланган тантанали маросимдаги табрикларида: «Барчани ҳайратда қолдираётган бундай улкан ўзарипшарни сарҳисоб қилишда табиий бир саволга мурожаат қўлсак ўринли бўлади: яъни, биз кеча ким эдигу бугун ким бўлдик?» деган сўзлар бор. Сен кечаги тарихни ўрганиб, бугунги кунга солиштиранг, бу гапнинг мағзини тे-ранроқ ҳис қиласан.

Бугун замон тинч, баҳтимиз бутун, кўнглимиз тўқ. Сен каби ёш авлоднинг кучли, билимли, доно ва албатта баҳтли бўлишларинг учун ҳамма шароит муҳайё. Бироқ бу тинчликнинг қадрига етиб, яратилган имкониятлардан фойдаланиш билан бирга сен огоҳ бўлишинг керак бўлган манбаларни ҳам билиб қўй. Эсингдами, «Эзгу орзулар мамлакати» эртагидаги ёвуз Катонинг ўлими олдидан айтган гаплари: «Дунёдаги барча ёвузларни йўқ қилиш қийин, фақат уларга қарши курашиб мумкин», — дейди у. Ёвуз нияти инсонлар ҳамма замонларда ҳам бўлган. Бизнинг замонамида улар қурол кўтариб уруш қилмасликлари, одамларни ошкор қатл этмасликлари мумкин. Бироқ биз глобаллашувнинг яхши имкониятларидан қанча фойдалансак, улар шунча ёмон имконлар ишлаб чиқиб, шуни ишга соладилар. Оддийгина мисол — биз кундалик ҳаётимизда ишлатадиган интернетни ол. Унда тўғри хабар ҳам, нотўғри ахборот ҳам, яхши, ёмон, эзгу, ёвуз, хуллас, ҳар хил манба бор. Президентимиз интернетни дўёнинг ўҳшатадилар. Ундан керакли нарса харид қилсанг бўлди. Беҳуда товар учун умрингни ҳам, кўз нурингни ҳам увол қилма.

Сен бирор керакли сайтга киришинг билан экраннинг бошқа бир четида ёшларни қизиқтирувчи, чалғитувчи бирор нарса лип этиб чиқади. Ёки оддий қўл телефон орқали, кино, мультфильмлар орқали ҳам турли foялар тарғиб қилинади. Сенда кучли иммунитет бўлсагина бу яширин ёвликларнинг кутгусидан омон бўласан. Кучли иммунитет қалбингдаги имон филтри — юксак маънавият. Сен қалбингда маънавият шакллантириб олсанг, сенинг келажагингдан кўнглимиз тўқ. Фикрим сенга мавхум бўлмаслиги ёки китобнинг ҳам ёмони бўлар-

канми, демаслигинг учун мисоллар келтирай. Бешолти йил олдин сен учун бозордаги расталарнинг биридан «Қизиқарли математика» деган китоб сотиб олдим. Ундаги математик масалаларни таҳлил қила бошладим. «Робертлар оиласи билан, Тоггерлар оиласи урушиб қолишиди. Робертлардан уч киши Тоггерлардан беш киши жароҳат олди, жароҳатланганларни санаб беринг...» тарзидағи масала ва жанжаллашиб, оғизларидан кўпик сачратиб, бир-бirlарига дуч келган буюм билан ҳамла қилаётган отоналар ва болалар расми чизилган. Китобчадаги бошқа масалалар ҳам бир-биридан қолишмайдиган дидсиз ишланган расмлар билан «безатилган». Буни ким чоп қилгани билан қизиқдим. На тузувчи, на нашриёт номи бор. Китобчанинг орқасида «Gulzor print» деб ёзилган, холос. Билдимки, қайсирид «тадбиркор» четда чоп қилинган китобчани ўзбекчага ўтиргану чоп қилиб сотовуга олиб чиқсан. Яна бир мисол — мультфильмларда ҳам ҳамма ёқни ивирситадиган, уришиб, бир-бирига жароҳат етказиб хузурланадиган тимсоллар кўпайиб кетди. Энг қизиги, «бешакт»-лар(шрек, аватар, ўргимчак одам) қатнашган кинолар, анимацион фильмларнинг бозори чақон. Бир қарашда бунинг ҳеч бир ёмон томони йўқдай. Бироқ кичик-кичик қўринишдаги ёвузлик ва ёмон иллатларни тарғиб қилаётган бу каби қўринишлар болалар кўнглида ўзлари билан каттаради. Чет эл хабарларини тингласанг, бир ўқувчи устозини отиб ташлайди, bogcha боласи ўртоқларини пичноқ билан қўрқитади... Сен Айтматовда ўқиган Жўломоннинг замонавий қўриниши эмасми бу. Тарғиботчilar жўломонлашган миллатларни, элларни эгаллашга киришмайдими? Билиб қўй, ақёли одамлардан кўра, манқуртларни бошқариш осон. Лекин сен ақл ва тафаккурга, билим ва тажрибага эга бўлишинг учун олдингда ҳеч қандай гов йўқ. Ўқишини истайдиган, аммо пулли мактабларга маблағи йўқ, саводсиз болалар улгаяётган давлатлар қанча. Куни кечаги хабар ўқидим. Ички урушлар кетаётган бир давлатда дадалар фарзандлари билан видолашиб ишга кетишишар экан. Тасаввур қиляпсанми, хайрлашиб эмас! Қайсирид нодоннинг ўқига учеб ҳалок бўлиш хавфи билан яшаётган одамлар бор. Бу эса бизни бе-фарқ қолдирмай, огоҳ ва хушёр яшашимизни талаб қиласди. Манфур нияти инсонлар ҳамма жойда бор. Сенинг маънавиятингда бўшлиқ пайдо бўлдими, унга ўз иллатини жойлаштиришига уринувчилар кўпаяди. Шунинг учун сен ўз борлигингнинг чегарачисисан. Шундай хушёр аскар бўлгинки, бирор ёт гоя сенинг маънавий доирангдан ўта олмасин. Шундагина сен нафақат оиласизнинг, Ватаннинг ҳам ҳақиқий ўлони бўлиб етишасан. Қалбингда шу ҳалқ, шу Ватан учун тенгсиз муҳаббат бўлса, унинг тинч бўлишини қанчалар истасанг, тинчлик ҳақида нафақат иншо ёзиш, тинч ва фаровон кунлар учун фидойи бўлиш осонлашади. Сен бунга даҳлдорсан. Сен бунга бурчлисан. Сенда бунга имкон бор. Гап истагингни имконингга мослашингда қолган, холос. Юрагингда тинчликни ўстириб, тинч ўс, ўлоним!

Манзура ШАМС



Нега, нечун, нима сабабдан ёзишилиз биздан кўп сўралган саволлардан бири. Ҳатто бир неча бор бу савонни ўзимизга ҳам берганмиз...

Нега ёзаман? Бирор нима деб жавоб бериш керак бўлганида ҳам, нима деб жавоб беришни билмайман. Аксарият ёзувчилар бу саволга шундай жавоб берса, ажаб эмас. Ўзига жуда ишонган ёзувчиларни ҳам бу савол бироз эсанкиратиб қўяди; изоҳларида доимо умушиблик, мавхумлик кўзга ташланади. Аниқ жавобга келганда кўпинча нега бор бўлганимизни ёки дунёга қувгин қилинганимизни изоҳлашдек қайдларга дуч келамиз.

Қачонки бирор ёзувчининг «ёзишдан мақсадим» каби ёзувига дуч келсам ёки шунга ўхшаш мавзуда битилгандарни ўқиб қолсам, гёё неча йиллардан бери излаган жавобимни топгандек қизиқиш билан ўқишига киришаман. Не ажабки, ҳар сафар қониктирувчи жавобдан кўра, менга ҳеч ёт бўлмаган ўхшаш изоҳга дуч келаман. Биз ёзувчиларни бир-бирамизга қариндош қўлган изоҳдошликлар бу. Шунингдек, жуда ҳам асосли изоҳлар, чуқур таҳлил ва тафовутлар қайдига ҳам дуч келамиз баъзан.

Бу каби масалалар адабий журналларнинг савол-жавобларига мавзу бўлгани каби оммабоп журналларнинг ҳам доимий рукнига айланган. Хоҳ қисқа, хоҳ узун матн ёки изоҳларда ўқувчилар севимли ёзувчиларининг бу борадаги фикр-мулоҳазаларини билишга интилишиди.

Табиийки, ҳар бир давр бадиият сирлари хусусида янгича изоҳлар кутади. Тамаддун қанчалар тарақкий қилмасин, адабий асар акс эттирган муаммоларни тўла-тўқис изоҳлаб бўлмаслиги бор ҳақиқат. Асар барча таҳлил, тадқиқ, танқид ва изоҳларга қарамай, сирли бўлиб қолаверади. Шунга қарамай, адабиёт қудрати олдида чорасиз қолган кенг ўқувчи оммаси ҳар гал ёзувчию шоирларга, санъаткорларга очиқ-ойдин саволлар йўллашда давом этади, улардан аниқ жавоблар кутади.

Хуллас, инсоният ибтиносидан буён дунёни ақлига сидиришга ҳаракат қилади. Бу тур ҳаётдан ўзлаштириб, халқа тарқатиш каби савол ва жавоблар бир томондан адабиётни энг ибтидоий табиатига қадар ортга назар солишга ундейди. Асарга, ижодкорнинг борлиғига оид энг асосий саволларни қайтадан сўрраттиради. Берилган жавоблар қанчалар

ўхшаш ёки фарқли бўлмасин, ёзувчининг нега ёзганини ҳамон тўла тушунолмаймиз. Ўз ҳаётий тажриба ва билимимиздан келиб чиқиб, берилган жавобларни тарозига тортиб қўришга, тушунишга, изоҳлашга ва буларнинг барчасидан ўзимизча бир натижажа чиқаришга ҳаракат қиласиз. Аслида бу ижодкорнинг бой ҳаётий тажриба ва кузатишларини бўлишишидир.

«Нега ёзаман» номли мақоласида Жорж Орвел «Ақлли кўриниш, ўзи ҳақида баҳс ва мунозараларга сабаб бўлиш, ўлимдан сўнгра ёдга олиниш, болаликда бизни писанд қилмаган кексалардан ўч олиш истаги ва ҳоказо» жиҳатларни санайди. Шунингдек, худди шу мақолада «қўпинча ўзини ёлгиз ҳис қилувчи кишиларда бўладиган ҳикоя тўқиши, хаёл сурувчи кишилар билан гаплашиш кўникмаси менда ҳам бор эди ва ўйлайманки, мендаги ёзишига бўлган ружу то бошдан бери барчадан узилиб, айри яшаш туйгуси ҳамда кўрганим камситишлар билан жуда боғлиқ эди. Сўзларни осонгина қўллаш қобилиятимни, ёқимсиз воқеалар билан юзма-юз бўлишдан қўрқмаслигимни билардим. Бу билан кундалик ҳаётдаги омадсизлигимни хаспўлашга ярайдиган алоҳида бир дунё яратганимни ҳис қилардим» дейди.

Баъзи ёзувчилар бир кун келиб ёзувчи бўлишларини жуда эрта биладилар. Мисол учун Ҳерман Ҳессе: «Бир ҳаёт ҳикоясининг изоҳи» номли мақоласида «Ўн уч ёшимдан бери бир нарсани жуда яхши билардим: улгайгандан ё ёзувчи бўламан ёки ҳеч ким», дейди. Сўнгра бу қатъий қарорнинг хуласини шундай якунлайди: «Ёзувчи бўлиб тугилади киши, ёзувчилик эгалланадиган иш эмас!»

Фридрих Дюренмат «Ёзувчилик касб сифатида» номли мақоласида «касб» сўзи пул топиш мақсадида қилинган иш-ҳаракатни билдиришини айтиб, ёзувчиликнинг касб бўла олмаслигига ишора қиласади. Дюренмат қаноатича, ёзувчилик бойлик ва фарновонлик келтирувчи юмуш эмас, шунчаки инсонни овнтирувчи, роҳатлантирувчи бир фаолият тури ва шу сабабли касб бўла олмайди.

Владимир Набоков «Яхши ўқувчилар ва яхши ёзувчилар» номли мақоласида ёзувчиликнинг ҳали аҳамият берилмаган, ҳатто кўпинча эътибордан четда қолиб келган қирраси — сеҳргарлик хусусиятига ургу беради: «Ёзувчига уч жиҳатдан боқиши мумкин: ровий (баён қилувчи), ўқитувчи ҳамда сеҳрловчи... Буюк ёзувчилар мазкур уч сифатга эга бўлишади, бироқ бунда устун томон сеҳрловчиликдир».

Жон Пол Сартрнинг «Ёзиш нима?», «Нега ёзамиз?», «Ким учун ёзамиз?» номли уч қисмдан иборат «Адабиёт нимадир?» номли китоби ўтган асрнинг 60 йилларида кенг адабий жамоатчилик томонидан қизгин баҳсга сабаб бўлган. Адиб унда ёзиш-



Муротхон МУНГАН

NIMA UCHUN YOZAMAN?

нинг сабаблари ва амалиёти билан боғлиқ бир қатор муҳим саволларга эринмай жавоб излайди. Ёзувчилик одатда ўзни ифода этиш заруриятидир, деб қарайди Сартр. Ўзни ифода этиш масаласида «айтар сўзи бор бўлиш» билан «ёзувчи бўлиш» маънолари ўртасида аниқ тафовут борлигини айтиб ўтади: «Ёзиш деган бир юмуш бор ўртада. Қатор нарсаларни айтишни маъқул кўриб эмас, балки қатор нарсаларни у ёки бу тарзда айтишни лозим топиб ёзувчи бўлади киши. Ҳа, ёзишнинг қадр-қимматини билишдир бу».

Карлос Фонтес «Ёзишни қандай бошладим» номли мақоласида ватанидан узоқда кечирган болалик йилларидан ва чет элларда «келгинди» бўлиши ҳолатидан сўз юритаркан: «Айричалик атрофдагиларни чўчитади. Аслида фарқли бўлгандан ҳам кўра, одамлар ўз нуқсонларини бошқа инсонда кўришдан кўрқадилар». Мен бу жумлада Фонтеснинг мақсадидан кўра ёзувчиликка дохил умумий ҳолатни кўрмоқдаман. Яъни ёзувчининг ўз асарида бегона бўлиш ҳолатини. Ҳаётдаги асли билан асар ёзаётган пайтдаги ёзувчи орасидаги парчаланишнинг намойишини. Прустдан Сомер Могҳамга қадар бир қанча ёзувчининг хаёлини банд этган, ёзувчининг шахсий ҳаёти билан ёзуви орасида бўлинганд менилклаврининг тафовути ҳам шундай. Ёзувчи дунёни қайд қилишга киришаркан, қанчалик ҳаётнинг ичидаги

бўлмасин, дунёдан ва ўзидан узилмай туриб, буни рисоладагидек уddaрай олмайди.

Бу мақола орқали нега, нима учун, нима сабабдан ёзилади саволи ўзини ва атрофдагиларни қизиқтирган ёхуд ёзишга кўнгил қўйган кимсалар учун маълум маънода жавоб изланди. Умидсизликка тушган сари бошқаларнинг айтганларидан бир чора топамиз баъзан. Ёзувчилар бир-бирларининг сўзларига муҳтоҷ бўладилар. Бошимиз қотган сари бошқаларнинг дарди дардимизга малҳам бўлар, деган умидда билишга эҳтиёж сезамиз. Ўзгаларнинг ҳаёти, мақолалари, билими, бошдан кечирганларига... қизиқамиз. Шунда ўзимизни жуда ҳам ёлғиз ҳис қилмаймиз. Чеккан азобимиз, боши берк кўчага кириб қолганимиз, чексиз изланишларимиз, эсанкирашларимиз ва шунга ўхшаш ҳолатлар олдин бошқаларнинг ҳам бошидан кечганини билиш дардларимизни бироз енгиллаштиради, бизни қийноқдан халос этади. Яшашда давом этишга куч беради. Адабиётни жонудили деб билгандарнинг ёлгизлигини енгтан ягона нарса, бирни кўриб фикр қилишидир...

Хўш, мен нега ёзаман? Тушунган бўлсангиз керак, менинг ҳам қўпчилик ёзувчилардан фарқим йўқ аслида. Ёзаяпман ва нега ёзётганимни... билмайман.

Биргина билганим — бу яхши.

Шермурод СУБҲОН таржимаси



ЕНТИҮОТ BO'LING, OLOV!



ТИЛСИЗ ЁВ

Хар йили Республикамизда «Ёнгин хавфсизлiği» ойлаги бўлиб ўтади. Шу мавсумда ойлик доирасидаги бир қанча ишлар амалга оширилади. Аҳолини ёнгин хавфсизлiği чоралари билан таништириб, ўқув юртларида тушунтириш ишлари олиб борилади. Шундай бўлса-да, эзтиборсизлик, эҳтиётсизлик туфайли ёнгинлар чиқиб туради. Олов — тилсиз ёв. Уни бўйсундириш, бартараф қилишдан кўра тўғри фойдаланган мақсадга мувофиқ.

Ёнгин қадим замонлардан энг қўрқинчли оғатлардан бири ҳисобланаб, кўплаб фалокатларга сабаб бўлган. Ҳақиқатан ҳам кучли ёнгинлар олдида одамзод ҳозирга қадар кўпинча ожизлик қилимоқда.

Ёнгинга қарши кураш воситалари деярли мавжуд бўлмаган қадим замонларда ёнгинни тўхтатиб қолишнинг умуман имкони бўлмаган. Натижасада ёнгин ҳатто бутун бошли шаҳарларнинг кулини кўкка совурган.

Римни қувфин қилган ёнгин

Рим ёнгини милоднинг 64 йилида содир бўлиб, Рим шаҳрининг 14 туманидан 10 таси ёниб кетишига сабаб бўлган. Баъзи маълумотларга кўра, Рим императори Нерон шаҳардан христианларни қувиш ҳамда уни қайта қуриш мақсадида ёнгин чиқаришга буйруқ берган... Ёнгиндан сўнг Римда ўша даврнинг энг улкан ва бой қасри қад ростлаган.

Лондондаги «фойдали» ёнгин

Лондон шаҳрида 1666 йилнинг 2 сентябридан 5 сентябрига қадар давом этган ёнгин «буюк ёнгин» номи билан тарихда қолган. Ёнгин натижасида шаҳарда мавжуд 80 минг уйдан 70 минги, шу жумладан, аристократлар яшайдиган Вестминстер тумани ҳам ёниб, кул бўлган. Ёнгин натижасида ҳалок бўлганлар сони ҳанузгача аниқланмаган. Бироқ бу ёнгин Лондонда авж ола бошлаган ўлатни бартараф қилган.

Давомли ёнгилар

Хитойнинг Люхуангоу кўмири конида содир бўлган ёнгинни орадан 130 йил ўтгач — 2004 йилда ўчиришга муваффақ бўлинган. Бу вақт давомида кондаги 2 миллион тонна кўмири ёниб кетган.

Американинг Централия шаҳрида 1962 йилда ер қатламини ўрганиш учун қазилган қудуқда тўпланиб қолган чиқиндиларни бошқариладиган ёнгин билан йўқ қилиш режалаштиришади. Бироқ оловни яхши ўчиришмайди. Кул тагидаги олов чириндилар орқали бошқа ташландиқ шахталарга ўтади. Ёнгинни ўчиришнинг чорасини топа олмаган хукумат шахталардан доимий равишда чиқиб турадиган тутундан инсонларни ҳимоялаш учун 1984 йилдан бошлаб шахта атрофидаги аҳолини кўчира бошлайди. Ҳозирги кунда Централиядада 1000 нафар аҳолидан атиги 9 киши яшамоқда.

1906 йилнинг 18 апрелида Сан-Францискода содир бўлган зилзила оқибатида ёнгин келиб чиқади. Шаҳарнинг малакасиз қутқарувчилари алангта кенг тарқалиб кетмаслиги учун унинг йўлидаги уйларни портлатишида. Бу ҳам етмагандек, ҳароба уйлар эгалари ҳокимиятдан сугурга пули ундириш мақсадида ўз уйларини ёндириб юборишида. Оқибатда, шаҳардаги 25 мингта уй ёниб, 3000 одам ҳалок бўлади. Ҳокимият жабрланганларга сурғарта тўлаш ўрнига талончиликни бартараф қилиш учун шаҳарга армия киритишга мажбур бўлади.

Нима қилиш лозим?

Кексалар ўт балосидан асрасин, деб кўп айтишида. Ўт чиндан ҳам бало. Касални даволагандан кўра олдини олган афзал деганларидек, ҳар қандай, ҳатто кичик ёнгинларнинг ҳам олдини олган маъқул. Бунинг учун;

- Ўйингиз атрофини озода сақланг, атрофда қуруқ ўт, барг ва чиқинди тўпланиб қолишига йўл қўйманг;
- Том ва ертўлаларда тез ёнувчи воситаларни сақламанг. Бундай жойларда чекманг;
- Том ва ертўлага олиб чиқувчи эшикларни кулфлаб қўйинг;
- Зиналар ва чиқиш йўлларига шкаф ва шунга ўхшаш жиҳозларни қўйманг;
- Ҳовли ва кўчаларда ўт ўчириш машинасининг ҳаракатланишига тўскенилик қиласидаган қўшимча ошхона, гараж ва бошқа бинолар қурманг. Бундай бинолар қуриш учун рухсатнома олинг;
- Музлаб қолган қувурларни эритиш учун (айниқса, ертўла ва томларда) очиқ оловдан фойланманг;
- Ёш болаларга электр ва газ жиҳозларини ёкишга рұксат берманг;
- Болаларга ёнгин ҳақида тушунча беринг. Гўдак болаларни уйда ёлғиз қолдирманг;
- Таъмирлаш ишлари олиб бораётганда, тез ёнувчи воситалар билан ишлаётганингизда хавфсизлик қоидаларига амал қилинг;

- Хонадонингиз ва қўшимча бинолардаги электр жиҳозлар созлигини таъминланг. Электр уланадиган жойлар (розетка ва бошқаларнинг) қизиб кетмаётгани ва учкун чиқармаётганини текшириб туринг;
- Дазмол, электрплита, электр чойнак, электр иситиш воситаларини парда ёнига, гилам ва мебел устига қўйманг. Уларни ёнмайдиган жиҳоз устига қўйинг;
- Кийим ва бошқа кирларни печ, газ плита ва иситиш воситалари устида қуритманг;

- Печ ёнига ерга 50x70 см. ўлчамдаги металл лист қоқиб қўйинг. Печ ёнига ёғоч мебел ўрнатманг. Ўтинни печ устида қуритманг;

- Гугурт ва бошқа ёндириш воситаларини болаларнинг кўли етмайдиган жойда сақланг;

- Тез ёнувчи жиҳоз ва жисмлар — спирт, газ баллон, пардоз воситаларини иссиқда, яъни олов яқинида ва қўёш нури тушадиган жойда сақламанг;

- Лупа, контакт линза, кўзойнак сингари ўткир оптик асблобларни қўёш нури тушадиган жойга қўйманг;

- Иssiқликнинг тўпланиб қолишига йўл қўйманг; Электр лампа, қандил, стол лампаси, телевизорларни қоғоз ёки мато билан ёпманг;

- Қўлбала иситиш воситаларидан фойдаланманг. Агар фойдалансангиз, уни қаровсиз қолдирманг;

- Кулдан эҳтиёт бўлинг. Кулнинг орасидаги чўғ бир неча кунгача сақланиб туриши мумкин;

- Ётган ўрнингизда чекманг. Чекимлик қолдигини ташлашдан олдин ўчганига ишонч ҳосил қилинг;

- Ошхонангизда нимадир ёниб турган бўлса, уни қаровсиз қолдирманг. Ўйдан чиқиб кетишингиздан олдин газ ва электр чироқнинг ўчирилганлигига ишонч ҳосил қилинг. Яхшиси, чиқиш эшигингизнинг ички тарафига газ, электр деб ёзиб қўйинг. Бу ёзув ўйдан чиқиб кетишингиздан олдин газ ва электр чироқнинг ўчирилганлигини текшириб кўриш лозимлигини эслатиб туради;

- Ёнгин чиққандা кимларга қўнгироқ қилиш лозимлигини оила аъзоларингизга тушунтириб қўйинг.

Ёнгин пайтида

Хонадонлардаги ёнгинларнинг сабаблари ўрганилганда, ёниқ қолган электр жиҳозлари, ёлғиз қолган болалар, ётиб чекиш, носоз мўрилар, электр ўчиб қолганида бошқа воситалардан фойдаланиб, назоратсиз қолдириш сингариларга кўп дуч келинади. Шунинг учун эҳтиёт чораси сифатида ёнгин пайтида нима қилиш лозимлигини билиб қўйган яхши.

- Ёнгин пайтида босиқлик билан, фикр-мулоҳаза билан ҳаракат қилинг. Ваҳимага тушманг;

- Манзилингизни аниқ кўрсатган ҳолда ўт ўчирувчиларга хабар беринг;

- Газ ва электр тармоғини узинг;

- Қўл остидаги воситалар ёрдамида ёнгинга қарши курашинг. Нефт маҳсулоти ёнаётган бўлса, унга сув сепманг. Электр жиҳозлари ёнаётган бўлса, уни электр тармоғидан узмасдан туриб оловни ўчиришга ҳаракат қилманг;

- Ёнгинга қарши курашиш имкони бўлмаса, дарҳол бинони тарқ этинг;

- Чиқаётib ёрдамга муҳтоҷ одамлар ва уй ҳайвонларини кутқаришга ҳаракат қилинг. Ёнаётган одамни кўрсангиз, уни бирор мато ёки кийим билан ёпиб, ерда думалатинг;

- Агар чиқиш йўлаклари тутун билан қопланган бўлса, ташқарига чиқишига ҳаракат қилманг. Уй ичидаги қолиб, эшик ва деразаларни бекитинг, улардан тутун ва ҳаво кирмаслиги учун тирқишлирага хўл латта тиқинг. Эшикка сув сепиб туринг. Бошқалар сизни кўриши учун дераза ёнида туришга ҳаракат қилинг (деразани очманг);

- Агар тутунли жойга тушиб қолсангиз, ерга ётиб олинг. Ҳар доим тутун тепада, тоза ҳаво пастда бўлади.

Олдинда бизни қишили-қировли кунлар кутмоқда. Со-вукдан қочиб, ўтга тутилмаслик учун ҳар доим эҳтиёткор ва эътиборли бўлган яхши.

Муҳиддин ТИНИБЕКОВ



Рауат үйсан

qanday bo'llishi kerak?



Биз, аёллар, байрамларни, тўй-тантаналарни ёқтирамиз. Алоҳида эътибор билан олдиндаги маълум санаға тайёргарлик кўрамиз. Кечанинг маликаси бўлиши қайси аёлга ёқмайди? Бироқ бунда ҳаддини билиш, шароитга қарашиб, бошқалардан ажралишга интилиб, бачканга бўлиб қолмаслик ҳам эътиборга олинини лозим. Кетма-кет келган байрам ва шодиёналарнинг ҳаммасига алоҳида-алоҳида кийнишини истаб оиласини қийнаб қўядиган аёллар ҳам учраб туради. Бувим ёшлигимизда байрамларга тайёргарлик кўрсак, ўртоқларимиз билан кийимлар ҳақида баҳслашсак, ҳайит бир кунлик, тадориги ўн кунлик, деб койиб қўярдилар. Ҳақиқатан, бавзи аёллар кечаларга салондан фалон сўмлик кийим олиб кийсалар, фалон юртдан шу кун учун атай олиб келтирган кийимни кўз-кўзласалар, айримлар чироили шарф ташлаб олиб ҳам кундалик кийимни байрамонага айлантириб кетаверадилар. Бу ҳолатларнинг бирортасини ҳам тўғри ёки нотўғри дея баҳоламай, бошқаларнинг фикри билан қизиқиб кўрдик. Хулосаси ўзингизга ҳавола.

Дилором ХУДОЙБЕРГАНОВА, журналист.

— Аёл кишининг байрамона либоси қандай бўлиши керак?

— Бу саволга қисқагина жавоб бериб бўлмайди. Сабаби, фақат байрамлар назарда тутилаётган бўлса, уларнинг тури кўп. Янги йил базмига кийиладиган либос Наврўз айёмига тўғри келмайди. Агар тўй-ҳашамлар назарда тутилаётган бўлса, бунинг ҳам ўзига хос томонларини ҳисобга олишга тўғри келади. Туғилган қунга кийиладиган либос билан никоҳ тўйига кийиладиган либоснинг ҳам ўзига яраша рангидা, бичимида фарқи бор. Лекин ҳар қандай ҳолатда ҳам байрам либоси уйлик, кўчалик ва ишхонага кийиладиган либослардан фарқ қилиши керак. У чин маънодаги байрам нафаси уфуриб турадиган, жозибадор рангдаги матодан ўзига хос бичими билан бошқаларнинг дикқатини тортадиган бўлиши керак. Ранглар борасида аниқ тавсия бериш қийин. Бу аёл кишининг юз ранги, қомати, сочининг, ҳатто кўзининг ранги билан боғлиқ масала. Бирорвга қордай оқ либос ярашса, бошқага ярашмаслиги мумкин. Бошқа бир аёлни бўғадиган ранг эса яна бирининг рангини очади. Дарвоқе, бу ўринда ёш ҳам алоҳида ўрин тутади. Ёши катта ёки ўрта ёшли аёл бўй қиздай кийинса, бачканга кўринади. Шунинг учун бу ўринда кишининг диди эмас, дизайнерларнинг маслаҳати ҳам ҳисобга олинини лозим.

— Байрам либосини танлаётганда нималарга аҳамият бериш керак?

— Таъкидланганидек, танланган мато рангининг ўз қиёфасига мос келиши муҳим аҳамиятга эга. Кейин қомат тузилишини унугтаслик керак. Модадан ортда қолмайман деб, ўта тор ёки кенг, этаги ерга тегадиган ёки тиззаздан юқорида турадиган қўйлак кийган аёл қўпчиликнинг дикқатини тортиши мумкин. Лекин гўзаллик тимсоли сифатида эмас... Муҳими, байрам либоси аёлнинг хуснига ҳусн қўшиши, латофатини ошириши, давранинг гулига айлантириши лозим. Бу эса оғзаки маслаҳат билан бўладиган иш эмас.

— Ҳозир оқшом либосларини ижарага берадиган салонлар ҳам кўп. Бу борада фикрларингиз қандай?

— Салондан кийинишининг битта кулагай томони бор, ўзингиз орзу қилган газламадан тикилган, дидингизга мос ранг ва бичимдаги ҳар қандай либосни танлаб олса бўлади. Ҳатто ўзингиз кутмаган ҳолда гўзал либосни ҳам учратиб қолишингиз мумкин. Аммо гигиена деган но-

зик масала ҳам бор. Уни сизгача кимлар кийган? Териси соғломми, танида бошқа иллатлари йўқми? Бунинг асортати қолмаганми? Мана шу томонларини ўйласангиз, салондан кийим олиб кийишга ўйланиб қоласиз.

Мадина БОБОМУРОДОВА, чевар.

— Аёл кишининг (оқшом) байрамона либоси қандай бўлиши керак?

— Аёл кишининг ўзи гўзал, табиати ҳам гўзал бўлганидек, оқшом либоси ҳам жозибадор бўлиши керак. Аёл киши оқшом либосида бир хилликдан қочади, яъни алоҳида жозибали бўлишни истайди. Энг аввалло, оқшом либоси ўзига ёқиши, ярашиши, қоматга мос тушиши керак. Тўлачадан келган аёллар тўқроқ ранглардаги либосни танласалар, озгинроқ кўрсатади. Озғин аёллар очроқ рангдан фойдалансалар, янада жозибадор кўринадилар.

— Оқшом либосини танлаётганда нималарга аҳамият бериш керак?

— Ҳар ернинг тошу тарозиси бўлганидек, аёл киши оқшом либосини танлаётганда ўзлигини, миллийлигини йўқотмагани маъқул. Борадиган жойига қараб танласа, яхши бўларди. Аслида ёпиқроқ либос аёллик жозибасини беради. Қўйполроқ бўлса ҳам айтай, мутлақо енгизиз либосдаги аёл кўпчиликнинг ғашини келтиаркан. Шунингдек, очиқ тиззалар ҳам акс гўзлаллик касб этади. Тўй оқшоми учун либос танлаётган келинларга ҳам шу маслаҳатни бермоқчи эдим. Келинлар этаги узун, тошлари кўп, ҳашамли кўйлакларга қизиқишиди. Бироқ бу либослар келин-күёв қўл ушлашиб, айлануб юриши учун ярашикли. Ҳамма жамулжам бўлган тўйхонага елкалари яланг келин кириб келиб, салом беради. Айниқса, улар ўз жойларига ўтиришгач, келиннинг факат очиқ елкалари кўриниб туради. Кўпсонли тўйхонада эса бу унчалик яхши манзара эмас...

— Салондан кийинишининг қулай ва сиз ноўрин ҳисоблайдиган томонлари.

— Агар кўйлак тикирмоқчи бўлсангиз, яхши мато ва бичим, мутахассис излашингиз керак. Салондан кийинишининг қулай томони шундаки, қайта ўлчашга келмайсиз. Бир кун олдин ёки ўша куни ўзингизга ёқсан тайёр кўйлакни олиб кетишингиз мумкин. Бироқ бир марта киядиган либоснинг маблагига кейин ҳам ўзингизни бўлиб қоладиган кийим олишингиз мумкин.

Бу борада эркакларнинг фикрлари билан ҳам қизиқиб кўрдик.

Хусниддин ЭРГАШЕВ, ўқитувчи.

— Аёл кишининг оқшом либоси қандай бўлиши керак?

— Аёлларнинг кийиниши билан унчалик қизиқмайману, лекин аёлим, қизимни борадиган жойларига кийим-кечак масаласида қарашаман. Иккаласи ҳам менинг дидим ва қарашимга муносиб кийинишиди. Бизнинг оиласда ҳар бир тўй, ҳар бир байрам учун алоҳида кийим қилинмайди. Аёлим ҳам, қизим ҳам чевар. Кўпроқ ўзлари тикиб, кийишиди. Ўйлайманки, бу масалада улар мендан норози эмас.

— Оқшом либосини танлаётганда нималарга аҳамият бериш керак?

— Қизим ўш бўлгани учун фақат либос эмас, тақин-чоқлар масаласида ҳам онасига маслаҳаттўй. Менга қолса фақат байрамона либослар эмас, ҳар кунлик кийимлар ҳам қулай, бошқаларнинг эътиборини ортиқча тортмайдиган, қисқача айтганда, ҳам замонавий, ҳам гўзал бўлиши керак.

— Ҳозир байрамона либосларни ижарага олиб кийиш ҳам мумкин. Бу борада сизнинг фикрингиз қандай?

— Яхши. Шунга эҳтиёж бор экан, одамлар фойдаланаётпти. Салонлар ҳам ўз ўрнида ҳам ўзгаларнинг ҳожатини чиқаради, ҳам даромад олади. Бунинг ёмон томони йўқ. Лекин ҳали бизнинг оиласда бу хизматдан фойдаланишмади.

Юқоридаги фикрлардан келиб чиқиб, аёлларнинг оқшом либоси танлашларида оиласнинг, борадиган жойнинг, бундан ташқари, шу аёлга тегишли, хос жиҳатларнинг ҳам аҳамияти катта эканига амин бўлдик. Фақат бунда кийим масаласи муаммога айланмаса бўлди. Зоро, донолар айтганидек, кийим инсонни эмас, инсон кийими ни безайди.

Нигина ҚОДИРОВА тайёрлари



Donishmand

HASAN DASHTIY

Donishmand Hasan Dashtiy hayotidan keltirilgan rivoyatarni o'qiganlar aslida uning kim bo'lgani bilan qiziqishlari tabiiy. Hasan Dashtiy — badiiy to'qima obraz. Muallif yaratgan ushbu qahramon siyemosida zukkoligi, hozirjavobligi va topqirligi bilan har qanday masalaning to'g'ri yechimini topishga qodir donishmand bobolarimiz timsolini ko'ramiz.

Tanishuv

Qadim zamonda bir podsho bo'lgan ekan. Uning vaziri olamdan o'tgach, o'rniya yangisini tayinlamoqchi bo'libdi. «Kimda kim, odamlar nazdida xor-u, o'zi dunyoda bebahbo bo'lgan narsa nimaligini aytса, o'shani vazir qilaman», deb talabini ovoza qilibdi. Saroy ahli ham, saroydan tashqaridagilar ham javob izlabdi. Javoblarning hech biri podshoga ma'qul kelmabdi. So'ngi umid shahar chetida yolg'iz yashaydigan donishmand Hasan Dashtiydan ekan. Odamlar podshoning savoliga faqat u javob topishi mumkin deyishibdi. Bu gapdan xabar topgan podsho darhol uni huzuriga chorlatibdi.

— Sizni ulug' podshomiz yo'qlamoqda. Tez biz bilan yuring! — debdi saroy odamlari uni shoshirib. Daraxt soyasida o'tirib savat to'qiyotgan donishmand saroy odamlaridan bamaylixot so'rabdi:

- Menden podsholikni ranjitadigan bir ayb o'tibdimi?
- Xavotirga o'rin yo'q. Sizdan hech bir ayb o'tmagan. Podshomiz siz bilan uchrashishni istaydi, xolos.
- Podshoning oyoq-qo'li, umuman, to'rt muchasi sog' mi?

— Albatta, to'rt muchasi sog'. Bunday bema'ni savol berishga qanday haddingiz sig'di? — deyishibdi saroy kishilari g'azablanib.

— Unda menden ancha keksa odam ekan-da, — debdi yana xotirjam o'z ishida davom etib donishmand.

— Yo'q, podshomiz ayni kuchga to'lgan, navqiron yoshda, — deyishibdi unga javoban.

— Agar podshoning oyoq-qo'li shol yoki yoshi menden ulug' bo'lganida, uning huzuriga borgan bo'lardim. Ammo aybsiz, ozod, podshodan yoshi ulug' bir odam bo'lsam, buning ustiga, u menga emas, men unga kerak bo'lib turganimda, nega endi uning huzuriga boray? Modomiki, ko'rishishni istarkan, o'zi kelsin, — debdi qariya pinagini ham buzmay.

Saroy odamlari qariyaning mantiqli, asosli gaplarini podshoga yetkazishga majbur bo'lishibdi. Podsho avval g'azablanibdi, so'ng qariyaning gaplarida jon borligini anglab yo'lga tushibdi.

Podshoning savolini eshitgan Hasan Dashtiy kulibdi. So'ng qo'liga bir kaft tuproqni olib sekin so'rabdi:

— Avval mening bir iltimosimga quloq tutsangiz. Mana shu bir kaft tuproq ham Sizga, Sizning saltanatingizga tegishli. Ijozat bersangiz, uni to'rvamga solib o'zim bilan olib ketsam. Evaziga qancha haq so'rasangiz, beray.

— Bir kaft emas to'rvangizni to'ldirib olsangiz ham haq

so'ramayman, — debdi podsho kulib.

— Demak, tuproq tekin. Siz uni tekin deyishingiz bilan qadrsizligini isbotladingiz. Men esa uning dunyoda hamma narsadan ustunligini isbotlayman. Shunda savolningizning javobi kelib chiqadi. Odam tuproqdan yaralganiga shubha qilmaymiz. Bir kun kelib, tuproq tagida mangu makon topishimizni ham hech kim inkor etolmaydi. Bundan chiqadigan xulosa, tuproq biz uchun hamma narsadan aziz va mukarramdir.

Hasan Dashtiyning mantiqli javobi podshoga ma'qul tushibdi:

— Javobingiz meni qanoatlantirdi. Kimda-kim shu savolga javob topsa, uni o'zimga vazir etib tayinlamoqchi edim. O'sha so'zim — so'z. Bu yurtda sizdan aqli odamni uchratmadim, vazirim bo'ling!

Hasan Dashtiy podshoning taklifiga javoban:

— Oddiy savolning javobini bilmagan hukmdorga qanday qilib vazir bo'lay. Men vaziri bo'lgan podsho mendan yuz bora yuksak aql-idrok sohibi bo'lmos'i kerak, — debdi.

Podsho ichida uning zukkoligiga tahsin o'qib turgan ekan, endi dovyurakligiga ham tan bermay iloji qolmabdi.

— Unda, Siz podsho, men esa vaziringiz bo'lay!

Donishmand podshoning taklifiga javoban beozor jilmayib:

— Podsho bo'lsam, men ham Sizdek, vazirim haligi savolning javobini biladigan darajada zukko bo'lishini istayman, — debdi yana bir bor tafakkuri bilan uni lol qoldirib.

Hukmdor: «Unda menga ustoz bo'ling. Sizdan ko'p narsani o'rganishim kerakligini anglab turibman», — debdi uning etaklarini ko'ziga surtib.

Hasan Dashtiy podshoning oqil va ziyrakligiga ichida tasannolar o'qib, rozilik bildiribdi.

Eng yaxshi sovg'a

Kunlarning birida podsho ustozini ko'rgani bormoqchi bo'libdi va «Ustozim uchun eng yaxshi sovg'a - kitob», deb saroy kutubxonasidan qadimiylar va nodir qo'lyozmalardan keltirishlarini buyuribdi.

Kitobni ko'rgan Hasan Dashtiyning yuzi oftobdek charaqlab ketibdi. Podsho ham sovg'asi ustoziga ma'qul kelganidan xursand bo'libdi.

— Davlatpanoh, kitoblarni o'zingiz ham o'qiganmisiz? — debdi Dashtiy. Ustozining qo'qqis bergan savolidan hijolat bo'lgan hukmdor:

— Davlat yumushlaridan qo'l bo'shab mutolaa qilolganimcha yo'q, — deb javob qilibdi.

— Undoq bo'lsa o'zingiz o'qimagan, mazmunidan xabarsiz kitobni birovga sovg'a qilishingiz to'g'ri bo'lmas, — donishmand shu gapni aytib, podsho bilan xayrashibdi.

Podsho saroya qaytgach, kitoblarni qiziqish bilan o'qib chiqibdi va shundan so'ng yorug' yuz bilan ustoziga taqdim qilibdi.

Hidayat OLIMOVA



Сарбобиниң ғәни, күнгө етпаган
Хорам тафтиниңда эримтөңдө муз.
Сен келшів бағынниңде эймөндеман,
Сен зам менең әңди ташлаб кейні, күз...

ДИҚҚАТ, ТАНЛОВ!

**Ўзбекистон Республикаси Маданият ва спорт ишлари вазирлиги
Вазирлик тасарруфидаги Тошкент маданият коллеки, Самарқанд санъат
коллеки, Урганч санъат коллекжларига ўқув, маънавий-маърифий ишлар
ҳамда касбий таълим бўйича директор ўринбосари лавозимларига, Қашқадарё
маданият коллеки маънавий-маърифий ишлар ва касбий таълим бўйича
директор ўринбосари лавозимларига замонавий талабларга жавоб берувчи, юқори
малакали, чуқур касбий билимга, ижодий ва илмий потенциалга, юксак ахлоқий ва
маънавий сифатларга эга бўлган номзодларни саралаб олиш бўйича**

ТАНЛОВ ЭЪЛОН ҚИЛАДИ.

Танловда малака даражаси катта ўқитувчидан кам эмас, таълим муассасаларида камида беш илллик педагогик иш стажига эга бўлган, илмий даража (илмий унвон)ли ёки педагогик (касбий-таълим) ёки таълим муассасасининг йўналиши бўйича магистр дипломига эга мутахассислар иштирок этишлари мумкин.

Танловда иштирок этишни хоҳлаганлар тегишлилиги бўйича Тошкент шаҳар, Самарқанд вилоят, Хоразм вилоят, Қашқадарё вилоят маданият ва спорт ишлари бошқармаларига тегишли ариза (Сўровнома ва таржимаи ҳол; маълумоти, илмий даража ва илмий унвонлари ҳақидаги хужжатларнинг нусхалари, илмий-услубий ишлар ва ихтиrolар рўйхати (мавжуд бўлса); 4x6 ўлчамдаги 4 дона фотосурат; дъяворгарлик қилаётган лавозим бўйича ихтиёрий шаклдаги ёзилган режа (концепция) билан мурожаат қилишлари лозим.

Хужжатларнинг асл нусхалари шахсан номзодлар томонидан кўрсатилади. Хужжатлар эълон чиқкан кундан бошлаб, 30 кун мобайнида қабул қилинади.

Кўшимча мурожаат учун: (8 371) 239-44-91



GALEREA



Клод Моне.
Күёш чиқиши
арафасидаги
таассурот.

IMPRESSIONIZMNING «TUG'ILGAN KUNI»

Кўп ҳолларда санъатга доир ходисаларнинг бошлангич нуқтасини белгилашда аниқлик етишмайди. Аксинча, бир асрнинг охирию нариги асрнинг бошларида, муайян асрларнинг ўрталарида юзага келган қабилидаги мавхумлик кузатилади. Тасвирий санъат тарихида буюк ислохотлар даврини бошлаб берган импрессионизм оқимининг пайдо бўлиши эса аниқ: 1874 йилнинг 15 априли. Айни санани тасвирий санъатнинг рангтасвир турди импрессионизм оқимида асос солинган кун сифатида эътироф этиш мумкин.



Клод Моне. Куз.

Мълумки, XIX аср тасвирий санъатининг устувор йўналиши сармоядор шахсларнинг буюртмаларига асосан катта авлод рассомлари томонидан шохона кўринишида, академик тасвирий санъатнинг реалистик қонуниятлари асосида яратилган картиналарга бўлган талаб ўша давр маданий ҳаётининг бадиий-эстетик эҳтиёжи мазмунини белгилаб берар эди. Бироқ шу даврга келиб, бир гурӯҳ рассомлар яратиётган картиналари композициясига асосан табиятдан олаётган таассуротлар таъсирида юзага келган образлар бош обьект сифатида қабул қилиниб, анъанавий рангтасвирдан фарқли тарзда рангларни асосий восита сифатида қабул қилдилар ва ўз палитраларида фақат спектр ранглар (қизил, зарғандок, сарик, яшил, ҳаворанг, тўқ кўк, бинафша)дан фойдаланган ҳолда асрларини бевосита табиат қўйнида яратишга интилдилар. Импрессионистлар ижодий услубининг яна бир жиҳати улар рангларни бир-бирига қоришириш орқали эмас, балки турли тусдаги ранг суртмаларини ёнма-ён суртиш воситасида асар яратдилар. Табиийки, бу услуб санъат ихлосмандлари ва санъатшуносларнинг қаттиқ танқидига учради. Колаверса, ҳар йили Луврда ўтказиладиган «Салон» кўргазмасига қўйилмаслик янги оқим вакиллари учун

моддий муаммолар келтириб чиқарган бўлса-да, улар ўз қарашлари, илгари сураётган тенденцияларiga содиқлик билан ижод қилишда давом этдилар. Ва улар англадиларки, энди импрессионистлар учун фақат бир йўл қолган эди: ўз иттифоқларини тузиб, мустақил кўргазма ташкил қилиш. Шундай қилиб, импрессионистлар 1874 йил 15 апрелда Парижнинг Капуцинлар бульваридаги 35-ўйда жойлашган Гербуа кафесида ўзларининг дастлабки кўргазмаларини ташкил этдилар. Унда Клод Моне, Огюст Реноар, Эдгар Дега, Пол Сезанн, Алфред Сислей ўз асарлари билан иштирок этгандар. Кўргазмага қизиқиш жуда катта бўлган. Боиси, кўпчилик улар қандай каромат кўрсатишлиарни кўришни истаганлар, қолаверса, кириш нархи атиги бир франк эди. Намойиш этилган ишлар орасида Клод Моненинг аслида номсиз бўлган, бироқ кўргазмага осилаётганда Реноарнинг укаси таклифи билан «Күёш чиқиши арафасидаги таассурот» деб номланган асари бу гурӯхнинг «таассуротчилар» (таассурот — француза «impression») сифатида эътироф этилишларига сабаб бўлган. Аслида «Фигаро» газетасининг журналистлари кўргазма хақидаги хисоботларида бу сўзни киноя билан лақаб сифатида кўллаганлар. Омма эса уларни импрессионистлар деб атай бошлаганлар. Шу тариқа 1874 йилнинг 15 априлдан эътиборан, тасвирий санъат тарихида импрессионизм оқимига асос солинган. Бу оқим тез орада Европа, Америка, Осиё мамлакатларига сезиларли таъсири ўтказди ҳамда санъатда янада янги оқим ва йўналишлар юзага келишига замин яратди. Шунингдек, тасвирий санъатнинг бошқа турларига, умуман, санъатнинг мусиқа (К.Дебюси ижоди мисолида) ва адабиёт (Ги Де Мопассан ижодида) каби соҳаларида ҳам импрессионистик йўналишлар кузатилди.

Ўзбекистон тасвирий санъатида Л.Буре, О.Татевосян, А.Волков, П.Бенков, А.Мирсоатов, Ж.Умарбеков, Ш.Абдурашидов, А.Юнусов, Я.Салпинкиди, Д.Мирсалимовларнинг ижодида импрессионизм унсурларини кўриш мумкин.

Эндиликда импрессионистлар томонидан яратилган асарлар санъат бозорида энг қиммат картиналар сирасига киради. Тасвирий санъат асарлари савдоси билан шуғулланувчи Пол Дюран-Роюл ўз вақтида ўта қобилиятли рассомлар етишиб чиқаётганинг англаб, Моненинг бир неча асарини 20 франкка сотиб олиб, ҳар бирини 20 минг франкдан сотгани, вақтлар ўтиб, уларнинг ҳар бирни бир неча ўн миллионга баҳолангандиги, ҳақиқатан ҳам, импрессионистлар тасвирий санъат тарихида ўзига хос инклиб қилганинг англатади.

Аскарали СУЛАЙМОНОВ



Клод Моне. Фонтенбло ўрмонидаги.